

უაღვა კაჟიამე

გადაცემილი
საქაძეთი

ბუკოთუნება
19 თბილისი 57



ვანო სარაჯიშვილი



მ რ ი ს ს ი ა მ ა ყ ე

მეოთხედ საუკუნეზე მეტი გავიდა ვანო სარაჯიშვილის გარდაცვალებიდან, მაგრამ თითქოს ახლაც ჩვენს წინ დგას მხარბეჭიანი, წერწეტა კაბუკი და თვალმინაბული მღერის. ხუკუქტომიანი თავი ოდნავ გვერდზე მიუღია, წარბი შეუკრავს და შუბლის ნაოკში მთელი სევდა ჩაუფრქვევია. მოწყვეტილი მკლავი გულმკერდზე უძევს. სიმღერის დროს ცალი წარბი მონაწილედ მერცხლის ფრთასავით ცელქობს და ასხეპილი თითები უფრო ძალუმად სწვდება მკერდს — თითქოს უნდა მოჰგლიჯოს გული საგულეს და ხალხს ესროლოსო.

ეს სიმღერა კი არა, სასწაულებრივი აღგზნებაა მთელი სულისა და გულის, მთელი არსების.

ყველა სიმღერა სულში ჩამწვდომი სინარნარით ჭგაისმოდა ვანოს ბაგეზე.

ვანო სარაჯიშვილი!

რამდენ რამეს ეუბნება ეს სახელი და გვარი ქართველ ადამიანს. ვანო სარაჯიშვილში, როგორც ერთწყაროსთვალში თავმოყრილი იყო ქართველი ერის მუსიკალური კულტურის გენია. ვანომ გვაგრძნობინა ქართული სიტყვის ეშხი სიმღერაში. მან ოქროვან სიმით მოაჩუქურთმა ჩვენი ჰანგი — ხან ნიავივით მსუბუქი და იღუმალი, ხან კი თერგივით მგრგვინავი

და ბობოქარი. ვანომ პირველმა გაიტანა შორს, საქართველოს საზღვრებიდან ჩვენი „ურმული“, ძველი ხალხური სიმღერები, მოახდინა ქართველი ერის მუსიკალური კულტურის დემონსტრაცია უცხოეთში და ასახელა დიდებული ჩვენი სანშობლო.

ვანო სარაჯიშვილი ქართული ოპერის პირველი მახარობელი მერცხალია, მისი ქურუმი, უკვდავების მიმნიჭებელი.

ვანოს სიმღერა ესთეტიკური თრობა იყო საფლავამდე უნელებელი. სიმღერა, მისი სასიცოცხლო სტიქია იყო. სიმღერას თან გული უნდა ამოჰყვეს და სული შიგ ჩაჰყვეს.

დიდებული ბეთჰოვენი დაყრუვდა, მაგრამ გულით ესმოდა. ზოგ ხელოვანს ყურთასმენა აქვს, მაგრამ... გულით არის ყრუ. აი, სიყრუე რასა ჰქვია!

მქექარე ხმა სივრცეს მიაპობს—ლამის თეატრის სახურავი აჰკლიჯოს მალა: ხმა ისმის და არა სულის ღალადისი.

ვანო გულშივე სწვავდა ყოველ ბგერას, ამიტომ მისი სიმღერის წყარო გული იყო, ბაგე — ბილიკი.

ვანო ერთ-ერთი უბადლო ოსტატი იყო მთელს მსოფლიოში არაქართველ კომპოზიტორთა ნაწარმოებების შესრულებაშიაც. ხალხმა გააზღაპრა ვანოს სახელი. არც ერთ ქართველ მომღერალს არ ღირსებია მთელი ერის ესოდენ დიდი სიყვარული და დაფასება.

ვანო!—ისე სადად და დიდებულად ღღერს ქართული მუსიკალური კულტურის ისტორიაში, როგორც ილიას, აკაკისა და ვაეას სახელი ქართული ლიტერატურის ისტორიაში.

სარაჯიშვილთა გენეალოგიისათვის

„ვეფხისტყაოსანში“ ორჯერ გვხვდება სიტყვა „სარაჯი“:

„მეფემან კოშკი ააგო, შიგან სამყოფი ქალისა.

ქვად ფაზარი სხდა, კუბო დგა იაგჯნდისა, ლალისა;

ძირსა ბაღა და საბანლად სარაჯი ვარდის წყალისა.

ოგი მუნ იყვის, მედების ვისგან სახმილი აღისა!“

„ბალჩა ვნახე უტურფესი ყოვლისავე სალხინოსა,
მფრინველთაგან ხმა ისმოდა უაშესი სირინოსა,
მრავლად იყო სარაჯები ვარდის წყლისა აბანოსა,
კარსა ხედა მოჭფარვიდა ფარდაგები ოქსინოსა“.

(სტროფი 383)

სულხან-საბა ორბელიანი განმარტავს: „სარაჯა—ქვისა და ძელისა ღარივით რუსათვის“. ცნობილი ლექსიკოგრაფის დ. ჩუბინიშვილის განმარტებით: „სარაჯი (ირანული) შადრევანი“.

სარაჯი, ახლა მეკეხეს, მეუნაგირესა ჰქვიან. რადგან სარაჯა ან სარაჯი არის „ქვისა და ძელისა ღარივით რუსათვის“. ხოლო უნაგირის კეხი სწორედ ასეთსავე ღარს მოგვაგონებს, იქნებ ამის შესატყვისად მეუნაგირესაც სარაჯი დაერქვა. სარაჯიშვილიც, ალბათ აქედანვე წარმოსდგება.

დიდებულ შოთას ამ სტროფებში ვარდის წყლის შადრევანი აქვს მხედველობაში.

ვანო სარაჯიშვილიც ქართული ჰანგის სარაჯია, ვარდის წყლის შადრევანია!

წინაპრები და ნათესაობა

ვანოს პაპა, მიხეილ სარაჯიშვილი, კავკასიის მეფის ნაცვალ მ. ს. ვორონცოვის მეგობარი იყო. რუსის ჯარს სანოვანეს აწვდიდა. გაკოტრდა. ვორონცოვი წამოეშველა, მეგობარს ხელი გაუმართა. შვილების აღზრდაშიაც დაეხმარა.

მიხეილის ძმა, სოლომონ სარაჯიშვილი თბილისის ქალაქის თავი იყო.

ვანოს ნათესავი იყო აგრეთვე ცნობილი მრეწველი და ქველმოქმედი დავით ზაქარიას-ძე სარაჯიშვილი (1848—1911), რომელმაც დასავლეთ ევროპის უნივერსიტეტებში მიიღო საფუძვლიანი განათლება, ჰქონდა სამეცნიერო ხარისხები და მრეწველობის მრავალი ჯილდო. აღ. სარაჯიშვილის ცნობით, დავითმა პირველმა შემოიღო რუსეთის იმპერიაში კონიაკის დაყენება. ცნობილმა გერმანელმა მეცნიერმა ა. ვაგნერმა, თავის ყოფილ მოწაფეს დ. ზ. სარაჯიშვილს მიუძღვნა კაპი-

ტალური ნაშრომი — „მიწათმოქმედი და მრეწველი ქვეყანა“ (1902 წ. ბერლინი). იგი სტუმრად ეწვია დავითს თბილისში.

ვანოსივე ნათესავი იყო განთქმული საზოგადო მოღვაწე, მწერალი, „ვეფხისტყაოსნის“ ერთ-ერთი მკვლევარი და ბოლოს „იფერიის“ რედაქტორი ალექსანდრე სარაჯიშვილი (1851-1914 წ.).

ვანოს ბიძაშვილმა, შესანიშნავი ხმის მქონე ვეგენია სარაჯიშვილმა, დიდის წარმატებით დაამთავრა 1897 წელს თბილისის სამუსიკო სასწავლებელი. სწავლა განაგრძო პეტერბურგში, შემდეგ პეტერბურგშივე მღეროდა და ეწეოდა პედაგოგიურ მოღვაწეობას. იქვე გათხოვდა ჩუბინიშვილზე (ლექსიკოგრ. შვილზე) და დასახლდა სამუდამოდ. მისი და ეკატერინე, თავის დროზე, ფორტეპიანოს კარგი დამკვრელი იყო. 1900-იან წლებში ვეგენია და ეკატერინე მონაწილეობდნენ ფილ. ქორიძის კონცერტებში. მათი ძმა—ალექსანდრე ამბოლო დრომდე მუშაობდა რეჟისორად თბილისის საოპერო თეატრში.

ვანოს ბიძა—ნიკო სარაჯიშვილი ძველი საერო და-სასულიერო კილოების შესანიშნავი მცოდნე იყო. ახლო კავშირი ჰქონდა ცნობილ კარბელაშვილებთან. დიდი ღვაწლი მიუძღვის „კარბელაანთ კილოს“ შენახვა—გავრცელებაში.

ვანოს ბიძაშვილი—ივანე თედორეს-ძე სარაჯიშვილი, იყო თბილისის სამუსიკო სასწავლებლის პროფესორი, ჩელოს განთქმული დამკვრელი და პირველი ქართველი მასწავლებელი. ბევრი ჩინებული მუსიკოსი აღზარდა. დიდად სახელმძღვანელო კაცი იყო. იგი მონაწილეობდა კვარტეტებში დიდ რუს კომპოზიტორ ჩაიკოვსკისთან ერთად, როცა ეს უკანასკნელი თბილისს ეწვეოდა ხოლმე. ივანე სარაჯიშვილი მარტო პედაგოგიურ მოღვაწეობით როდი კმაყოფილდებოდა. მას ჩაწერილი აქვს ბევრი ჩენი ხალხური სიმღერა. ი. სარაჯიშვილი გარდაიცვალა 1898 წ. რაც გულისტკივილით აღნიშნა თბილისის სამუსიკო სასწავლებელმა და დიდ დანაკლისად მიიჩნია.

ვანოს მრავალრიცხოვანი და-ძმა ყველა მღეროდა. განსაკუთრებით განირჩეოდა შესანიშნავი კონტრალტოს მქონე უმცროსი და სოფიო, რომელთანაც ვანო ხშირად მღეროდა

ხალხურ სიმღერებს. ჯერ კიდევ ახალგაზრდა სოფიო 1922 წელს მოულოდნელად გარდაიცვალა.

ვანოს ძმისწული — კოტე ანდრიას-ძე სარაჯიშვილი შესანიშნავი ხმით (ბარიტონი) დაჯილდოებული ქაბუკი იყო. დაამთავრა თეატრალური სტუდია. მუშაობდა მსახიობად და რეჟისორად. ვანო მას თავის მემკვიდრედ სთვლიდა. საკუთარი გრიმის კოლოფიც კი უსახსოვრა. სახელოვანი ბიძის გარდაცვალების შემდეგ კოტე დაჩოქილი გალობდა მი'აი სურათის წინ სამგლოვიარო მელოდიებს და ლაპალუპით სდიოდა ცრემლი.

კოტეს შესანიშნავ ხმას ყურადღება მიაქციეს ფალიაშვილებმა. გადაწყდა მისი იტალიაში მიეღინება. სახელმწიფო ხარჯით. 1925 წელს, იტალიაში გამგზავრების წინ ბედშავი კოტე დაიხრჩო მტკვარში ქ. ევლახში. მისმა დამ, ოლლამ მუსიკალური განათლება მიიღო ლენინგრადისა და თბილისის კონსერვატორიებში. ხალასი განცდითა და მშვენიერი ხმით დაჯილდოებული მომღერალია. მონაწილეობს კონცერტებში.

ვანოს ძმისწულია ჩენი საამაყო მეცნიერი, მთელს საბჭოთა კავშირში სახელგანთქმული ნერვოპათოლოგი, პროფ. პეტრე მიხეილის-ძე სარაჯიშვილი, რომელიც გარეგნობით ჩამოჰგავს კიდევაც თავის საამაყო ბიძას. პეტრე სარაჯიშვილი მთელი რიგი შესანიშნავი ნაშრომების ავტორია.

მ შ ო ზ ლ ე ბ ი

ვანოს მამა, პეტრე მიხეილის-ძე სარაჯიშვილი დაიბადა 1823 წელს. 1844 წლის 20 ივნისს მან პეტერბურგის ტექნოლოგიური ინსტიტუტი დაამთავრა. პეტრე სარაჯიშვილი პირველი ქართველი ინჟინერი-ტექნოლოგი იყო. სამშობლოში დაბრუნებისას პეტრემ ვერ ჰპოვა ნიადაგი თავისი სპეციალობის გამოსაყენებლად და 1845 წლის შემოდგომიდან სილნალში მასწავლებლად განმწესდა. შემდეგ პეტრემ კერძო პანსიონი გახსნა, მაღალი სამოქალაქო ჩინი და რიგიანი პენსია დაიმსახურა, ჰქონდა მთავრობის ჯილდოებიც. ბოლოს ნოტარიუსობა დაიწყო. ამ საქმიანობაში გარდაიცვალა 1887 წელს.

პეტრეს ორი წყება ცოლ-შვილი ჰყავდა. პირველი მეუღლის - ნინო ვაჩნაძის ასულისაგან (გარდ. 1875 წ.) ცხრა შვილი მიეცა. 1876 წლის 11 აპრილს 53 წლის პეტრემ მეორედ დაიწერა ჯვარი თელავში, თავად სოლომონ რუსისშვილი ყორჩიბაშის ასულ ეფემიაზე, რომელიც მასზე 21 წლით უმცროსი იყო. გასაგებია, რა სახელი უნდა ჰქონოდა პეტრე სარაჯიშვილს, რომ ცხრა შვილის პატრონსა და ხნითაც დიდად უფროს კაცს ჩინებული ახალგაზრდა ქალი გაატანეს. ეფემიასაგან პეტრეს ხუთი შვილი მიეცა: ანდრო, ვანო (მომღერალი), გიორგი, ილია, და სოფიო.

შალრესად გულკეთილი ეფემია საკუთარ შვილებზე უკეთ უვლიდა გერებს. ერთი მათგანის—ქეთევანის გარდაცვალებამ 1899 წელს დამბლა მოჰგვარა, რის გამო 1901 წელს გარდაიცვალა.

მანოს ბავშვობა და მოწაფეობა

ვანო სარაჯიშვილი სიღნაღში დაიბადა 1879 წლის 1 მაისს. იგი პეტრე სარაჯიშვილის მეთერთმეტე შვილია.

პეტრე სარაჯიშვილს ნაზდვილი ქართული ოჯახი ჰქონდა: მომლხენი, მომღერალი, პურმარილიანი. მის ჰერქვეშ ნიადაგ გაისმოდა ჩვენი დიდებული ხალხური სიმღერა. პეტრე კარგად უკრავდა თარს, ასწავლიდა ბავშვებს სალამურის თანხლებით ცეკვას. ამის წყალობით ვანომ შესანიშნავი ლექური იცოდა. პაწია ვანომ სიმღერა თითქმის ლაპარაკთან ერთად ისწავლა. 6 წლისა იგი გამოცდილი ვაეკაცივით ამბობდა რთულ ხალხურ სიმღერებს. უფროსმა ძმამ ანდრომ და ვანომ გალობა დაიწყეს ალექსანდრე ჩახნაშვილის (გარდ. 1938 წ.) გუნდში, რომელიც სიღნაღის ეკლესიაში მოღვაწეობდა. აქ ისინი შესანიშნავ მგალობლებად ითვლებოდნენ. ქაბუკ მომღერლებს დანარჩენ ძმებთან ერთად ხშირად იწვევდნენ ქორწილებსა და ნადიმებში. 1887 წელს, პეტრეს გარდაცვალების შემდეგ სარაჯიშვილთა ოჯახი თბილისში გადმოსახლდა 1888 წელს ანდრო და ვანო თბილისის სათავადაზნაურო გიმნაზიაში მიაბარეს.

გასული საუკუნის 80-იან წლებში თბილისის სასკოლო გუნდებს შორის განსაკუთრებით გამოირჩეოდნენ სასულიერო

სემინარიისა და სათავადაზნაურო გიმნაზიის გუნდები. 1888/89 სასწავლო წლიდან გიმნაზიის გუნდს სათავეში ჩაუდგა ზაქ. ჩხიკვაძე. ნიჭიერი ლოტბარის წყალობით გუნდი უფრო დაწინაურდა—გამოდითოდა ეკლესიებში, მონაწილეობდა სასწავლებელში გამართულ ლიტერატურულ—მუსიკალურ საღამოებში. ვანო სარაჯიშვილს ალტაცებაში მოჰყავდა დამსწრე საზოგადოება თავისი მომაჯადოებელი ხმითა და უბადლო მუსიკალობით. მალე ზაქ. ჩხიკვაძემ იგი თანაშემწედ გაიხადა. ძალიან ხშირად ვანო დამოუკიდებლად ლოტბარობდა. გუნდში მასთან ერთად მღეროდა მისი სკოლის ამხანაგი მიხ. კავსაძე, რომელმაც შემდეგ ნიჭიერი მომღერალისა და ლოტბარის სახელი მოიხვეჭა. გიმნაზიის გუნდში ვანო სარაჯიშვილი ბანით მღეროდა.

ვანო მთელი გიმნაზიის სულისჩამდგმელი იყო. სადაც კი გაჩნდებოდა, იქ იმ წამსვე იგრილებდა შესანიშნავი ხალხური სიმღერა და მთელი მოწაფეობა მოსასმენად იკრიბებოდა. ვანოს ტანვარჯიშშიაც იშვიათად ჰყავდა მეტოქე. ეს ხუჭუქთშიანი, წერწეტა ქაბუკი შევარდენივით მოსწყდებოდა ღერძს, ჰაერში ბურთივით შეტრიალდებოდა და შორს ისარივით დაესობოდა. მომღერალ, მოცეკვავე, მოვარჯიშე ვანოს ხელისგულზე ატარებდნენ ამხანაგები, ყველა მასთან დაახლოებას ცდილობდა. ჩინებული ქაბუკი არანაკლებ უყვარდა გიმნაზიის მასწავლებლობას. პანსიონის წლიური გადასახადი გაუმესამედეს. წვრილშვილიან ეფემიასათვის ეს დიდი ხელშეწყობა იყო. 1891 წელს ვანოს ძმა—ანდრო გიმნაზიიდან გავიდა. სიმღერა მაინც არ შეუწყვეტია. თავის ძმასთან, გიორგისთან ერთად იგი კარგა ხანს მღეროდა რატილის გუნდში.

სამუსიკო სასწავლებელი

ვანოს ბიძაშვილი, პროფესორი ივანე სარაჯიშვილი 1880 წლიდან მოღვაწეობდა თბილისის სამუსიკო სასწავლებელში. გიმნაზიაში ყოფნის დროს ვანო თავის ბიძაშვილთან სწავლობდა ჩელოს დაკვრას. 1898 წელს გარდაიცვალა ივანე სარაჯიშვილი. იმავე წელს ვანო ოფიციალურად ჩაირიცხა თბილი-

სის საქუსიკო სასწავლებელში და გულმოდგინედ შეუდგა ჩელოს დაკვრის შესწავლას პროფ. ტალენტის ხელმძღვანელობით. რომელმაც ი. სარაჯიშვილის ადგილი დაიკავა. მუსიკის თეორიას პროფ. გ. ს. დობერი ასწავლიდა, სოლფეჯიოს და ორკესტრში დაკვრას პროფ. კლენოვსკი. ასწავლიდნენ აგრეთვე ი. ბურიანი და დუბინსკი.

ქართული ოპერის მომავალმა ფუძემდებლებმა — ზაქ. ფალიაშვილმა და ვანო სარაჯიშვილმა ერთად გაატარეს 1898/99 სასწავლო წელი თბილისის სამუსიკო სასწავლებელში. ვანო დიდის წარმატებით გამოდიოდა აქ კონცერტებში, რომლებსაც დიდძალი საზოგადოება ესწრებოდა. 1899 წლის 31 მარტს გამართულ კონცერტში მან შესანიშნავად შეასრულა გოლტერმანის „გრანდ დუო“ (დიდი დუეტი ჩელოსა და ფორტეპიანოსათვის). მოსწავლისათვის ეს არც ისე იოლი საქმე იყო.

1899 წლის მაისში ზაქ. ფალიაშვილმა დაამთავრა სამუსიკო სასწავლებელი და მზადება დაიწყო მოსკოვს გასამგზავრებლად, სადაც თავისი მუსიკალური განათლება უნდა დაესრულებინა. სამხედრო სამსახურში გაწვევის მოახლოების გამო, იმავე წელს ვანომ თავი დაანება სამუსიკო სასწავლებელს და მოხალისედ ჩაირიცხა კავკასიის მესაწე ათასეულში.

ვანო მაშინ სავსებით გაწაფულად უკრავდა ჩელოს, ხმის დამუშავება არც კი უფიქრია, ჩელო უკან ჩამოდგა, ვანოს შიინც მთელი სიცოცხლის მანძილზე მისთვის თავი არ გაუნებებია. ხშირად წაავლებდა ხელს და ქაბუკური გატაცებით უკრავდა.

სამხედრო სამსახურში

კავკასიის მესამე ათასეულის ყაზარმები ჩერქეზიშვილის ყოფ (დღევანდელ საბჭოს) ქუჩასთან მდებარეობდა. ვანოც აქ ატარებდა თავის სამსახურს. მუდამ კობტად, ფაქიზად ეცვა. თავისი მოხდენილი ტანადობის გამო, შეგნოდა კიდევაც სამხედრო ფორმა. თავაზიანმა და ზრდილმა ვანომ მთელი ათასეულის პატივისცემა დაიმსახურა. უფროსეიცი პატივისცემით

ეპყრობოდნენ. ხშირად აძლევდნენ თავისუფლებას, ღამის გასათევადაც შინ უშვებდნენ.

სამხედრო სამსახურში ყოფნის დროს ვანო გაეცნო ზუმათა თეატრის ერთ-ერთ პირველ მსახიობს ელისაბედ დავითისასულ ვაშაკიძეს, რომელთანაც ხშირად დადიოდა და ესწრებოდა შინაურ წარმოდგენებს. ერთი ასეთი წარმოდგენა გაუმართავთ ჩუღურეთში (თბილისში), წყალსაწევის ქუჩაზე, ბაჯიაშვილის სახლში. დაუდგამთ „ძუნწი“. წარმოდგენაში მონაწილეობა მიუღიათ ელისაბედ ვაშაკიძეს, ვანო ლევანის-ძე (დავითის-ძე) ბაზიერაშვილს, მ. ვაშაკიძეს, ვ. მკედლიშვილსა და სხვებს. ვანო სარაჯიშვილიც ესწრებოდა ამ შინაურ წარმოდგენებს, დიდი პატივისცემით ეპყრობოდა ამ მუშათა დასის მოღვაწეობას. ელისაბედ ვაშაკიძეს ცოცხლად ედგათვალწინ სამხედრო ფორმაში კობტად მორთული ვანო. სარკესავით კრიალა ჩექმებით და წერწეტა წელზე მაგრად მოჭერილ ქამრით. ელისაბედ ვაშაკიძისას ვანოს დაჰყავდა სანდრო კავსაძეც. რომელთანაც დაახლოებული იყო ვანო იმ ხანად და მის გუნდში მონაწილეობდა. ვანოს წარმტაცი სიმღერა მთელი უბნის ხალხს აგროვებდა ვაშაკიძის ეზოში.

— მეტად ძვირფასი ხასიათის ქაბუკი იყო: მუდამ უბრალო, მხიარული, თავაზიანი, სიტყვა არ დასცდენია ისეთი, რაც აღამიანს სახეს აუწითლებდაო,—გულის ტკივილით წოიგონა ვანო მოხუცმა მსახიობმა.

განთქმულმა მომღერალმა და ლოტბარმა სანდრო კავსაძემ 1897 წელს შესანიშნავი გუნდი შეადგინა. ამ გუნდში ვანო სარაჯიშვილი მიიყვანა მისინა სკოლის ამხანაგმა, ჩვენმა ნიჭიერმა ლოტბარმა და მომღერალმა მიხეილ კავსაძემ (სანდროს ძმისწულმა). თვით შესანიშნავი ხმის პატრონი სანდრო, მოაჯადოვა ვანო სარაჯიშვილის გასაოცარმა ხმამ და მუსიკალობამ. ვანო იმ ხანად ბანით მღეროდა, მაგრამ სანდროსთან ხმის გასინჯვისას მას რაღაც არაჩვეულებრივი სილამაზის ტენორი აღმოაჩნდა. სანდრო კავსაძე ცას ეწია სიხარულით. აქედან მოკიდებული იგი სისტემატურად მეცადინეობდა ვანოსთან და ხელს უწყობდა მის პირველ ხმაზე გადაყვანას.

ვანო სარაჯიშვილი სანდრო კავსაძის გუნდის მშვენიერება გახდა. კონცერტები უდიდესი წარმატებით ტარდებოდა მთელს საქართველოში. დამსწრე საზოგადოება მქუხარე ტაშით ეგებებოდა სანდრო კავსაძის „ურზულს“, „მთაო გადმიშვის“ და გუნდის თანხლებით შესრულებულ სხვა სიმღერებს. ვანო სარაჯიშვილის დიდებული ხმა ვერცხლის ზარივით წკრიალებდა სანდროს დიდ გუნდში. მთელი ხალხი ალაპარაკდა, ნიჟა და ვანოს ქება ისმოდა, ზღაპრულ მღვივით იზრდებოდა მისი სახელი. მაგრამ სანდროს გუნდში კაბუჯ ვანოს ბევრი სიმწარეც უნახავს. ბევრი მიცვალებული გაუსვენებია ვანოს თოვლქვაპში და თავისი წარმტაცი ხმით ერთი-ორად გაუზრდია სამგლოვიარო პროცესია ძალაუნებურად აღევნებული მსმენელებით.

კიტა აბაშიძის თაოსნობით სანდრო კავსაძე ქიათურას გადასახლდა და იქ განაგრძო მოღვაწეობა. მის გუნდს თბილისში სათავეში ჩაუდგა მიხეილ კავსაძე, რომელმაც შემდეგ შესანიშნავი პირველი მუშათა გუნდი შეადგინა. მიხ. კავსაძე გულმოდგინედ იბრძოდა პრესის საშუალებითაც ქართული ხალხური სიმღერის სიწმინდისათვის. მისი გუნდიდან ბევრი მუსიკალური მოღვაწე დაწინაურდა: სხვათა შორის, მიხ. კავსაძის გუნდში მღეროდა განსვენებული ლოტბარი ალ. მაისურაძე, რომელმაც არა ერთი შესანიშნავი ხალხური სიმღერა ისწავლა აქ თავისი ნიჭიერი ლოტბარისაგან.

ქართული ხალხური სიმღერის შესანიშნავ მკოდნეს—ვანო სარაჯიშვილს, გაუათქვეცდა სანდრო კავსაძის გუნდში მშობლიურ კილოს სიყვარული. ეს სიყვარული მან უმწიკვლოდ ჩაიტანა სამარეში.

სარაჯიშვილთა საოჯახო გუნდი

1900-იან წლებიდან მეტად გაცხოველდა რევოლუციური მოძრაობა საქართველოს მუშათა წრეებში. მუშათა გათვითცნობიერებისათვის სპექტაკლები იმართებოდა.

ამ საერთო აღმავლობისა და გამოფხიზლების დროს მუშა მაკურებელს სამსახური გაუწიეს სარაჯიშვილებმაც, რომლებ-

მაც მშვენიერი საოჯახო გუნდი ჩამოაყალიბეს. გუნდში შედიოდნენ ვანო (პირველი ხმა), გიორგი (მეორე ხმა), ილია (ბანი), ანდრო (მალალი ბანი), სოფიო (მეორე ხმა).

გუნდი შესანიშნავად ასრულებდა ძველ ქართლ-კახურ ხალხურ სიმღერებს. გუნდის წამყვანი მომღერალი და სულისჩამდგმელი ვანო იყო, რომელიც ხალხის გულმოდგინე გამოწვევით ცალფა სიმღერებსაც ასრულებდა. განსაკუთრებული წარმატებით მღეროდა გუნდი ანტრაქტების დროს ავქალის აუდიტორიაში, სადაც მაშინ შალვა დადიანი რეჟისორობდა. გუნდს არაერთარი გასამრჯელო არ ეძლეოდა.

არაფერი სჯობდა სარაჯიშვილთა გუნდის მოსმენას ოჯახშიაც, სტუმრიანობის ან უბრალო თავმოყრის დროს. მშვენიერი ხმის მქონე სოფიომ ისე კარგად იცოდა ხალხური სიმღერა, რომ ზოგჯერ ხუმრობით სტუქსავდა კიდევაც ძმებს.

საქართველოში ძველად მრავალი მუსიკალური „კერა“ იყო — ცალკეული ოჯახები, რომლებიც მთლიანად სიმღერას მისდევდნენ. ეს მათი ნიჭი შთამომავლობიდან შთამომავლობაზე გადადიოდა. ბევრი ასეთი ოჯახის დასახელება შეიძლება ამ ბოლო დროსაც: კომპოზ. ნ. სულხანიშვილის ოჯახის ყველა წევრი მღეროდა, სარაჯიშვილებიც ასეთ შესანიშნავ ოჯახთა რიცხვს ეკუთვნიან.

ილია ჭავჭავაძის განაჩენი

ვანო სარაჯიშვილის შესანიშნავ ბუნებრივ ნიქს და დიდებულ ხმას ჯერ კიდევ გიმნაზიაში მიაქციეს ყურადღება. სანდრო კავსაძესთან და თავის საოჯახო გუნდში გამოსვლის შემდეგ კი, პირდაპირ მოსვენებას აღარ აძლევდნენ — სერიოზული მეცადინეობა დაიწყო. ხელმოკლეობა აბრკოლებდა. ვანოს პირველი მასწავლებელი გახდა მისივე ნათესავი, მომღერალი გიორგი ვახტანგის-ძე მაჩაბელი, რომელმაც პეტერბურგში შიილო მუსიკალური განათლება. ვანო დიდი გატაცებით მეცადინეობდა მასთან და მაჩაბელიც ძალ-ლონეს არ მშურებდა, მაგრამ მას მაინც არ შეეძლო მომავალი დიდი მომღერლის „ბედის გადაწყვეტა“ იმ ხანად ხაზინაში მსახუ-

რობდა ვანოს ახლო მეგობარი — დიმიტრი ბახუტაშვილი. იქვე მოინდომა ვანოს მოწყობაც, — საარსებო წყაროს გაიჩენს და მეცადინეობას განაგრძობსო. ვანომ თხოვნა შეიტანა. უარი უთხრეს. ზდიდარი ნაუესავი, ქველმოქმედებით განთქმული დავით სარაჯიშვილი ნაკლებ ყურადღებას აქცევდა მაშინ ვანოს: არ მოსწონდა მისი აღგზნებული სილაღე, დარღიმანდობა, არც ს. კავსაძის გუნდში ყოფნა და ნაადრევი ატივტივება. ერთხელ, რომელიღაც ვაჩნაძეს წვეულება ჰქონდა. მას დ. ბახუტაშვილთან ერთად საზახინო პალატის უფროსი — მიხაილოვიც ჰყავდა მიწვეული. მიხაილოვიც მუსიკის მოყვარული და ქართული საზოგადოების პატივისცემელი ადამიანი იყო. ის იყო მარტოხელი, კარგად ცხოვრობდა, ნადიმებსა და ლხინს მისდევდა. ბახუტაშვილმა ვაჩნაძისას ვანოც წაიყვანა — მიხაილოვიც მოუსმენს და იქნებ საქმე გაიჩარხოსო. შედეგზე ყოველგვარ ძოლოდინს გადააქარბა. ვანოს სიმღერით მოხიბლული მიხაილოვიც ადგილს ვერ პოულობდა.

— ვინ გაგიბედათ სამსახურზე უარის თქმა? ამ საქმეს ხვალვე მოვაწესრიგებ, მაგრამ ერთი პირობით... როცა მოვევდე, მიმღერეთ „მზოლოდ შენ ერთს“, სხვა არაფერი. საოცარია, რას ჰფიქრობს ქართველი საზოგადოება, რომ აქამდე თქვენ ქეშმარიტ გზას არ აღგებხართ!

მეორე დღეს, სამსახურში წასვლის ნაცვლად მიხაილოვიც დავით სარაჯიშვილს ეწვია. საყვედური უთხრა: თქვენი უყურადღებობა პირდაპირ შეუწყნარებელია. ჩემის მბრძოლვე თვეში სამთუმანს ვუნიშნავეო.

მიხაილოვიცა დანაპირები შეასრულა. ხაზინის ნაცვლად ვანო პალატაში მიიღო, კარგი გასამრჯელო დაუნიშნა და საქმეც იოლი მისცა. დავით სარაჯიშვილმა ილია ქავჭავაძე და სხვა გავლენიანი პირები მოიწვია ვანოს მოსასმენად. ღირსეული სუფრა გაიშალა, ვანომ ძალ-ღონე მოიკრიბა ..

ილიას მგზნებარე გულს მშობლიურ მდებლოს სურნელივით ეკვეთა ზღაპრული სინშვენიერის ხმა. სპეტაკ შუბლს შუქი მოეფინა, წარბი გაეხსნა. ხოტბა — დიდებაზე ძუნწმა პოეტმა მოკლედ მოსქრა:

დაჯიყონებლივ უნდა გაიგზავნოს საქმეცადინოდ. დახმარება დაენიშნება.

1903 წლის გაზაფხულზე, ილიას თავმჯდომარეობით შექმნილმა საგანგებო კომისიამ, სხვა მთხოვნელთა შორის ვანოსაც დაუნიშნა სტიპენდია. გახარებულმა მიხაილოვმა შესანიშნავი ვახშამი გაუმართა ვანოს „ედენში“, დალოცა და წაღმა მოაბრუნა. მაგრამ ამ ჯერად საქმე უკუღმა დატრიალდა. ვანოს უფროს ძმას, ანდროს, ტიფი შეეყარა. გულჩვილმა ვანომ უკუაგდო თბილისიდან გამგზავრების ფიქრი, ჩალაგებული ბარგი გახსნა და ძმის საწოლს არ მოსცილებია. ავადმყოფის გამოჯანსაღების შემდეგ 1903 წლის ოქტომბრის დამდეგს იგი პეტერბურგში იყო.

მოსკოვამდე, შალვა დადიანთან ერთად მოუბდა მგზავრობა. საუცხოო შთაბეჭდილებას სტოვებდა მეტად ზრდილი და თავაზიანი, ევროპულად გამოწყობილი ვანო. წამსვე დამეგობრდნენ. ვანომ მთელი გული გადაუშალა — ჩავალ თუ არა მეცადინეობას შეეუდგები. შემდეგ, უსათუოდ იტალიას უნდა ვეწვიო.

მატარებელი რუსეთის მობიბინე ველ-მინდვრებზე მიჰქროდა, ორ ქართველ ქაბუქს თანდათან აშორებდა ძვირფას სამშობლოს. ფერად ოცნებებს ეძლეოდნენ. ზოგჯერ კუპაში მარტო რჩებოდნენ და მაშინ ვანო მშობლიურ ქანგით იქარვებდა სევდას.

არც დრო არც... ვუღლი

მაგრამ მეცადინეობის დაწყება არც ისე იოლი აღმოჩნდა. ვანომ განთქმულ პედაგოგს — პროფ. პრიანიშნიკოვს მიმართა. ზედმიწევნით გადატვირთულმა ოსტატმა არც კი გასინჯა მისი ხმა, წინდაწინვე უარი უთხრა. საქმეში ჩაერივნენ პეტერბურგში მყოფი ქართველები. ზომები მიიღო ვანოს ბიძაშვილმა ევგენია სარაჯიშვილმაც, როპელიც პეტერბურგში მღეროდა და მეცადინეობდა. პრიანიშნიკოვი დასთანხმდა — მოვეუსმენ, და თუ ნიქის ნაპერწყალი აღმოვაჩინე, სხვა პროფესორთან გავგზავნიო.

გამოცდა დაინიშნა. პრიანიშნიკოვი ფორტეპიანოს მიუჯდა, ვანომ ყელი მოიღერა და... ძველ ოსტატს ჟრუანტელი მოედო ტანში. თითები კლავიშებზევე გაეყინა. ვანოს ხმამ პირველი ბგეროდანვე მოსტაცა გული: უცხო ქაბუჯის პოეტურ არსებაში ნაპერწკალი კი არა ხელოვნების კოცონი ენთო. წარმტაცი ტემბრის ხმაში ხავერდის სინაზე და ვერცხლის წკრიალი შერწყმულიყო. პრიანიშნიკოვი მობრუნდა და თითქო პირველად ხედავსო, ვანოს თავიდან კოჭებამდე შეავლო თვალი. მის წინ შოლტივით მოქნილი, თმახუჭუჭა ვაჟაკი იდგა. თითქოს განგებ შეექმნა ბუნებას ეს ადამიანი დიდი მომღერლის კარიერისათვის და გზა პირდაპირ სცენისაკენ ეჩვენებინა.

ყოველივე ეს პრიანიშნიკოვისათვის ახლა უკვე სავსებით ნათელი გახდა. ვანო თავჩაქინდრული იდგა. პრიანიშნიკოვი რალაც იღუმალი, თითქოს დარცხვენილი ხმით შეეკითხა.

— შევიძლიათ კიდევ მიმღეროთ?

— გნებავთ, ფაუსტის კავატინა?

— ფაუსტის კავატინა?!

— დიახ...

— ჰო, მაგრამ ეს გამოცდილ მომღერლებსაც კი უძნელდებათ, თქვენ ხომ არსად არ გისწავლიათ.

— არა, თვითონ ვისწავლე, შინაურულად...

პრიანიშნიკოვმა ხმა გაკმინდა. ვანომ შესანიშნავად შეასრულა ეს მეტად საპასუხისმგებლო ნაწარმოები.

— ხვალვე მობრძანდით. არავითარი გასამრჯელო არ მინდა თქვენგან, არც დროს გინიშნავთ... როცა გნებავთ მაშინ იარეთ!

„ფაუსტმა“ მიაწოდა ვანოს ხელოვნების გრძნეული თასი. ამ თასს სულმოუთქმელად სცლიდა იგი სიკვდილის დღემდე.

1903 წელს პირველად გამოვიდა ვანო პეტერბურგში საჯაროდ, როგორც მომღერალი და მაშინვე მიიპყრო საზოგადოების ყურადღება, პირველად შეასრულა აქ ჩენი „ურმული“, რუსეთის იმპერიის სატახტო ქალაქის არისტოკრატები გაოცებულნი უსმენდნენ.

პრიანიშნიკოვი თავს ევლებოდა თავის შესანიშნავ მოწაფეს. განსაკუთრებული გულისხმიერებითა და სიფაქიზით

ეპრობოდა მას. ენო გოგანტური ნაბიჯებით მიიწევდა წინ დიდი სელოვნებისაკენ.

სხვა თანამემამულეებთან ერთად, იგი დიდი წარმატებით მონაწილეობდა განთქმულ „ქართულ საღამოებში“.

ქართული საღამოები რუსეთში

რუსეთში „ქართული საღამოების“ ჩინასახი ვახტანგ VI გარდახვეწიდან—XVIII საუკუნის დასაწყისიდან უნდა ვეზარაოდოთ. ვახტანგმა თან გაიყოლა დიდი ამაღა. სამშობლოს მოწყვეტილი ქართველი არისტოკრატია არ ივიწყებდა მშობლიურ სიტყვას, სიძღერას, ზმა-შაირობას. ვახტანგის კარზე სისტემატურად იმართებოდა ქართული საღამოები—მეჯლისები, რაც თანდათან მიიკვლევდა გზას მოწინავე საზოგადოებაში. 1730 წელს ვახტანგის ამაღას შეუერთდა ტყვეობიდან გაპარული პოეტი დავით გურამიშვილი. ისიც ამ მეჯლისებში მონაწილეობდა.

საქართველოს უკანასკნელი მეფის-გიორგი XIII გარდაცვალების შემდეგ, ტახტის მემკვიდრე დავით ბატონიშვილი პეტერბურგს გაიწვიეს. მწუხარე ბატონიშვილმა თან გაიყოლა გასართობად მეგობარი პოეტი დიმიტრი თუმანიშვილი. სხვადასხვა ჰანგზე სასიმღერო ლექსების ავტორი—დიმიტრი თუმანიშვილი დარდიმანდი, მომღებნი ადამიანი იყო. მის ბეჭედს წარწერა ჰქონდა:

„ვარდი მიტრიალებს გულსა“

ეს ვარდიანი გული მან ქართული ემზით ააჯღერა ჩრდილოეთშიაც. არსებობს საკმაოდ საფუძვლიანი მოსაზრება, რომ მისი ცნობილი ლექსი—„ახალ აღნაგო სულოდა“ პეტერბურგს დაიწერა. ამ ლექსს ხელად შეუწყეს ჰანგი. იგი მეტად პოპულარული სიმღერა გახდა, და არამცთუ საქართველოს, რუსეთსაც მოედო. გრიგოლ ორბელიანს ქ. ელეცის პოლიცემისტერის ცოლმა პატივისცემის ნიშნად, თავის ოჯახში „ახალ აღნაგო“ უმღერა. ეს სასიმღერო ლექსი პუშკინს თბილისში გადაუთარგნეს, რასაც იხსენიებს კიდევაც თავის ნაწარმოებში—„არწრუმში მოგზაურობა“.

საქართველოს რუსეთთან შეერთების შემდეგ, ნიქიერმა ქართველმა ახალგაზრდობამ რუსეთის უმაღლეს სკოლას მიაშურა.

„...ქამთ ვითარებით გარდახვეწილთ შენთ შვილთ მიდამო
მოაქეთ მამულში განათლება და ხმა საამო;
შათი ცხოველი, ტრფილებით აღსავეს სული
უღნობს ყინულსა ჩრდილაუთსა, განცეცხლებული...“

სწერდა ნიკოლოზ ბარათაშვილი თავის ლექსში — „საფლავი მეფის ირაკლისა“.

აი, ეს „განცეცხლებული სულის“ მქონე ქართველი ახალგაზრდობა უზარმაზარი იმპერიის ცენტრებში სათვისტომოებს აარსებდა. აქ სისტემატურად მართავდნენ საქველმოქმედო ქართულ საღამოებს, ჰქმნიდნენ ქართულ ბიბლიოთეკებს, სცენისმოყვარეთა წრეებს და სხვ. ეროვნულ ტანსაცმელით მორთული მონაწილენი ასრულებდნენ ქართულ ხალხურ სიმღერას, კითხულობდნენ ქართველ პოეტთა ლექსებს, ცეკვავდნენ, სდგამდნენ ცოცხალ სურათებს საქართველოს ისტორიული წარსულიდან. დამსწრე საზოგადოება ტაშის გრიალით აჯილდოებდა მათ და საერთო დროს ტარება ხშირად დილაამდე გრძელდებოდა. რუსულ პრესაში ბევრი შესანიშნავი წერილია გამოქვეყნებული „ქართული საღამოების“ შესახებ. ვის არ მიუღია მონაწილეობა ამ საღამოებში, სად არ ჩატარებულა ისინი შავი ზღვიდან ბალტიის ზღვამდე: ოდესიდან — პეტერბურგამდე, ვარშავამდე.

1897 წლის დამლევს პეტერბურგში დაიდგა მეღ. ბალანჩივაძის ოპერა „თამარ ცბიერის“ ერთი აქტი!

1903 წელს მოსკოვში გამართულმა „ქართულმა საღამომ“, რუსული სცენის განთქმული მსახიობი სუმბათაშვილი-იუჟინი სამშობლოსაკენ მოახედა. როდესაც საღამოს შემდეგ გამართულ სუფრასთან ქართველმა სტუდენტებმა კახური „მრავალკამიერ“ წამოიწყეს, სუმბათაშვილი აქვითინებული მიექრა მათ, ყელზე მოებვია და ნაწყვეტებად წარმოსთქვა:

— ძვირფასნო, მშობლიურნო... მეც ხომ ქართველი ვარ, თქვენი ღვიძლი ვარ. დიახ მე... ახლა... მთელის არსებით მესმის ეს!

რამდენიმე წლის შემდეგ ქართულ სცენაზე მისი ცნობილი დრამა „ლალატი“ დაიდგა.

— ოთარ ბეგ, სად არის საქართველო!

სიონის ზარივით გაისმა მაშინ სცენიდან სუმბათაშვილის ხმა და ქართველი ადამიანის გულს ცრემლი გაადინა...

რამდენად სისტემატურად იმართებოდა რუსეთში „ქართული საღამოები“ ამის ნათელსაყოფად გამოდგება თუნდაც ის ფაქტი, რომ, მაგალ. 1914 წელს პეტერბურგში გაიმართა მე-53 „ქართული კონცერტი-ბალი“. ვინ იცის, კიდევ რამდენი გაიმართა და არ აღირიცხა? ეს მარტო პეტერბურგში. საკითხავია, რამდენი გაიმართებოდა უზარმაზარი იმპერიის სხვა ქალაქებში?

პეტერბურგის „ქართულ საღამოებში“ დიდი წარმატებით გამოდიოდნენ ვანო და მისი ბიძაშვილი—ევგენია სარაჯიშვილი, რომელთაც არა ერთი ქება-ღიდუბა მიუძღვნა პრესამ.

პროიანიშნიკოვის შემდეგ ვანო სარაჯიშვილმა პროფ. პანაევამ-კარცევასთან განაგ-ძო შეცადინეობა. პანაევამ-კარცევამ პეტერბურგის იტალიური ოპერის დასსთან იყო დაახლოებული. ვანოც ამ დასისაკენ მიისწრაფოდა.

სარაჯიშვილების „დემონი“.

1904—5 წლის სეზონში ქართველ სტუდენტთა ერთმა ჯგუფმა—ა. ჩიჯავაძემ, გ. დადიანმა, დ. ვაჩნაძემ და სხვებმა განიზრახეს პეტერბურგში ოპერა „დემონის“ დადგმა ქართულად. ამ საქმის ერთ-ერთი მოთავე და სულისჩამდგმელი ვანო სარაჯიშვილიც იყო. ზან ბევრი იბრინა და იწერვიულა ათასგვარ დაბრკოლებათა დასაძლევად. ოპერის თარგმანი პეტრე მირიანიშვილს ეკუთვნოდა.

სამი სარაჯიშვილი მონაწილეობდა ამ სპექტაკლში, რომლები ასე განაწილდა:

დემონი — დ. გედევანიშვილი
თამარი — ევგ. სარაჯიშვილი
სინოდალი — ვანო სარაჯიშვილი
მსახური — ალ. სარაჯიშვილი

ვანომ შესანიშნავად მოამზადა თავისი პარტია. ნაგრამ პანაევა კარცივამ არასგზით არ მისცა სიმღერის ხეობა. მისი პარტია სავამ შეასრულა. გულდაწყვეტილმა ვანომ მაინც ნიილო მონაწილეობა ამ სპექტაკლში, როგორც ბალეტის არტისტმა და სვენანზე ლეკური იცეკვა.

ოპერა დაადგა სამგობის ქუჩაზე („ტროიკაია“) № 13-ში მღებარე პავლოვას დარბაზში. ქართულ „დემონს“ ორკესტრი დაუთმო ანტრეპრენიორმა ალექსი წერეთელმა. ღირიფორობდა მისივე თანამშრომელი მ. ბ. ბერგი. დადგმა განაპოციელა ამავე დასის რეჟისორმა დომენიკო ღუმამ. ეს დოქინიკო ღუმა, ტომით იტალიელი, თბილისში დაიბადა, მამამისი იტალიურ დასს ჩამოჰყვა საქართველოში, აქვე დარჩა სამუდამოდ და აქვე გარდაიცვალა. დომენიკო შემდეგ ვანო სარაჯიშვილის უახლოესი მეგობარი გახდა.

სპექტაკლი მშვენიერად ჩატარდა. დარბაზი გაქედილი იყო.

პეტერბურგის გაზეთმა—„რუს“ 1905 წლის 8 თებერვლის ნომერში ამ სპექტაკლს დადებითი რეცენზია მიუძღვნა. იმავე წლის 1 მარტის ნომერში გაზეთმა „იფერია“ ეს ამბავი ქართველ საზოგადოებას აუწყა. განსაკუთრებული ქება თამარის პარტიის შემსრულებელს ევგ. სარაჯიშვილს ხვდა წილად. ამის შემდეგ იგი რამდენიმეჯერ მიიწვიეს კონსერვატორიის თეატრში თამარის პარტიის შესასრულებლად. აქ იგი მღეროდა მსოფლიოში განთქმულ ბარიტონ ტიტა რუფოსთან.

ამ გამარჯვებამ ფრთა შეასხა ქართველ აბალგაზრდობას. გადაწყდა პეტერბურგში ქართული საოპერო დასის შედგენა და სამშობლოში გამოემგზავრება. ვანო სარაჯიშვილი აღფრთოვანებით შეხვდა ამ ამბავს. რეპერტუარში ნავარაუდები ჰქონდათ ქართულად ნათარგმნი „დემონი“, აგრეთვე — „სველიელი დალაქი“, „ტრავიატა“ და სხვა ოპერები. მელიტონ ბალანჩივაძეს მოსვენებას არ აძლევდნენ—„თამარ ცბიერი“ დაამთავრეო (ამ ოპერის დადგმა მხოლოდ 20 წლის შემდეგ მოხერხდა). სამშობლოში ნიადაგის მოსამზადებლად გამოიგზავნა კოტე ფოცხვერაშვილი, რომელსაც ღირიფორობა უნდა გაეწია ქართულ საოპერო დასში. ამ დასის ბევრი მონაწილე სამშობლოში გამოემგზავრა. ვანო სარაჯიშვილი პეტერბურგში დარჩა.



დირიჟორი ივანე ფალიაშვილი



დირიჟორი ევა ბრიუნელი (წარწერა: „ჩემს მომავალ-
ებელ სოლისტს ივანე პეტრეს-ძე სარაჯიშვილს,
ევა ბრიუნელისაგან 1914 წ.“)

ჩვენი დიდებული პოეტის აკაკი წერეთლის შვილი, ალექსი ანტრეპრენიურობას ეწეოდა. თბილისსაც ეწვია თავისი საოპერო დასით. ერთ დროს ხელი აიღო ამ საქმეზე, მაგრამ 1904 წელს ხელახლა შეადგინა კარგი დასი და პეტერბურგში გაიწვია. შესანიშნავი დასი ჰყავდა საიმპერატორო თეატრების სოლისტ ფიგნერის მეთაურობით. იმავე წელს 27 ივლისს მისმა დასმა ასწია ფარდა პეტერბურგში. დაიღა „ვაი ქუვისაგან“ (გრიბოედოვის მიხედვით, მუსიკა ივანოვისა) „ფალსტის დალუბვა“ — ბერლიოზისა, „ქოშები“ — ჩაიკოვსკისა და სხვა ოპერები.

ალ. წერეთელმა სიამოვნებით მიიწვია ვანო სარაჯიშვილი. ქაბუკი ვანო აქ პირველად გამოვიდა სცენაზე განთქმულ ოსტატებთან.

სუსხიანი ზამთარი იღვა, ვანოს კი, კოცონების მსგავს წითელ ვარდების თაიგულებს სთავაზობდნენ. ამ სპექტაკლების დამსწრე ადამიანებს ახლაც უკვირთ—რამ გააჩინა ყინვით გათოშილ პეტერბურგში ეს სამხრეთის ნაზი ქმნილებაო. ბევრი „ქურუმი“ დაიჩრდილა, ბევრს მოულოდნელი გულის ძგერა აუტყდა.

1906 წლის ზაფხულში პროფ. პანაევ-კარცევამ ვანო პეტერბურგის იტალიურ დასში მოაწყო. იტალიელები კონკურენციას უწევდნენ პეტერბურგის საიმპერატორო თეატრის დასს, ამიტომ შესანიშნავი მომღერლები გამოჰყავდათ. ვანოს დროს აქ მღეროდნენ მსოფლიოში განთქმული კოლორატურული სოპრანო ვაიდა კოროლევიჩი, ულამაზესი მომღერალი ქალი ლინა კავალიერი, ბარიტონი ტიტო რუფო და სხვანი. რა მომაჯადოებელი ხმითა და მუსიკალობით უნდა ყოფილიყო დაჯილდოებული 25 წლის ქართველი ქაბუკი, რომ იგი იტალიელებს პირველი პარტიების შემსრულებლად მიეღოთ თავიანთ წრეში და რუსული საიმპერატორო თეატრის დასისათვის დაეპირისპირებინათ? ვანოს „ტრავიატაში“ მოუხდა პირველი გამოსვლა ტიტო რუფოსთან და ვაიდა კოროლევიჩთან ერთად. წარმატებამ ყოველგვარ მოლოდინს გადააჭარბა. პარტერში ბინოკლები აღიმართა. უცხო მომღერალს მქუხარე ტაშით შეეგებნენ.

— ეს ჩვენია, ნამდვილი იტალიელია, ჩვენი ბელ-კანტოს ოსტატია! ალტაცებით ამბობდნენ იტალიელი მომღერლები. ვანოს საუცხოო გარეგნობით და ხალასი ტემპერამენტით ხომ მოხიბლული იყო მთელი საზოგადოება. გარს თაყვანისმცემელთა წყება ერტყა, ყოველ გამოსვლას ახალი ტრიუმფი მოჰქონდა მისთვის. პეტერბურგელი ქართველობა გუნდ-გუნდად ერტყა გარს თავის საამაყო თანამემამულეს. ბევრი უცხო ტომის მეგობარი სიამაყით მიჰყავდათ ქართველებს ვანოს სპექტაკლებზე, კონცერტებშიაც ხშირად მონაწილეობდა მაშინ ვანო.

ვანო სარაჯიშვილის წარმატების ნათელსაყოფად, მრავალ რეცენზაითა შორის მოგვყავს მხოლოდ ორი ამონაწერი.

1906 წელს გაზეთი „ბირჟევიე ვედომოსტი“ (პეტერბ.) სწერდა:

„...შემსრულებელთა შორის იყვნენ ნიჭიერნი და უნიჭონი, მაგრამ იყვნენ ისეთებიც, რომლებიც სანიმუშო ოპერის სცენასაც კი დაამშვენებდნენ, მაგალ. ქ-ნი კავერინა და ბ-ნი სარაჯიშვილი. როგორცა სჩანს ბ-ნ სარაჯიშვილს გაუვლია „ბელ-კანტოს“ დიდებული სკოლა. იგი აღჭურვილია ვრცელი სუნთქვისა და შესანიშნავი ფრაზირების უნარით, მომღერალს მოაღერსე ტემბრის ტენორი აქვს...“

„...გუშინ პეტროვსკის სასწავლებლის დარბაზში ქ-ნმა სოვაეკომაროვამ საქველმოქმედო კონცერტი გამართა. დიდი წარმატება ჰქონდა ტენორ ბ-ნ სარაჯიშვილს, რომელმაც ტემპერამენტით შეასრულა არია „მარგალიტის მადიებლებიდან“ და მთელი რიგი რომანსები ბისზე გამოწვევით...“

ქართველი საზოგადოება სიხარულით ცას ეწია. მოუთმენლად მოელოდნენ ვანოს ჩამოსვლას.

პირველი გამოცვლა თბილისის ოპერაში

პეტერბურგში სახელგანთქმული ვანო სარაჯიშვილი 1906 წლის შემოდგომაზე სამშობლოში დაბრუნდა და 12 ოქტომბერს პირველად გამოვიდა აქ ოპერა „ტრავიატაში“. ხალხი სალაროს მიაწყდა. წარმოდგენა დიდი ხანია დაიწყო, მაგრამ

უბილეთოები თეატრს მაინც ვერ შორდებოდნენ. ნერწყვვამ-
შრალნი დაფუსფუსებდნენ, ამბის გამოტანას ელოდნენ.

აი, გაისმა ვერდის შესანიშნავი მუსიკა და იოლინოებს
წაჩსევე აედევნა ვანოს ხავერდოვანი ხმა. ხალხი შეირხა.
ტრფობის ცეცხლით აღზნებული ალფრედი მეგობრობასა და
სიყვარულის სადღეგრელოს სვამს:

— ავსწიოთ, მეგობრებო, სასმისი მალლა...

მაგრამ, ვანო სარაჯიშვილი ამავე დროს თითქოს ძვირ-
ფას სამშობლოს მიმართავდა:

— ძვირფასო დედი! აი, შემოვდგი ფეხი და დღეს პირ
ველად ვსვამ შენს სადღეგრძელოს. გეფიცები — შემოვწირო
მთელი სიცოცხლე და შენს მკერდზე დავლიო სული... სიმღე-
რითვე დაგემშვიდობო.

ალფრედმა სიმღერის მუხლი მოაბრუნა და ახლა უფრო
მეტი მგზნებარებით გაისმა ვანოს წარმტაცი ხმა; თითქოს
დარბაზში მშობლიური მზე კიაფობს და მსმენელის გულს
ია-ვარდს ათოვსო.

სპექტაკლი ტრიუმფით დამთავრდა. გაზეთი „კავკაზი“
სწერდა:

„12 ოქტომბრის „ტრაგიატამ“ სრული შემოსავალი მო-
გვცა... ხალხი მიიზიდა ალფრედის პარტიის შემსრულებელ-
მა ბ-ნმა სარაჯიშვილმა. ბევრს წინათაც ჰქონდა გაგონილი,
რომ ამ ახალგაზრდა მსახიობს თითქმის ზღაპრულ მომავალს
უწინასწარმეტყველებენ...“

20 ოქტომბერს „რიგოლეტოში“ უფრო მეტი წარმატება
ხვდა წილად ვანოს. სცენა ყვავილებით აივსო. ოქროს საათი,
პორტსიგარი და ბევრი სხვა ძვირფასი ნივთი მიართვეს.

აი, იგივე გაზეთში მოთავსებული რეცენზია, რომელიც
ვანო სარაჯიშვილის მთელი შემოქმედების დასახასიათებლად
გამოდგება:

„უზომოდ აღტაცებულ მსმენელს არ შეიძლება თვალში არ
მოხვდეს სანიმუშო უცვლელობა ბ-ნ სარაჯიშვილისა, როგორც
მომღერალ — ოსტატისა. მას როგორცა სჩანს სურს სიცოცხლოს
და ისუნთქოს სიმღერის ხელოვნების სიმართლითა და პოე-
ზიით, რომელთაც იგი ცოცხლად და მხატვრულად აერთებს

ერთ მოლიანობად თავის საოცარი ნიჭისა და მომთბეღლელობის ძალით... ეს მეტად იშვიათი მოვლენაა სცენაზე.

მანც რაში მდგომარეობს ბ-ნ სარაჯიშვილის, როგორც მომღერალ—ხელოვანის ძლიერება?

— იმ ძალაში, რომელიც, მას თვით ბუნებამ მისცა და რომელსაც ნიჭი ეწოდება, პრაქტიკისა და შრომისმოყვარეობისაგან არ უნდა მოველოდეთ ამ ხალას ცეცხლს... ოფლის მოწურვით ვერვინ ვერ ჰპოვებს ამ ცხოველმყოფელ წყაროს ცეცხლისას, რომელიც ნიჭისა და უჭკნობი მშვენიერების ნაპერწკალს აფრქვევს... ეს, ვინც იცნობს „რიგოლეტოს“ პარტიტურას და მოუსმენია ბ-ნ სარაჯიშვილისათვის, ალბათ შეამჩნევდა იმ სამკაულს, რომლითაც სურდა შეემკო ახალგაზრდა მომღერალს ჰერცოგის პარტია. ამ მხრივ ბ-ნი სარაჯიშვილი განსაკუთრებული ხელოვანი — მომღერალია, რომელსაც შეიძლება უსმინოთ დაუსრულებლად. ჩვენ არც ვარჩევთ ამ მსახიობის სიმღერას. ვერავითარი ანალიზი, ვერავითარი მოგონებანი ვერ დაგვიბრუნებს იმ ესთეტიკურ ალტაცებას, რომლითაც შეპყრობილი იქნა საზოგადოება.¹⁾

— მივესალმებით ქეშმარიტი, კეთილშობილი ხელოვნების სინათლისა და სითბოს ამ ზეშთაგონებულ მატარებელს“.

„რიგოლეტოსა“ და „ტრაფიატას“ გარდა ვანო გამოვიდა „ფაუსტსა“ და „ევგენი ონეგინში“, მონაწილეობა მიიღო საქველმოქმედო კონცერტებში. 1906 წლის 3 ნოემბერს შესრულდა 10 წელიწადი ახლანდელ საოპერო თეატრში პირველი სპექტაკლის დადგმის დღიდან, ოპერის დირექციამ ეს თარიღი საზეიმო პროგრამით აღნიშნა. ვანო სარაჯიშვილის გამოსაყვანად საგანგებოდ დაიდგა დუელის სცენა „ევგენი ონეგინიდან“.

11 ნოემბერს დადგმული „ფაუსტი“ მთელი სეზონის ზენიტი იყო. ამ სეზონში თითო საოპერო სპექტაკლმა საშუალოდ 550 მან. შემოსავალი დატოვა. დიდი წარმატებით ჩატარდა ვან-ბრანდტის გასტროლები, მაგრამ ვანოს მონაწი-

¹⁾ ხაზი ჩენია (შ. კ.)

ლეობით დადგმულმა „ფაუსტმა“ ყველაფერს გადააქარბა და 1951 მან. შემოსავალი მისცა თეატრს. მთელი ხალხი ალაპარაკდა. პრესაში მოთავსდა ქართველი საზოგადოების მიმართ საყურადღებო წერილები — თვალის ჩინივით გაუფრთხილდით ამ შესანიშნავ მომღერალსო. ვანოს კი ურჩევდნენ — „ჩქარა გაქცეულიყო იტალიაში“ თავისი ოსტატობის სრულსაყოფად. მაგრამ, ამავე დროს, ვერც იმეტებდნენ ამ ჯადოქარს.

„ფაუსტის“ შესახებ გამოქვეყნებულ რეცენზიაში ვკითხულობთ: „ახლანდელ საოპერო სეზონში ტრიუმფალურ სპექტაკლად უნდა ჩაითვალოს „ფაუსტი“ იმ შემადგენლობით, რომლითაც იგი დაიდგა შაბათს 11 ნოემბერს. დარბაზი რომ ხალხით იყო გაჰყვდილი, ამას, რა თქმა უნდა ანტრეპრიზა უნდა უმადლოდეს თბილისის ახალ ლეთაებას — სარაჯიშვილს, რომელმაც ამ დღეს თავისი გამოსათხოვარი ბენეფისი გამოაცხადა... მომღერალმა ერთხელ კიდევ ზედმეტად დაამტკიცა თუ რა მდიდარ ვოკალურ შესაძლებლობათა პატრონია იგი და თავისი მუსიკალობის წყალობით რა რიგ მცირე ღონისძიება უნდა გამოიყენოს, რომ დიდი მომღერალი გახდეს. მიუხედავად იმისა, რომ სარაჯიშვილმა შეისმინა მეგობრებისა და ნაცნობების მუდარა და, როგორც შევიტყუეთ, უკვე გადაჭრით მოემზადა „ფორთოხლისა და ტენორების“ მადლიან ქვეყანაში გასამგზავრებლად, ნეტავ გააჩერებდნენ კიდევ ერთი სპექტაკლისათვის, რათა განმეორებულ იქნას „ფაუსტი“.

ვანო ოპერის თეატრში არ შებრუნებულა, ოღონდ, ვალ. გუნიას მიწვევით მონაწილეობა მიიღო „არტისტული საზოგადოების“ დარბაზში 14 ნოემბერს გამართულ სპექტაკლში.

ხორციელდებოდა ვანოს დიდი ხნის ოცნება; პეტერბურგსა და თბილისში ბრწყინვალე გამარჯვებათა შემდეგ, მან რტალიისაკენ იბრუნა პირი. 1906 წლის დამლევს დიდი ზემით გააცილეს თბილისიდან.

თავისი საყვარელი ჩელო ამოიღლია და თან წაიღო.

„ფორთოხლისა და ტენორების“ ძველანაში

ვანო სარაჯიშვილი იტალიის პირველი ქართველი სტუმარი როდი იყო. გასული საუკუნის 60-იან წლებში ვეროპის უდი-

დეს ცენტრებში ბრწყინვალე წარმატებით გამოდიოდა პიანისტი ალოიზ მიზანდარი, რომელსაც ვენის პრესამ გენიალური ოსტატი უწოდა. 70-იან წლებში იტალიაში წარმატებით მღეროდა მილანის ოპერის პრემიერი, ბანი ფილიმონ ქორიძე. მისი ხმის ძლიერებაზე პეტერბურგის რეცენზენტები სწერდნენ — მკერდში ორთქლის მანქანა აქვსო. 1895 წელს მილანში წარმატებით დაასრულა მეცადინეობა არაჩვეულებრივი ხმის პატრონმა (დრამ. ტენორი), პეტერბურგის საიმპერატორო თეატრების სტიპენდიატმა პ. მ. კაკაბაძემ. სამწუხაროდ, მას არ დასცალდა და სანშობლოში დაბრუნებისთანავე გარდაიცვალა. მილანშივე დაასრულა მეცადინეობა პარიზის „გრანდ ოპერის“ პრემიერმა. ტენორმა მიხეილ ნანობაშვილმა. იტალიაში სწავლობდნენ დავით აკოთაშვილი და სხვა ქართველი მომღერლები, რომელთა ჩამოთვლას აქ არ შევეუდგებით.

ვანო სარაჯიშვილის ჩასვლისას იტალიაში დიდი წარმატებით მღეროდა ელენე იოსების-ასული თარხნიშვილი. ოპერა „სოფლის პატიოსნების“ ავტორი, კომპოზ. მასკანი საგანგებოდ დასს ადგენდა ამერიკაში საგასტროლოდ და ლა-სკალას თეატრში დახურული კონკურსი მოაწყო. აქ 14 მომღერალში პირველობა მოიპოვა ე. თარხნიშვილმა და მასკანის დასში საგასტროლოდ გაემგზავრა ამერიკის შეერთ. შტატებში. საქართველოშიაც ჩამოდიოდა. აკაკი წერეთელმა ლექსი და სტატია მიუძღვნა.

მილანში, ელ. თარხნიშვილის სალონში. თავს იყრიდნენ სახელგანთქმული მომღერლები და მუსიკოსები. აქვე მათ წარეწი ტრიალებდა ვანო სარაჯიშვილიც. იტალიაში ვანო დაუახლოვდა მსოფლიოში განთქმულ ბანს თ. შალიაპინს, ცნობილ იტალიელ ბარიტონს ევგ. ჯირალდონს და სხვა მომღერლებს, რომლებიც აღტაცებულნი იყვნენ მისი ხმითა და ნაჭით. ევგ. ჯირალდონი ქართველებს სიძე იყო — ქუთათური ერისთავის ქალი ჰყავდა მეუღლედ. ვანო მისი ოჯახის ხშირი სტუმარი იყო. აქ იტალიელ მომღერალთა წრეში იგი ჩვენს „ურმულს“ მღეროდა და ცრემლმორეულ დიასახლისს ძვირფას სამშობლოს აგონებდა. შალიაპინმაც რამდე-

ნიმეჯერ მიიწვია ვანო და თბილისის ყაიდაზე გაუმასპინძლდა. სისტემატურად ხვდებოდნენ ერთმანეთს. შალიაპინი ეჩსუბებოდა ვანოს—რას ჩასციებიხარ ამ თბილისს ასეთი შესანიშნავი ხმის პატრონი მომღერალიო. მაგრამ უცხოეთში ვანო სარაჯიშვილს სული ეხუთებოდა.

სამშობლო თითქოს ცეცხლის ასოებით ეწერა გულზე.

მილანში ვანო მეცადინეობდა პროფ. კასტელანოსთან, მაგრამ უეტეს დროს თვითგანვითარებას ანდომებდა: ამზადებდა ახალ პარტიებს სახელგანთქმულ დირიჟორებთან, უსმენდა დიდ მომღერლებს, სწავლობდა იტალიურ ხალხურ სიმღერებს. შალიაპინის თაოსნობით ვანოს დებიუტი დაუნიშნეს მსოფლიოში განთქმულ ლა-სკალას თეატრში. ეს უმკაცრესი გამოცდა იყო. დებუტი შესანიშნავად ჩატარდა. ამის შემდეგ ვანოს წინადადება მისცა შალიაპინმა გაჰყოლოდა მას საგასტროლოდ პარიზში ოპერა „ბორის გოდუნოვი“ მონაწილეობის მისაღებად. მაგრამ ვანო პირველ ტემორად მიიწვიეს ქალ. პარმის თეატრში. აქ იგი გამოდიოდა „დონ პასკვალესა“, „მანონსა“ და სხვა ოპერებში. პარმის შემდეგ ვანო მღეროდა ტრიესტში, შემდეგ — ნიცაში. აქ პირველად გამოვიდა ვანო ოპერა „კარმენში“. საზოგადოება ტამის ქუხილით შეეკება შესანიშნავი ხმის მქონე უცნობ დონ ხოზეს, რომელიც არა ნაკლებ ჰზიზღავდა ყველას თავისი გარეგნობითა და ტემპერამენტით. სახელგანთქმულ რუს ბარიტონს მიგაის (მაშინ მოწათეს) ვანოსათვის მოუსმენია ქ. ბრეჟელშიაც, სადაც დიდი წარმატება ჰქონია ვანოს ოპერა „სიყვარულის სასმელში“.

ოპერებს გარდა ვანო ხშირად მონაწილეობდა კონცერტებშიაც, განთქმულ ნეაპოლურ სიმღერებთან ერთად აქ იგი ქართულ და რუსულ რომანსებსაც ასრულებდა. ამ კონცერტებში რალაც ზღაპრული წარმატება ჰქონია ვანოს. ერთი დამსწრის მოწმობით, როდესაც ვანომ პირველად ამოიღო ხმა, ვილაცას დარბაზში ძალაუვნებურად აღმოხდა—ახი, ხოლო სიმღერის დამთავრების შემდეგ ერთსულოვანმა ტაშმა იფეთქაო. იტალიაში ვანო მონაწილეობდა ხალხურ

დღესასწაულებშიაც. მას ქართული ენის და მარიფათი შექ-
ქონდა ამ საერთო დროს ტარებაში. ორი წლის განმავლო-
ბაში აქ ვანომ ისე კარგად შეისწავლა იტალიური ენა, რომ
თავისი დიასახლისის ქალიშვილს მუნჯურად აღარ ელაპარა-
კებოდა... სხაპასხუბით უხსნიდა სიყვარულს. ახლა მას თავი-
სუფლად შეეძლო ენღერნა იტალიურად მთელი თავისი რეპერ-
ტუარი. შესანიშნავ დირიჟორებთან რამდენიმე ახალი პარ-
ტია მოამზადა, მათ შორის—ნადირისა (ოპ. „მარგალიტის
შაძიებელი“). ახლა უფრო სრულყოფით დაეუფლა სიმღერის
იტალიური ყაიდის სკოლას—ბელ კანტოს. ამიტომ იტალი-
ელმა მომღერლებმა გვარიც თავიანთ ყაიდაზე გადაუკეთეს
და „სარაჯინი“ დაარქვეს, გულთბილად წარწერებით სთავაზობ-
დნენ თავიანთ პორტრეტებს. პატივისცემის ნიშნად შალიაპინ-
მაც უსახსოვრა ვანოს პორტრეტი, რომელზედაც თავისი ხელით
წააწერა:

„სახსოვრად ძვირფას აღამიანს— ვანო სარაჯინოვილს,
წარმატების გულწრფელი ხურვილით
ფიოდორ შალიაპინი.

10 ივნისი, 1907 წ. მილანო“

იტალიური პრესა შესანიშნავ რეცენზიებს ათავსებდა ვა-
ნოს შესახებ. მან ეს რეცენზიები— მთელი შეკვრა გაზეთები
ჩამოიტანა თან, მაგრამ, სამწუხაროდ მათ ჩვენამდე არ
მოუღწევია.

1908 წელს, პეტერბურგის იტალიური დასის ანტრეპრე-
ნიორის გვიდის წარმომადგენელი, იტალიაში ახალ დასს
ადგენდა რუსეთის სატახტო ქალაქში სამუშაოდ. მიიწვია გან-
თქმული მომღერლები: ოლიმპია ბარონატ, ანსელმი, ჯირალ-
დონი და სხვანი. პირველი ტენორის პარტიებზე მიწვეულ
იქნა ვანო სარაჯინიშვილი.

იტალიაში გატარებული ორი წელიწადი ვანოს ორ საუ-
კუნოდ მოეჩვენა. სასწრაფოდ შეჰკრა ბარგი და მოაშურა
თავს სანშობლოს.

იტალიიდან ამაღლებელი ცნობები მოდიოდა ვანო სარაჯიშვილის შესანიშნავ წარმატებათა შესახებ. ნოუთენლად მოელოდნენ მის დაბრუნებას. პრესამ ერთგვარი შიშიც გამოსთქვა—ვაი თუ უკსოეთში ს-მდიდრემ გაიტაცოს და სამშობლო დაივიწყოს...

1936 წლის შემოდგომაზე ვანო საქართველოში დაბრუნდა.

პეტერბურგში გამგზავრებამდე თბილისის ოპერაში მიიწვიეს. 11 ნოემბერს გამოვიდა „რიგოლეთში“, შემდეგ—„ტრაფიატაში“. გარდა ძველი რეპერტუარისა ვანომ პირველად იმღერა აქ ნადირის („მარგალიტის მამიებლები“) და ვილჰელმ მაისტერის („მინიონ“) პარტიები. ყველა პარტია შესრულებულ იქნა იტალიურ ენაზე.

ღიდებული იტალიური ბელ კანტო ახლა მომეტებული ოსტატობით ეღერდა მის ბაგეზე. სცენიურადაც უფრო დახელოვნებულიყო. „ზაკავკასკოე ობოზრენიე“ და სხვა გაზეთები სწერდნენ:

„ტენორი სარაჯიშვილი იმ რჩეულთა რიცხვს ეკუთვნის, რომელთა გამოჩენა არტისტული შემოქმედების სარბიელზე ამ ბოლო დროს მეტად იშვიათი მოვლენა გახდა, განსაკუთრებით რუსეთში... მის ხმას არსებითი ცვლილება არ განუცდია: იგივე მომაჯადოებელი ტემბრი, ყველა რეგისტრში თანაბარი ბგერა, ხმის ფილირების განსაცვიფრებელი ოსტატობა“.

„...სარაჯიშვილმა ქვეშარიტი ინტერესი გამოიწვია და სპექტაკლის ბოლომდე გამარჯვებული დარჩა... იგი იტალიური სკოლის მომღერალია. მეოთხე აქტის არია არაჩვეულებრივი ოსტატობით შეასრულა და იტალიური სკოლის საუკეთესო ოსტატები მოგვაგონა“.

განსაკუთრებული წარმატება ხვდა წილად „მარგალიტის მამიებლებში“, რაც ხაზგასმით აღნიშნა პრესამ.

კვლავ გაჩნდა „სარაჯიშვილის ანშლაგები“, დაიწყო ფუს-ფუსი, ნერვიულობა და სირბილი ბილეთებისათვის. ერთხელ, უბილეთოდ დარჩენილმა ხალხმა ვესტიბიულში ხის მოაჯირი

გადასთელა და ტალღასავით შეგრიალდა თეატრში ქურნალ-მა „საქართველომ“ შარკი მოათავსა ვანოს თაყვანისმცემელ მანდილოსნებზე, რომლებსაც მაშინ „სარაჯისტებს“ ეძახდნენ. სპექტაკლების დამთავრების შემდეგ, თეატრთან მოგროვილ ხალხს ხელში აყვანილი მიჰყავდათ თავისი საყვარელი მომღერალი შინისაკენ. ამიტომ, თავმდაბალი და მორიდებული ვანო ხშირად თეატრის უკანა კარებიდან მიიპარებოდა.

თბილისში გასტროლების დამთავრების შემდეგ, მილანში დადებული ხელშეკრულების თანახმად ვანო პეტერბურგს გაემგზავრა იტალიურ დასში გამოსასვლელად. იტალიელი მომღერლები თავიანთ სისხლ ხორცად სთვლიდნენ ვანოს, რომელსაც ასე უბადლოდ ჰქონდა შეთვისებული მათი საამაყო ბელ კანტო. ენა, არტისტული ძანერა და ტრადიციები, საზოგადოება დიდი პატივისცემით ეგებებოდა მის ყოველ გამოსვლას და იტალიელ ოსტატებთან ერთად მქუხარე ტაშით და თაივულებით აჯილდოებდა. დიდი წარმატებით გამოდიოდა ვანო კონცერტებშიაც.

აქ იერბუ-გში გასტროლების დამთავრების შემდეგ, 1909 წ. ზაფხულში ვანო 12 გასტროლზე მიიწვიეს კისლოვოდსკში. ვანო გამოვიდა აქ „ლაკმეში“, „რიგოლეტოში“, „ტრავიატაში“, „ძარგალიტის მაძიებლებში“ და სხვა ოპერებში.

— სარაჯინი მონაწილეობს, ამას წინად იტალიაში მოეუსმინე, განსაცვიფრებელი მომღერალია!...

სარაჯინი, სარაჯინი! გაისმოდა ხალხში. სალაროსთან მუდამ ჩოჩოლი იყო. შემდეგ წლებშიაც ხშირად მღეროდა ხოლქე ვანო კისლოვოდსკში.

განსაკუთრებული ტრიუმფით ტარდებოდა იმ ხანად ვანოს კონცერტები მთელს საქართველოში. მისი გამოჩენა რომელიმე დაბაქალაქში ეროვნული დღესასწაულის სახეს იღებდა, აი, ერთი დამახასიათებელი მოგონება ქიათურაში გამართული კონცერტის გამო:

„...გაისმა პიველი აკორდი პიანინოსი და დარბაზი ერთბაშად ჩაჩუმდა ისე, რომ ეს მოკრძალებით და დიდი მოლოდინით აღსავეს სიჩუნი ყველა ჩვენგანს შიშის ქრუანტელს ჰგვრიდა. მოგვესმა იადონის ტკბილი ხმა, აღსავეს გრძნობით, კეთელშობილებით და მშობლიური ჰანგების სანეტარო აქლე-

რებით. სიხარულის და აღტაცების ღიმილმა მძლავრად გადაიარა დარბაზის სახეზე, და თვალთაგან ნეტარების ცრემლები გამოსწურა: გაღვიძებულმა სიამაყემ არწივისებურად ფრთა გაშალა. მალლა ცის კამარაში შეინავარდა და ქვეყანას მოსდო დიდი ოცნება ჩვენი სამშობლოს წინსვლისა და აღორძინებისა. იმ საღამოს დიდმა და პატარამ, ქალმა თუ კაცმა, ჯეელმა თუ მოხუცმა მთელი გულით შეიყვარა ჩვენი იადონი. მისი მოშორება აღარავის უნდოდა, სცენიდან აღარ უშვებდნენ, ემუდარებოდნენ ერთი კიდევ ემღერა, რომ ერთხელ კიდევ ესმია ნეტარების ნექტარი... და მთელს ღამეს, მეორე დილას ხალხი ვანოს გარს შემოხვეოდა, არ შორდებოდა, მისი ხილვა სწყუროდა. მასთან ყოფნა უნდოდა მარად... („თ. და ცხოვრ.“ № 16 1924 წ. ი. ვარაზაშვილი).

ასე მოვლო ვანომ მთელი სამშობლო და ხალხში სათუთი სიყვარული გამოიწვია. ხონში იმდენი ხალხი ზობლავდა კონცერტზე რომ დარბაზის კატასტროფაზე ალაპარაკდნენ. კონცერტის მონაწილე ემილ კაპელნიცკი ჩილოს გადაეფარა—დაზიანებისა შეეშინდა: თეთრად ზორთულ ქალიშვილებს სცენისათვის წრე დაერტყათ და სეტყუასავით უშენდნენ წითელი ფარდების თაიგულებს. უკვე ხანში შესული კაპელნიცკი, 30 წლის შემდეგაც კი უცრემლოდ ვერ იგონებდა ამ სურათს.

სხვა ნაწარმოებთა შორის, ვანო და კაპელნიცკი შესანიშნავად ასრულებდნენ სახნოვსკის რომანსს—„საღამოს ვარსკვლავს“ (ჩელოსა და ტენორის დუეტი). ვანოს გარდაცვალების შემდეგ კაპელნიცკის ბევრმა მომღერალმა სთხოვა საკონცერტო მოგზაურობა და კერძოდ, ამ დუეტის შესრულება, მაგრამ... ყველამ უარი მიიღო¹)

1912—13 წლის სეზონში ვანო კვლავ თბილისის ოპერაში მღეროდა ივ. ფალიაშვილის მიწვევით, რომელიც ანტრეპრიზას განაგებდა. 1913 წელი თბილისის ოპერაში ვანო სარაჯიშვილის მილოცვით დაიწყო. 1 იანვარს დაიდგა „ტრაეიატა“. ვანოს გამოწვევას ბოლო არ ჰქონდა. იმდენი საჩუქარი მიართევს, რომ პატარა გამოფენის მოწყობა შეიძლებოდა.

¹ ემილ ნაუმის-ძე კაპელნიცკი—ცნობილი ჩელოს დამკვრელი პედაგოგი თბილისის სახელმწ. ოპერის ორკესტრის სოლისტი. გარდაიც. 1945 წ.

მოსკოვში ვანო სარაჯიანი მღეროდა სერგიევის სახალხო სახლში და ზინინის თეატონში. აქ პირველად ძოუსპინა მას მანინ ახალგაზრდა მოქალაქე კაპორენკო — დამანსკი¹ ვერტევის პაოტიანი. მას ახლაც ვეღვინ უდგას ვანო—ვერტერი; მასი მგზნებარე სიმღერა და რეპერტორი, სულის მიძტაღი აკვებება—სანუღამოდ დაღუპულ ბედნიერებას რომ ჰგლოვოს სწავი ქაბუკი:

—ო, ნუ მალვიძებ მე,
გახაფხულის სუბოქვა. . .

მოსკოვში ვანოს სპექტაკლები ანშლაგებით მიმდინარეობდა. აქ მას „ჩვენ სარაჯეუს“ ეიხბდნენ. ერთი ძველი თეატრალის ცნობით, ბილეთების გადაყიდვაც კი ყოფილა გაჩაღებული. მოსკოვში ვანომ გრამოფონის ფირფიტები დაამღერა. ამ ფირფიტებს აწერი:

„რუსული ოპერის არტისტი ივანე სარაჯევი. 1912 წელი, მოსკოვი“.

1914 წლის ზაფხულში თბილისის ქართულ კლუბში დიდი წარმატებით ჩატარდა სიმფონიური კონცერტების სეზონი ივანე ფალიაშვილისა და ევა ბრიუნელის დირიჟორობით. სოლისტად ვანო სარაჯიშვილი გამოდიოდა, საზოგადოების მოთხოვნით კონცერტები ხედიზედ მეორდებოდა.

1915 წელს ივანე ფალიაშვილმა დასი შეადგინა ციმბირის ქალაქებში საგასტროლოდ. პირველ ტენორად ვანო მიიწვია. ვანოს ეს საგასტროლო ტურნე დიდი წარმატებით ჩატარდა პერმის, ეკატერინებურგისა და სხვა ქალაქების თეატრებში. დრამატიული ელფერი, რაც ბოლო დროს მოსდგამდა მის ხმას, აქ უფრო თვალსაჩინო გახდა, ვანოს ბობოქარი ტემპერამენტი ვერ თავსდებოდა ლირიკული ტენორის ჩარჩოებში. დაუცარომელი სულიერი წვა უმძაფრეს დრამატიულ განცდებისაკენ მიისწრაფოდა. აი, რას სწერდა ამ ხმაველილების შესახებ გაზეთი „ურალსკაია ჟიზნი“ 1916 წლის 29 იანვრ. ნომერში „ბ-მა სარაჯიშვილმა იტალიურად შეასრულა ჰერცოგის პარტია. თითონვე უნდა დასწრებოდა ადამიანი ამ

¹ იური სტეფანეს-ძე კაპორენკო-დამანსკი, განთქმული დრამატიული ტენორი, უკრაინის სსრ სახალხო არტისტი. შ. კ.

სპექტაკლს, რომ დარწმუნებულებულიყო თუ რა კოლოსალური მეტამორფოზა განიცადა ნიქიერმა მომღერალმა. ვოკალური დახელოვნების მხრივ სარაჯიშვილი უეჭველად დიდი ოცეტიცაა. მომღერლის ხმა ძირფესვიანად გარდაიქმნა: გაძლიერდა, გაფართოვდა, შეიძინა ლითონის სიმკახე და მიუხედავად პარტიის მაღალი ტესიტურისა მეტად თავისუფლად ჟღერდა. მოკლედ, მის ხმას მართლაც ვეღარ იცნობს ადამიანი. ამ გარემოებამ, მომღერლის დამახასიათებელ სიზუსტესა და მუსიკალობასთან ერთად, უბაძლო ჰერცოგი წარუდგინა მსმენელს. სარაჯიშვილს უდიდესი წარმატება ჰქონდა.“

ასევე დიდი წარმატებით გამოდიოდა აქ ვანო „ევგენი ონეგინში“, „მარგალიტის მადიებლებში“, „სნეგუროჩკაში“ და სხვა ოპერებში.

1916/17 წლის სეზონი ვანომ ბაქოს ოპერაში გაატარა. ეს წელი აქაური ქართველების ყველაზე სასიამო პერიოდი იყო. ქართულმა საქველმოქმედო კონცერტებმა ხომ უჩვეულო ბრწყინვალეობა მოიპოვეს. აქ პირველად გააცნო ვანომ ფართო საზოგადოებას ნაწყვეტები ზაქ. ფალიაშვილის „აბესალომიდან“ და დიმ. არაყიშვილის „შოთა რუსთაველიდან“, თუმცა ეს ოპერები ჯერ დადგმული არ იყო (ნაწილობრივ, არც დამთავრებული). ოპერაშიაც ჩვეული წარმატებით გამოდიოდა. გაზ. „კასპიი“ სწერდა:

„დიდი წარმატება ჰქონდა ბ-ნ სარაჯიშვილს ვერტერის პარტიაში. ენტუზიასტებმა კიდევაც გადააქარბეს და შუა მუსიკალურ ფრაზაში აწყვეტინებდნენ სიმღერას ტაშის გრიალით“.

ბაქოში ათასი ჯურის ხალხი ტრიალებდა და ვანოც ინტერნაციონალური პროგრამით გამოდიოდა თავის კონცერტებში. აქ იგი მღეროდა აზერბაიჯანულ, ქართულ, რუსულ, ფრანგულ და იტალიურ ენებზე.

ვანო სარაჯიშვილი და ძარბოული ოპერა

1917 წლის თებერვლის რევოლუციამ ფრთა შეასხა ვანო სარაჯიშვილს. სეზონის დამთავრების შემდეგ მან საქართველოს მოაშურა. იმ ხანად მთარული სენი—„ესპანური დაავადება“

შეეყარა. ძლივს გადურჩა. ჯერ კიდევ რიგიანად არ მომჯობინებულყო, რომ ჯოსდაპჯენილი მივიდა თეატრში.

ამის შემდეგ იწყება ქართული ოპერის ბრწყინვალე თავფურცელი. მისი ახალი ერა და აყვავება. ვანოც არსად არ წასულა საქართველოდან. ნიადაგ ოპერაში დაფუსფუსებდა, მონაწილეობდა კონცერტებში თბილისსა და პროვინციაში, მართავდა საკუთარ კონცერტებსაც. მიუხედავად იმისა, რომ ოპერაში ვანო პირველი ტენორის საპასუხისმგებლო პარტიებს ასრულებდა, იგი საზოგადოებრივ მოღვაწეობასაც ეწეოდა „ქართველ მომღერალთა კავშირის“ ორგანიზაციაში, სანდრო ინაშვილთან და სხვებთან ერთად.

1917 წლის 21 სექტემბერს ვანოს პირველი გამოსვლისათვის დაიდგა ოპერა „სარგალიტის მადიებელნი“ საბანეევას, ბლაპანისა და სხვათა მონაწილეობით. საზოგადოება აღფრთოვანებით შეხვდა მშობლიურ სცენაზე ვანოს გამოჩენას.

ვანო სარაჯიშვილის სასცენო მოღვაწეობის ეს პერიოდი ხასიათდება დრამატული ტენორის პარტიებზე გადასვლით, თუმცა ამავე დროს თავის ძველ რეპერტუარსაც არ ივიწყებდა. მან დიდი წარმატებით დაიწყო გამოსვლა „პიკის ქალში“, „კარმენში“, შემდეგ კი „აიდაში“, „პუგენოტებში“ და სხვა ოპერებში. ამავე პერიოდში საძირკველი ჩაეყარა ქართულ ოპერასაც. ქართული ოპერის ჩასახვა და განვითარება ვანო სარაჯიშვილის სახელთან არის შესისხლხორცებული. ამ ისტორიული მისიის განხორციელებაში მას მუდამ ღირსეულად უმშვენიებდა მხარს ქართველი ერის მეორე საყვარელი მომღერალი, სახალბო არტისტი სანდრო ინაშვილი.

1910 წ. 3 აპრ. თბილ. „ქართულ კლუბში“ გაიმართა კონცერტი დიშ. არაყიშვილის ნაწარმოებთაგან. კონცერტში მონაწილეობა მიიღო ვანო სარაჯიშვილმა, რომელმაც პირველად შეასრულა ნაწყვეტები ოპერიდან „თქმულება შოთა რუსთაველზე“.

1911 წ. 30 ნოემბ. თბილ. „ქართულ თეატრში“ დაიდგა ქართულად ოპერა „სევილიელი დალაქი“. აღმავეივას პარტია შეასრულა ვანო სარაჯიშვილმა. სპექტაკლი განმეორდა 26 დეკემბერს ქართული ენისა და კულტურის მოძულეებმა ათასი ხმა გაავრცელეს: ქართული ენა ვერ შესძლებს როსინის შესა-

წიშნავი ნაწარმოების სხარტად და მხატვრულად გადმოცემას, მომღერლებს ყელში გაეჩხირებოთ მუსიკალური ფრაზა, წარმოდგენა ჩაიშლებო. ეს შხამი მათეე გაეჩხირათ თავიანთს ყელში, ჩაიშალა ყველა მათი ბნელი ზრახვები. . . გაძლირკვა, რომ ქართულ ენას დისონანსი კი არ შეაქვს იტალიური ოპერის კეთილწყობაში, არამედ პირიქით — უფრო მოხდენილად და სხარტად შეერწყმის მას ვიდრე ბევრი სხვა ენა. სპექტაკლი შესანიშნავად ჩატარდა. ამ გამარჯვების მთავარი მიზეზი ვანო სარაჯიშვილი იყო. გაზეთი „ზაკეკაზე“ სწერდა — შესანიშნავი ლირიკული ტენორი სარაჯიშვილი მომაჯადოებელ შთაბეჭდილებას სტოვებსო.

1911 წ. 18 აგვისტოს ვ. გუნიას საღამოზე „ქართულ კლუბში“ ვანო სარაჯიშვილმა შეასრულა ქართულად ერეკლეს არია ოპ. „ღალატოდან“. პრესამ განსაკუთრებული შეფასება მისცა. რეცენზიაში ვკითხულობთ: „ერეკლეს“ არიის შესრულებით ვანო სარაჯიშვილმა გაცილებით მეტი კმაყოფილება გვაგრძნობინა ვიდრე სატასტო ქალაქების სცენის ოსტატთაგან გვიგრძნობიაო. რეცენზენტი ხაზგასმით აღნიშნავდა — ერეკლეს არია ქართულად თვით ვანო სარაჯიშვილმა სთარგმნა, მთლიანად რომ სთარგმნიდეს მთელს ოპერას, დიდ სამსახურს გაუწევს მშობლიურ სცენასაო.

1913 წ. 27 აპრილს თბილისის „ქართულ კლუბში“ პირველად შესრულდა საჯაროდ ზაქ. ფალიაშვილის „აბესალომ და ეთერის“ მესამე აქტი. მონაწილეობა მიიღეს კოლოტრევამ, ვოფმანმა და დუელმა. მუსიკამ დიდი შთაბეჭდილება მოახდინა, შემსრულებელნი კი (გარდა კოლოტრევასი-ეთერისა) ვერ იდგნენ სათანადო სიმაღლეზე.

იმავე წლის 28 მაისს განმეორდა იგივე აქტი, პირველი სურათის დამატებით. (აბესალომისა და ეთერის შეხვედრა). შეიცვალა შემსრულებელთა შემადგენლობა: აბესალომის პარტიას ასრულებდა ვანო სარაჯიშვილი, ეთერისას — კოლოტრევა, მურმანისას — სანდრო ინაშვილი, ბელიარ ეშმაკისას — ლორთქიფანიძე¹. დიდებულად აქლერდა „აბესალომი“. პრესამ სულ

¹ ეს პარტია შემდეგ ამოღებულ იქნა ოპერიდან, მისი შეყვეცის დროს. შ. კ.

სხვა შეფასება მისცა ზაქ. ფალიაშვილის შესანიშნავ ნაწარმოებს. ამის შემდეგ ვანო სარაჯიშვილი ხშირად ასრულებდა აბესალომის არიას საქართველოსა და რუსეთის სხვადასხვა ქალაქებში და ყველგან უდიდეს შთაბეჭდილებას სტოვებდა.

1918 წლის მაისის დამდეგს „ქართულ კლუბში“ ზედიზედ რამდენიმეჯერ დაიდგა პირველი ქართული ოპერა „ქრისტინე“ (რეჟიზ გოგენიაშვილისა). იასონის პარტიას ასრულებდა ვანო სარაჯიშვილი. მაშინდელი პრესის შეფასებით იგი ამ პარტიაში „ნამდვილი ხატება იყო“.

1919 წლის 5 თებერვალს თბილისის ოპერის სცენაზე პირველად დაიდგა დიმ. არაქიშვილის „თქმულება შოთა რუსთაველზე“. შოთას პარტიას ასრულებდა ვანო სარაჯიშვილი.

1919 წლის 21 თებერვალს დაიდგა ზაქ. ფალიაშვილის „აბესალომ და ეთერი“. პირველ სპექტაკლებში აბესალომის პარტიას ასრულებდა ზალიპსკი, შემდეგ — ვანო სარაჯიშვილი.

1919 წელსვე დაიდგა ვ. დოლიძის „ქეთო და კოტე“, შემდეგ — „ლილა“. ვანო აქაც ასრულებდა ტენორის პარტიებს.

1920 წლის 19 ნოემბერს პირველად ქართულ ენაზე დაიდგა ოპერა „ლალატი“ იპოლიტოვ — ივანოვისა (კ. ფოცხვერაშვილის თარგმანი). ერეკლეს პარტიას ასრულებდა ვანო სარაჯიშვილი.

1923 წლის 19 დეკემბერს პირველად დაიდგა ზაქ. ფალიაშვილის „დაისი“. მალხაზის პარტიას ასრულებდა ვანო სარაჯიშვილი...

აი, როგორ ჩაწნული და ჩაქვითიკრებულია ქართული ოპერის საძირკველში ვანო სარაჯიშვილის სახელი. ამ, ერთი შეხედვით იქნებ მოსაწყენ ჩამოთვლიდანაც კი, ნათლად სჩანს. ვანოს მნიშვნელობა ახალი ქართული მუსიკალური კულტურის განვითარებაში.

1897 წელს პეტერბურგში დადგმული „თამარ ცბიერის“ ერთი აქტი ღრუბლიანი გარიჟრაჟია.

ქართული ოპერის დილა, შუადღიდან დაიწყო. „აბესალომია“ ეს შუადღე, ეს ზენიტში მოვარვარე მზე.

„დაისი“ — მწუხრი: ვანო სარაჯიშვილის გედის სიმღერა და დამშვიდობება.



მარტენიდან მარჯვნივ სხედან—ჩელოს დამკვეთი ი. თ. სარაჯიშვილი, მომღერალი ვ. მ. ხარუდნაია, კომპ. პ. ი. ჩაიკოვსკი, პიანისტი ე. თ. ესპტეინი დგანან — ვიოლინოს დამკვეთი კ. კ. გორსკი და კოშკ. გ. მ. აპოლიტოვ-ივანოვი.
(80-იანი წლების ფოტო)



შომღერალი ლინა კავალიერი

ზაქ. ფალიაშვილის სამართლიანი აღიარებით, ვანო სარაჯიშვილი არა მარტო პირველი მერცხალია ქართული ოპერისა, არამედ „მისი გამომწვევი ბედნიერი მიზეზიც“.

ეს „გამომწვევა“ აბესალომ და ეთერს“ შეეხება.

„აბესალომ და ეთერის“ ლიბრეტო ზაქ. ფალიაშვილს შესთავაზა ცნობილმა მთარგმნელმა, მკვლევარმა, პედაგოგმა და საზოგადო მოღვაწემ პეტრე მირიანიშვილმა. ზაქარია უარზე იყო. იგი იმდენად დიდ მოთხოვნილებას უყენებდა საკუთარ თავს, ისეთი მოწიწებით ეპყრობოდა მშობლიურ მუსიკას, რომ მიუხედავად საუუფლოდანი განათლებისა, არ სთვლიდა თავს მომზადებულად რათა ოპერის წერას შესდგომოდა. წელთა განმავლობაში ზაქარიამ თითქმის მთელი საქართველო შემოიარა, ჩაიწერა და შეისწავლა ჩვენი უმდიდრესი ხალხური მუსიკა. ნაესი გატყდა. როგორც იქნა პ. მირიანიშვილმა დაიყოლია ზაქ. ფალიაშვილი და გადასცა ოპერის ლიბრეტო. „აბესალომ და ეთერი“ ნელი ტემპით იწერებოდა. პედაგოგიური მოღვაწეობით დატვირთული ზაქარია მარტო ზაფხულობით თუ იცლიდა ოპერის საწერად. ერთმა უბედურმა შემთხვევამ კი, სრულებით შეაჩერა მუშაობა „აბესალომზე“. ზაქარიას გარდაეცვალა მუსიკალური ნიჭით დაჯილდოებული ერთადერთი ვაჟი. დადუმდა ფორტეპიანოს კლავიშები, რომელთაც ჯერანივით მიეჭრებოდა ხოლმე მაღალნიჭიერი ქაბუჯი და შააპუნა წვიმასავით ამუსიკებდა ზედ თავის პაწია თითებს. მაშინ ბედნიერი მამაც შემოქმედების აღმაფრენას განიცდიდა. ახლა ფორტეპიანოს ზურგი შეაქცია. მთელს დღეებს სასაფლაოზე აღამებდა. ერთხელ, საღამომდე ვერ გაეცალა შვილის საფლავს. შინ დაბრუნებისას ფორტეპიანოს მიუჯდა და მთელი ბოლმა ამოანთხია. მაშინ დაიწერა აბესალომის შესანიშნავი არიოზო:

„ვეძებდი ბედსა და ვპოვე ხელად.

ბედმავე ჩამაგდო ამ სატანჯველში.

ზინათ დოვლათი, ყოფა—ცხოვრება

ამოლდ მიჩანს ეშმაკის ხელში. . .

კლავიშებს ზაქარიას ცრემლი ეცემოდა და გულგამგმირავი სიდიადით უპასუხებდნენ ისინი ამ ბედკრულ მამას. თითქო

ფორტეპიანო ზაქარიას ობოლი გულია, კლავიშები კი ტიტინა პირმშოს ბაგვა: საყვარელ მამას ესიტყვება, ცივსაპარეზო მარტოობას შესჩივის, შველასა სთხოვს . . .

თავს ვგრძნობ ობლად,
გულით ვარ მარტო,
მზე ჩაესვენა, რამ მიმშუქაროს?

ნაგრამ ზაქარიასათვისაც ბნელი იყო მთელი ქვეყანა:

„ვერ გავძლო რის გაგეყარო,
მე მოვკვდე ოღონდ, შენ გაიხარო,
მე მოვკვდე ოღონდ, შენ გაიხარო . . .“

არიოზო მეცხრე ტალღასავით მოზღვავებული გრძნობით იწერებოდა მთელი ღამის განმავლობაში. ირიქრაჟა. აისი შეწითლდა, ზაქარიას სისხლნაკრავ თვალზე კი წამწამიც არ დახრილა. დიდმა ხელოვანმა „აბესალომში“ გააცოცხლა ძვირფასი შვილი . . . ამიტომ არის უკვდავი ეს ნაწარმოები. ამიტომ ასე მძაფრად განიცადა „აბესალომი“ ჰანგთა დიდმა პოეტმა—„ხმის გენიოსმა“—ვანო სარაჯიშვილმა და საკუთარი გულის ცეცხლით აღაგზნო ყოველი ბგერა. აბესალომის პარტია ზაქ. ფალიაშვილმა ვანო სარაჯიშვილის არტისტულ ქარგაზე გამოაქანდაკა. მუშაობის პროცესში იგი ხშირად აცნობდა ვანოს შემოქმედებითს გეგმებს. ვანოც გულმოდგინედ უპასუხებდა:

— მშობლიურ ჰანგს არ უღალატო, ზაქრო. ისე დასწერე, რომ ქართველ კაცს გულში მოხვდეს!

ზაქარიაც ასევე სწერდა.

„აბესალომ და ეთერის“ დადგმამ ეროვნული ზეიშის სახე მიიღო. თეატრი მუდამ სავსე იყო. ვანოსა და სანდრო ინაშვილის სახელი ამის შემდეგ რაღაც ზღაპრული შარავანდელით შეიშოსა. ვანო სარაჯიშვილი „აბესალომს“ უძნელეს პარტიად სთვლიდა თავის ვრცელ რეპერტუარში. ეს სიძნელე მის უმძაფრეს შეგრძნობაში გამოიხატებოდა. ვანოს სასოწარკვეთილი ამონაკენისი:

— მურმანო, აჰო, ეთერი შენთან ჰპოვებდეს შეებასა...

ანდა:

— მიშველეთ, ეს რა შემემთხვა . . .

ალალ ცრემლს იწვევდა მაყურებელში.

სცენაზე ფეხის შემოდგმიდან, ბოლო ფრაზამდე, თეთრად მორთული ვანო მთის მწვერვალზე აგორებულ გუნდასავით იზრდებოდა, როგორც ხელოვანი, და ბოლო აქტში საშინელ ციცაბოდან მოსხლეტილივით იღუპებოდა. მისი წაქცევა ოპერის ქვეშ მიწის ძვრას ჰგავდა. ამით სრულებით არ გვინდა ვსთქვათ— ისეთ ბრაგვანს მოადენდა, სცენაზე მტვერი ავარდებოდათქო. არა სრულებით არა!

ეს წაქცევა უძლიერესი იყო მორალურად. თავის სიმართლითა და გულწრფელობით.

დიდი არტისტული და ვოკალური კულტურა, უსაზღვრო ტემპერამენტი, მშობლიური კილოს შეგრძნობის გასაოცარი უნარი, ისე გენიალურად ჰქონდა შერწყმული ვანოს ამ პარტიაში, რომ აქ სრულებით არ იგრძნობოდა არავითარი შაბლონი და სწორედ ეს ანიჭებს უკვდავებას მის აბესალომს.

— როდესაც სცენაზე სინათლე ჰქრება და აბესალომი სულსა ლევს, მე მგონია რომ მართლა გავთავდი; ამის შემდეგ აღარაფერი აღარ მახსოვს . . . როდესაც შუქს ანთებენ და ხალხი ტაშს უკრავს, ვხედავ თურმე ტყუილი ყოფილა ყველაფერი და მიხარია!

აი, რას ამბობდა ვანო თავის განცდაზე იეთიმ გურჯის ამოძახილით:

„მიხარიან, არ კი მჯერა!“

ზეგამოკრილი იყო მასზე.

ზაქ. ფალიაშვილმა „დაისიც“ ვანო სარაჯიშვილის პოეტურ ქარგაზე ააჟღერა. „თავო ჩემო“ ვანომ შეატანინა ზაქარიას ამ ოპერაში ბედშავ ქაბუკის მალხაზის გულის მოსაოხებლად. ვანოს მიერ შესრულებული „თავო ჩემო“ ჯერ მიუღწეველი მწვერვალია. იგი უძვირფასეს სამკაულად გაჰყვება „დაისს“ და ლეგენდასავით გადაეცემა ნემდგომ თაობებს. მაგრამ ვანო სარაჯიშვილის ისტორიული მნიშვნელობა ქართული ოპერის წინაშე როდი ამოიწურება მარტო-ოდენ მისი არტისტული იერით, „გულკანური ტემპერამენტი“ ან უბადლო სულიერი წვით. რაც მთავარია,

ვანომ შექმნა ქართული საოპერო შექსრულეობის ბრწყინ-
ვალე ნიმუში, ე. ი. ქართული ყაიდის საოპერო მღერადობა
და გაამდიდრა მშობლიური მუსიკალური ფრაზა ისეთი ნიუან-
სებით, რაც საუკუნეთა მანძილზე ერთ რომელიმე ბელნიერ
მომღერალს თუ ხვდება წილად. ამიტომაც აბესალომი, მალ-
ხაზი, შოთა, თეიმურაზი და ვანო სარაჯიშვილის მიერ განსა-
ხიერებული სხვა გმირები ქართული ჩუქურთმით ეღერდნენ
და ჰხიბლავდნენ მსმენელს მშობლიური ჰანგის უბრწყინვალეს
ამეტყველებით. ბუნებისაგან უხვად დაჯილდოებულ ვანოს
ამაში ხელს უწყობდა ჩვენი დიდებული ხალხური სიმღერის
ცოდნა. უანისოდ ვერცერთი ჩვენი მომღერალი ვერ გაამდი-
დრებს თავის პარტიას თუნდაც ერთი აბალი ნიუანსით და
ვერ შეაღწევს ერის სულის წიაღში რა გინდ იერიქონის სა-
ყვირი არ ჰქონდეს ყელში და მჭექარე ხმით სახურავი აჰგლი-
ჯოს ოპერის თეატრს. ვანო სარაჯიშვილის მჭექარე მალღე-
ბიც კი ოღნავ არ ბზარავდა ჰაერს — ვერცხლში ხავერდი ერია
და ვარდივით ათოვდა ნეტარებით მოხიბლულ მსმენელს; მის
ბგერაში ჩვენი დიდებული მთა-ბარი ჩვენი სული, ჩვენი კრია-
ლა ზეცა სჩანდა.

„წვეთი სისხლის არ არის ჩემში არაქართული,
ძაფი ნერვის არ არის ჩემში არა პოეტის“.

თუ რომელიმე ქართველი მომღერლისათვის გავიმეტებთ
გალაქტიონ ტაბიძის ამ სიტყვებს, უწინარეს ყოვლისა ალა-
ლია ვანო სარაჯიშვილზე.

ვანო სარაჯიშვილი და ქართული რომანსი

ქართული რომანსის მამამთავრად მელ. ბალანჩივაძე ითვ-
ლება. 1891 წ. მელიტონმა გამოაქვეყნა „ნანა“, „შენ გეტრფი
მარად“, და „ოდესაც გიკქერ“ (ექიმ ი. ზ. გოპაძის გამოცე-
მა). ამ რომანსებმა სწრაფად მოიპოვეს პოპულარობა და
დღესაც არ დაუქარგავთ ნინიშენელობა. იმავე წელს კორნ.
მალრაძემ დასწერა დუეტი „ჩემა ვარსკვლავს“. მას შემდეგ
დღემდე ასობით ხალხური სიმღერა გადამუშავდა და რომან-
სი დაიწერა. ქართული საგუნდო და ცალფა სიმღერის უბად-

ლო ოსტატი—ვანო სარაჯიშვილი პირველ შესანიშნავ შემსრულებლად მოველინა მ. ბალანჩივაძის, დ. არაყიშვილის, ზ. ფალიაშვილის, ი. კარგარეთელის, ა. ყარაშვილისა და სხვათა რომანსებს. იგი ამ რომანსებს ასრულებდა ჩვენში, რუსეთში, იტალიაში. ასრულებდა აგრეთვე ხალხურ ცალთა სიმღერებს და განსაკუთრებით—„ურმულს“. ქართულ რომანსს ვანომ მტკიცე მოქალაქეობრივი უფლება მოუპოვა, ამიტომ ქართულ ოპერასთან ერთად იგი ქართული რომანსის მიმრქმელიცაა.

კამერული მუსიკის გადმოცემაში ვანო სარაჯიშვილის იშვიათად თუ ვინმე გაუწევდა მეტოქეობას. ცალკეული მცირე ნაწარმოები მას გააზრებული ჰქონდა როგორც მთლიანი, სიუჟეტური პოემა: ჩარჩო ვიწრო იყო, გრძობა—უსაზღვრო, სულიერი მისწრაფება—შეუზღუდავი. ვანოს მიერ შესრულებული რომანსები წარმოგვიდგებიან როგორც დასრულებული მხატვრული ქმნილებანი, რომლებიც გვხიბლავენ თავიანთი ნაირფერობით: სინაზით, განცდით, გულწრფელობით, ტემპერამენტით. რომანსი იგივე ლირიკული ლექსია. იქნებ მთელი დრამატიული პოემა უფრო ნაკლები სულიერი წვით დაიწეროს, ვიდრე რომელიმე ოთხ სტროფიანი ლექსი ან პაწია რომანსი. ზოგ მომღერალს არ ესმის ეს და რომანსი გასართობ, მსუბუქ ჟანრად წარმოუდგენია. ამიტომ მათ მიერ შესრულებული რომანსები საპნის ბუშტივით მიჰყვებიან ჰაერში უკანასკნელ ასაძაღლებელს, ჰქრებიან და სცილდებიან მეხსიერებას.

ვანო სარაჯიშვილის მიერ შესრულებული რომანსები მარმარილოს თეთრ ქანდაკებებივით აღმართულან ჩვენს გონებაში და სინანულის გრძობით მიგვყვებიან საფლავის კარამდე. მათ დღესაც ჰმონებს ჩვენი გული.

იტალიიდან ვანომ ბევრი რომანსი ჩამოიტანა. მათ შორის: დი'კაპუას „ო, ჩემო მზეო“ და ბონჯიოვანის „ლამის პაპელა“. მათ გაქართულებაზე ოცნებობდა, რადგან ჩვენი საესტრადო რეპერტუარი ჯერ კიდევ ღარიბი იყო. იმ ხანად დიდი წარმატებით მართავდა თავის საღამოებს „ძველი თბილისის ტრუბადური“—პოეტის იოსებ გრიშაშვილი. მხატვრული სიტყვის ეს მეტად ორიგინალური ოსტატი დაუცხრომელ ტაშის გრიალში კითხულობდა საკუთარ ლექსებს. მისი „გენაცვალე“

1910 წელს დაიბეჭდა და იმავე წლის 8 მაისს პირველად წაიკითხა ავტორმა სცენაზე. ვანო სარაჯიშვილის მუსიკალურმა სმენამ სწრაფად დაიჭირა ამ ნატიფი ლექსის ქარაგმა და ბონჯიოვანის „ლამის პეპელას“ შეუწყო, მაგრამ მისამღერი აკლდა და ავტორს ეწვია. გრიშაშვილმა დამატებით მიუწერა:

რა დაგიშვე, რისთვის გამცვალე ტურფავ.
პირიმე შენი, შენთვის ვსტირი, შემობრალე ვენაცვალე...“

მაშინ პოეზია მუსიკის მორჩილი გახდა. ცოტა ხნის შემდეგ ვანოს ბაგეზე ჯადოსნური ძალით აქლერდა — „გენაცვალე“. მაგრამ ყველაზე მეტად დაისაჯა აქ გრიშაშვილი. ვანო ისე შესანიშნავად ასრულებდა ამ რომანსს, რომ ჩვენმა პოეტმა ერთხელ და სამუდამოდ აიღო ხელი „გენაცვალეს“ კითხვაზე სამაგიეროდ მას „კომპოზიტორობა“ მიენიჭა. ხალხს გადავიწყდა ბონჯიოვანი. საქმე იქამდე მივიდა, რომ „გენაცვალეს“ ნოტები ერთხელ ვანო სარაჯიშვილისა და გრიშაშვილის სურათებით დაიბეჭდა, მუსიკის ავტორის მოუხსენებლად. ზაქ. ფალიაშვილმა ხუმრობით უთხრა გრიშაშვილს — ბიჭო, ახლა კომპოზიტორობა დაიწყეო?

„ო, ჩემო მზეო“ ვანოს კ. ანდრონიკაშვილმა და ი. გრიშაშვილმა უთარგმნეს. მას „ჩემი ვარსკვლავი“ ეწოდა. ვანო სარაჯიშვილის ვრცელ საესტრადო რეპერტუარში ეს რომანსი მართლაც შექუთ ვარსკვლავივით კიაფობდა. იგი მას განსაკუთრებული ვირტუოზული ოსტატობით, ხმის ფილირებითა და ხალასი განცდით ასრულებდა.

ვანო, გრიშაშვილის სალამოების მშვენიება იყო.

— სარაჯიშვილი, გრიშაშვილი! გენაცვალე, გენაცვალე... ისმოდე დაუცხრომელ ტაშის გრიალში. 1920 წლის 10 ივნისს, თბილისის ოპერის თეატრში გამართულ გრიშაშვილის სალამოზე პირველად შეასრულა ვანომ თ. შავერზაშვილის რომანსი „ლერწამი ხარ“ (ტექსტი გრიშაშვილისა) და ახალგაზრდა კომპოზიტორი საზოგადოებას წარუდგინა.

ამ რომანსებს ახლაც ასრულებენ, მაგრამ, როგორც ერთმა მუსიკოსმა მითხრა, ისინი მგონი... „თან წაიღო“ ვანომ — შესრულებაა და შესრულებაა.

იმდენად ძლიერი იყო მაშინ ვანო სარაჯიშვილისა და ი. გრიშაშვილის მხატვრული ზეგავლენა, რომ მათ „ორეულე-ბიცი“ აღმოუჩნდნენ: მიხეილ ქიაურელი შესანიშნავად ჰბაძავდა ვანოს სცენაზე „გენაცვალეს“ შესრულებით. პოეტი სოსო-დაროშვილი გრიშაშვილისებურად კითხულობდა ლექსებს. აფიშებშიაც ასე ცხადდებოდა, დარბაზი მუდამ სავსე იყო. ეს „ორეულეები“ დიდ სიამოვნებას ჰგვრიდნენ ვანოს, იგი ცრემლმორევამდე ხარხარებდა.

რუსულ რომანებიდან ვანო შესანიშნავად ასრულებდა კაშევაროვის „სიჩუმეს“, არიებს სხეადასხვა ოპერებიდან, ჩაიკოვსკისა და სხვა რუს კომპოზიტორთა პოპულარულ ნაწარმოებებს. ვანოს მდიდარ კამერულ რეპერტუარიდან, სამწუხაროდ ძალიან ცოტა რამ შემოგვრჩა ჩაწერილი. ვანოს დამღერებული აქვს ფირფიტებზე: „ურმული“, „ოღესაც გიკ-ქერ“, „ისევ შენ და ისევ შენ“, „მზე აღარ ბრწყინავს“, „მხოლოდ შენ ერთს“, „ჩემი ვარსკვლავი“, „დავრდომილი სნეული“, „გენაცვალე“. 1915 წელს საზ-ბა „ამურის“ წინადადებით ვანომ ბევრი ფირფიტი დაამღერა თბილისში. იმპერიალისტური ომის დროს დაიკარგა ეს ჩანაწერები. სხვათა შორის ბევრი ეძება ისინი ვანოს დიდმა პატივისმცემელმა, განთქმულმა რუსმა ტენორმა კოზლოვსკიმ, მაგრამ ვერსად იპოვა.

ხელოვანი და ალაშიანი

ვანო სარაჯიშვილის ვრცელი რეპერტუარი რამდენიმე ათეულ ოპერას შეიცავდა „რიგოლეტოდან“ და „ტრაფიატადან“ მოკიდებული „აიღამდე“ „ჰუგენოტებამდე“. სიკვდილის წინ „ოტელოსაც“ მოჰკიდა ხელი. მეგობრებსა და შინაურებს ეხუმრებოდა: აი, ერთ-ორ მურს გადავისვავ და თვალის თამაშით ისეთ ოტელოს წარმოგიდგენთ, რომ ყველა ცოლი თავისი ქმრის შიშით მოკვდესო. და მართლაც, გრიმს მაინცადამაინც არ სცემდა დიდ პატივს. ერთი სტატიის ავტორის მოხდენილი შენიშვნით „სახის მკმუნვარების ძირი გულში ჰქონდა“. მიმიკით, ხალასი განცდითა და ცოცხალი გამომეტყველებით უფრო მეტს აღწევდა.

ალფრედი და ოტელო!


განა ბევრ მომღერალს მიუღწევია მსოფლიოში ამ ორი პოლუსისათვის?

ვანო სარაჯიშვილი მუსიკალური ფრაზით მოაზროვნე მომღერალი იყო. მისთვის არ არსებობდა, ცალკე—ნაწარმოების მუსიკალური აღნაგობა და ცალკე — დრამატიული ხერხემალი. ვანოს „ვეულკანური ტემპერამენტის“ მქონე მსახიობს უწოდებდნენ. თავის ამ ტემპერამენტს, უბადლო სმენას და ვოკალურ ოსტატობას იგი იყენებდა მუსიკალური ნაწარმოების მთელი სიმძაფრით გადმოსაცემად. სცენაზე გამოსვლისთანავე მთლიანად შთაინთქებოდა განსახიერებელი გმირის სულიერ სამყაროში და ნაწარმოების მუსიკალური ქსოვილი ესმოდა როგორც ამ გმირის ყოველი ძარღვის ფეთქვა და მაჯისცემა. დირიჟორი სტოლერმანი ვანოს იუბილეზე მირთმეულ ნობათში სწერდა:

„ . . . როდესაც თქვენ სცენაზე ხართ, მღერით თუ უბრალოდ დგებხართ პარტნიორისათვის, თქვენ ცხოვრობთ, იწვით. ეს კი ყველაზე ძვირფასია მსახიობის შემოქმედებაში. . . .“

ამის შემდეგ სავსებით ნათელია, რომ ვანოს მიერ განსახიერებული გმირები წარმოგვიდგებიან როგორც სისბლქარბი ცოცხალი ადამიანები. ისინი დღესაც ბობოქრობენ ჩვენს სულსა და გულში, გვალეღვებენ თავიანთი განცდით, სიხარულითა და გულისტკივილით. ბევრი რამ შეაძინა ვანომ, როგორც არტისტმა, დიდებულ ლაღო მესხიშვილთან მეცადინეობით. კერძოდ, მასთან დაამუშავა სცენიურად დონ-ხოხესა და ალფრედის როლები და შესანიშნავ შედეგებსაც მიაღწია. ვოკალურად ხომ უბადლოდ ჰქონდა დამუშავებული ეს პარტიები.

ვანო სარაჯიშვილი თითქოს განგებ იყო შექმნილი დიდი მომღერლისა და არტისტის კარიერისათვის. უწინარეს ყოვლისა, ხაზგასმით აღსანიშნავია მისი შესანიშნავი სმენა. ვანოსთანა მუსიკალობით აღჭურვილი მომღერალი იშვიათად მოიპოვებოდა და მოიპოვება ახლაც. ამასთან, ვანო დაჯილდოებული იყო რაღაც მომაჯადოებელი ტემბრის ხმით, რომლის სილამაზის გადმოსაცემად სიტყვა ვერ უპოვია ადამიანს.



მილანის თეატრი (ლა სკალა)



ბარიტონი ვეგ. ჯირალდონი (წარწერა: „მეგობარ ვ. სარაჯიშვილს
ალფრთოვანებული პატივისცემით. ვეგ. ჯირალდონი,
პეტერბურგი 1909“)

როდესაც პირველად ხმას ამოიღებდა, ჟრუანტელი დაუვლიდა მსმენელის ძარღვებს და დიდხანს, დიდხანს სიმღერის დამთავრების შემდეგაც არ სცხრებოდა ეს ჟრუანტელი. ერთს ხანში შესულ მანდილოსანს ვესაუბრე ვანოს შესახებ. ბოდიში მოიხადა, სახელო წაიკაბიწა და მითხრა: აი, მგონი ახლაც თმა ამებურძენაო. ეს ვანოს გარდაცვალებიდან 20 წლის შემდეგ მოხდა. მკითხველი იოლად მიხვდება, მართლაც რა ძალა ჰქონია ვანოს სიმღერას. თავის არტისტული მოღვაწეობის პირველ პერიოდში ვანოს წმინდა ლირიკული ტენორი ჰქონდა, ვერცხლივით წკრიალა და ხავერდოვანი. მაგრამ მისი ტემპერამენტი უფრო მეტ გასაქანს—მძაფრ გამოვლინებას ეძებდა. სცენაზე და ვანოც დრამატიული ტენორის პარტიებისაკენ მიისწრაფოდა. ამან შესანიშნავი ნაყოფი გამოიღო. თავისი დიდი მუსიკალური კულტურის მეოხებით და საკუთარ თავზე სისტემატური მუშაობით ვანო დაეუფლა დრამატიული ტენორის რეპერტუარს, მაშინ, როდესაც ლირიკული ტენორის პარტიებსაც თავისუფლად ასრულებდა. დიდი მუსიკალური ნიჭის წყალობით ვანო სარაჯიშვილი აგრეთვე ადვილად დაეუფლა სიმღერის იტალიური სკოლის—„ბელ კანტოს“ შესანიშნავ ოსტატობას. თბილისში მყოფი იტალიელი მომღერლები (პედაგოგები) ვაგი და ბარერო ტყუილად როდი ამბობდნენ—მხოლოდ ვანო სარაჯიშვილის წყალობით განვიცდით ჩვენ აქ ჩვენს სამშობლოს იტალიასო. ვანოს შესანიშნავი ფრაზირება და მკაფიო დიქცია დრამის მოწინავე აქტიორსაც კი შეშურდებოდა. ამ მხრივ მან ქართულ ოპერაში თავის დროზე მიაღწია იმას, რაც ქართულ დრამაში თითქმის მიუღწეველი იყო (მცირე გამონაკლისის გარდა).

ქართული ხალხური სიმღერის ღრმა ცოდნა, მშობლიური კილოს შეგრძნობისა და გამომჟღავნების გენიალური უნარი საშუალებას აძლევდა ვანო სარაჯიშვილს გაემდიდრებინა ყოველი სასიმღერო ქართული ფრაზა ისეთი თავისებური ნიუანსებითა და გრძობათა ობერტონებით, რომლებიც, საზოგადოდ, ქალაქდზე არ იწერება და „რომელთა წარმოქმნის საიდუმლოება მხოლოდ მან იცოდა“.

„სარაჯიშვილისებური შესრულება“, „სარაჯიშვილისებური ტემბრი“ მუსიკალური ტერმინების სახით დამკვიდრდა. ყოველივე ამ მნიშვნელოვან გარემოებათა წყალობით შესძლო ვანო სარაჯიშვილმა ქართული ელფერის საოპერო შემსრულებლობის შექმნა, რაც ქართულ მუსიკალურ კულტურას ბრწყინვალე ტრადიციად შერჩა. ვანოს შესანიშნავ ხმას და ოსტატობას თან ახლდა მისი მოხდენილი გარეგნობაც: შნონიანი ტანადობა, მეტად მიმზიდველი გამომეტყველება, ხუჭუჭი თმა, ეშხიანი ქართული სახე, მიბრჯნით მიწყობილი კბილები, სარფიანი მიხრა-მოხრა. ძველი მეგობრები ვანო სარაჯიშვილს უწოდებდნენ „დიდი ნათელი სულის მქონე არა ამქვეყნიურ ადამიანს, რომლის პიროვნებაში თავმოყრილი იყო ქართველი ერის საუკეთესო თვისებები“. და მართლაც, ვანო ტიპიური ქართველი ვაჟკაცი იყო: ზრდილი, ალალი, თავმოყვარე, მომლხენი და მეგობრისათვის თავდადებული. ეროვნული გრძნობის შეურაცყოფისათვის თავს შეაკლავდა. ხანგრძლივად ვერსად ვერ სძლებდა — სული მეხუთებაო და სამშობლოს მოაშურებდა. არც ანტრეპრენიორს გაჰყვა ამერიკის შეერთებულ შტატებში, არც ევროპაში დარჩა. მალაღობი პატრიოტული გრძნობა და ეროვნული შეგნება მთელს მის არსებას დაჟფლებოდა.

პარიზის გრანდ ოპერის სოლისტი მიხეილ ნანობაშვილი ჩემზე ნაკლები მომღერალი როდია, მაგრამ მან არ იცის რა ესაქიროება ქართველ ერს, მე კი ვიციო — ამბობდა ხოლმე ვანო.

თავისი ხელოვნებითა და პიროვნებით ვანო სარაჯიშვილი თანაბრად ჰშიზლავდა ყველა მსმენელს.

ხელოვნების შესანიშნავი ოსტატები ათასგვარი გულთბილი წარწერებით სთავაზობდნენ თავიანთ პორტრეტებს. მას ვანოს ეძახდნენ ყველგან — მაიელს რუსეთის იმპერიაშიც და ევროპაშიც; ასე ეძახდნენ ჩვენი გლეხიცა და დიდებული შალიაპინიც, სობინოვიცა და განთქმული იტალიელი მომღერლებიც. ეს სისადავე უფრო მეტად ამშვენებდა მას და ამშვენებს დღესაც.

დიდი რუსი მომღერალი ლეონიდ სობინოვი გულგრილად ვერ უსწენდა ვანოს სიმღერას.

— საიდან ამოდის ეს ჯადო ბგერა, რას უშვრები ყელს სიმღერის დროს, რას აკეთებ სცენაზე გამოსვლის წინ? აი, ამ ბგერას მთელი სიცოცხლის მანძილზე ვებრძვი, მაგრამ ვერ დავუფუღლე, შენ კი ენის წვერზე გაქვს... ეუბნებოდა მას მსოფლიოში განთქმული მომღერალი.

ვანო სარაჯიშვილი და სობინოვი ჯერ კიდევ 1912 წელს შეადარეს ერთმანეთს. ვაზ. „ზაკავკასკაია რეჩი“ სწერდა:

„...სარაჯიშვილის ხმის ტემბრი ბუნებრივია — იგი თვით ბუნებაა. სობინოვის ხმის ტემბრი — ცივი სკოლაა, მაგრამ გონების მხატვრული შემოქმედების ცივი სკოლა. ამიტომ სარაჯიშვილი კარგია იქ, სადაც სჭარბობს გრძნობა, დიონისოს პრინციპი. სადაც საჭიროა მეტი მუშაობა, სკოლა, სტილი — იქ სობინოვი შეუდარებელია მხატვრული თვალსაზრისით.

აპოლონი-სობინოვი, დიონისო-სარაჯიშვილი. აი, ორი პოლუსი...“

როგორც მკითხველი ჰხედავს „პოლუსები“ გადანაცვლებულა: „აპოლონი“ იწამა „დიონისოს“ აპოლონიზმი სიმღერაში, მისი სკოლაცა და ოსტატობაც. ვანო სარაჯიშვილი სიმღერის შესანიშნავ ოსტატობას დაეუფლა, მაგრამ თავისი „ვეულკანური ტემპერამენტი“, თავისი დიონისობა არ დაუკარგავს. 1923 წლის სეზონში თბილისში საგასტროლოდ მყოფ სობინოვის პატივსაცემად კოტე მარჯანიშვილმა ბანკეტი გამართა. მთავრობის წარმომადგენელიც ესწრებოდა. სობინოვს თბილისში დარჩენა სთხოვეს.

— მიკვირს, რად იწვევენ აქ უცხო მომღერლებს, ან რა საჭიროა ჩემი დარჩენა, როდესაც დიდებული ვანო სარაჯიშვილი აქა გყავთ. არ ჩასთვალათ ეს პირფერობად რაც არ უნდა იყოს მე მაინც ლეონიდ სობინოვი ვარ, მსოფლიოში მიცნობენ და ვიცი რას ვამბობ — განაცხადა სობინოვმა და პირიქით. ვანო სარაჯიშვილი მიიწვია მოსკოვის დიდ თეატრში, სადაც ღირსეული გავლენა ჰქონდა. მაგრამ მოსკოვს გამგზავრება ვანოს არ დასცალდა, თუმცა აღუთქვა სობინოვს მოწვევალ სეზონში უსათუოდ გეწვევიო.

ვანო სარაჯიშვილი ალალი გულის ადანიანი იყო. ახალგაზ-

რდობის დაწინაურებას ვანო გულგაშლილი ეგებებოდა. დიდად მოსწონდა დავით ბადრიძე და ნიკო ქუმსიაშვილი, მათ პირველად თვითონ ვანო გაეცნო, გაამხნევა, მშვენიერი მომავალი უწინასწარმეტყველა. ლადო გერმესაშვილი პირდაპირ ყურით გამოათრია გუნდიდან და უსასყიდლოდ მიაღებინა კონსერვატორიაში.

ბოლო დროს ვანომ კინოსაც მიჰხედა — „მამის მკვლელში“ მიიღო მონაწილეობა. ახალისებდა ეს ამბავი. უსიტყვოდ ასრულებდა ყველაფერს, რაზედაც კი მიუთითებდნენ. „მამის მკვლელი“ ერთადერთი ფილმია, სადაც შემონახულია ვანოს სახე, სამწუხაროდ, ერთადერთი და ისიც... უხმო. ბედის დაცინვა ამაზე შორს წავა? ვანო სარაჯიშვილი და მუნჯი?

ვანო პოეტური ბუნების ადამიანი იყო. შეკვეთითა და თხოვნით არ იმღერებდა, მხოლოდ საკუთარ აღმაფრენას ემორჩილებოდა. ამ შენთხევეაში ანგარიშს არ უწევდა არც წრეს, არც არავითარ „უხერხულობას“. ბუნების წიაღში უფრო მეტად აღიგზნებოდა, ერთს თავისებურად შესძახებდა მშობლიურ მდელოს და სულს მოიღებდა. ბუნებრივია, რომ უშუალოდ სულიერი მოთხოვნების შედეგად შესრულებული ნაწარმოები და ისიც ისეთი დიდი ოსტატის მიერ, როგორც ვანო სარაჯიშვილი იყო, დიდ მხატვრულ დონეზე იდგომებოდა და დაატკბობდა ადამიანს. ერთი „სუსტი მხარე“ მაინც ახასიათებდა მის პოეტურ აღმაფრენას: საჭირო იყო გამოწვევა და მაშინ ვანო გულუბრყვილო ბავშვივით დაჰყრიდა ხოლმე ფარხმალს. მეგობრულ სუფრასთან ისხდნენ, ვანოს თან გადაჰყენენ, მაგრამ არასგზით არ იმღერა, მაშინ გიორგი ქუჩიშვილმა ლექსი უთხრა სახელდახელოდ და ვანომაც წამსვე შეაშველა თავისი ფარი — სიმღერით უპასუხა. ზოგჯერ, ასე „პროვოკაციულად“ გამოწვეული ვანო დიდხანს არ სცხრებოდა ხოლმე.

ვანოს პოეტური ბუნება და ტემპერამენტი ყოველ წვრილმანში მეტად აღიგზნებდა — შემოქმედების სარბიელზეც და ცხოვრებაშიაც. უშუალოდ ცხოვრებიდან აღებული „წვრილმანები“ კი, უფრო მეტად ახასიათებენ ადამიანს ვიდრე მთელი ტომები, რა გინდ ნიჭიერად არ იყოს ისინი დაწერილი. ვანო

სარაჯიშვილის ცხოვრების გზა აღსავესა ერთი-ერთმანეთზე უფრო მეტად წარმტაცე და მოულოდნელი შემოხვევებით. ფაქტები კი, ჩვენდა უნებურად გვიხატავენ მას, მიუდგომლად, ბუნებრივი საღებავებით.

სად იყო ხიშტი?

სამხედრო სამსახურში ვანო სარაჯიშვილს დიდი პატივსცემით ეპყრობოდნენ. შესანიშნავი ხასიათის ქაბუკი მთელი ნაწილის სული და გული იყო. სანებსავით არ ზღუდავდნენ, ხშირად აქლევდნენ თავისუფლებას და შინ ღამის გათვიანებას. მაშინდელი წესის მიხედვით ვანოს ქარქაშიან, იიშტი უნდა ეტარებინა. ერთხელ, რაღაც მოულოდნელი შემთხვევის გამო უხიშტოდ გავდა ქუჩაში. ქალაქის კომენდანტი რეიტერი შემოეყარა. ამ რეიტერს დედა ქართველი ჰკავდა, თითონაც ქარაველობდა. წესის დამოღობე ვანო საკომენდანტოში გაიყოლა. წინ მიუძლოდა. ადგილზე მისვლისას რეიტერი მობრუნდა და საბატად დარჩა: მის წინ ხიშტიანი ვანო გაყოიჭიმა.

— რა გვარი ხარ?

— სარაჯიშვილი...

— სარაჯიშვილი... თუ სარაჯევი?

— სარაჯიშვილი!

— დავით ზაზარის იცნობთ?

— დიახ, ჩემი ნათესავია.

— მითხარით, როგორ გამეცურეთ, ოღონდ, სრული სიმართლე!

— სასწრაფო საქმეზე გეახელით, ხიშტი შინ დამრჩა. უკან რომ მოგდევდით, ამანაგი შემხვდა და...

— გასაგებია. რა გვარია ის ვაჟბატონი?

— უმორჩილესად გთხოვთ... მისი ბრალი არ გახლავთ, მე თიჯონ...

— თქვენ თითონ განაიარაღებთ, არა?

— დიახ, ეს ელვის სისწრაფით მოხდა, ძალა დავატანე. მისი ბრალი არ გახლავთ.

რეიტერმა აღარ იკადრა ჩაციება. მის წინ სიმით გაწ-

კებილი ეშხიანი ქაბუკი იდგა, წაღები სარკესავით ულაპლაპებდა. შენიშენა მისცა. ვანო შველივით მოწყდა ადგილს და გარეთ გაიქრა.

— ყოჩაღ! — ღიმილით გაადევნა სიტყვა რეიტერმა. სამაგიეროდ, რეიტერის მეგობარმა, დავით სარაჯიშვილმა მთელი „სახარება“ წაუკითხა თავის გიჟმაე ნათესავს.

ნამდვილი მარგალიტი

ვანო შესანიშნავი ოსტატობით ასრულებდა ნადირის პარტიას ბიზეს ოპერა „მარგალიტის მაძიებლებში“. ერთხელ, პეტერბურგში გამართულ კონცერტზე, სხვა ნაწარმოებთა შორის ნადირის არიაც შეასრულა. დარბაზმა მქუხარე ტაშით უპასუხა. გამოწვევას ბოლო არ ჰქონდა. კულისებში ვანო ქართველ სტუდენტებს ეხუმრებოდა და სცენაზე გასასვლელად ემზადებოდა.

— რა უნდა შეასრულო სხვა ისეთი, რომ ამგვარი შთაბეჭდილება მოახდინო?

ვანო გულიანად გადაიხარხარა.

— რა უნდა შევასრულო? რაც უნდა იყოს მარგალიტი შესრულებაშია და არა „მარგალიტის მაძიებლებში“. აი, ახლავე გავალ, უბრალო ვოკალიზს — ვარჯიშს შევასრულებ და უფრო მეტ შთაბეჭდილებას მოვახდენ.

არ დაუჯერეს. ვახშამზე დანაძლევდნენ. ვანო სცენაზე გაიქრა. მკვდრული სიჩუმე ჩამოვარდა. მართლა რაღაც ვარჯიშის მსგავსი რამ შეასრულა და უფრო ცხარე ტაში ასტეხა.

„წაგებული“ მეგობრები კონცერტის შემდეგ ვანომ თან წაიყვანა.

რომეოს კრინი

1910 წლის 26 აპრილს ვანომ ჯვარი დაიწერა თბილისში ნინო პლატონის ასულ ქიქოძეზე. ამ საზეიმო საღამოს იშვიათი განწოობილებით შეხვდა ვანო. რამდენ შესანიშნავ ქალს გაეცნო და დაუმეგობრდა პეტერბურგიდან მილანამდე, მაგრამ უცხო ტომის შვილს ვერ ანდო გული. ახლა მის პოეტურ არსებას სწორუპოვრად აღაგზნებდა სიყვარულიც და

გაზაფხულიც. ვიდრე მღვდელი ალექსი თევზაძე საკურთხეველში ფუსფუსებდა, ვანომ კრინით სთქვა უმწიკლო სიყვარულის საგალობელი:

„გმუდარები ნეტარების დიადო ღამე . . .“

ეს იყო რომეოს არია ოპერა „რომეო და ჯულიეტადან“. ვანოს ხავერდოვანი ხმა ნიავეით განიერცო ტაძრის სიღრმეში; მალალ თალს მიესალბუნა, შემდეგ მიიბნინდა, ნემსის ყუნწში გაძვრა და სადღაც შთაინთქა. ეს კრინი, მგონი სამარეშიაც კი შესძრავდა რომეოსა და ჯულიეტას ძვლებს, რომ მართლაც სადმე ყოფილიყვნენ ისინი განსვენებულნი. ვინ იცის, იქნებ მამა ალექსისაც კი მოესმა საკურთხეველში ვანოს სიმღერა და „ეშმაკს“ დაუთმო—ლიმილით გატვრინა სული. სარაჯიშვილებმა წესდებული ზეიმი შეაწიეს საყვარელ ძმას და თავიანთი საოჯახო გუნდით ჯვარსაწერი გალობა სთქვეს ეკლესიაში. დედოფალს ზიარება არ ეამა. მღვდელმა ლიმილით უთხრა:

— არ მოგწონს, შვილო? ცოტა დაიცა, უკეთესი ღვინო მოგართვა. . .

ჯვრისწერის შემდეგ ალექსიმ შინ მიიწვია ნეფე-დედოფალი და მათი ამალა. რა თქმა უნდა, თავშეკავებულ კოინის ნაცვლად აქ იყრიდა ვანო თავის ჯავრს.

ასე დაირხა „ღვთის სავანეში“ ვანო სარაჯიშვილის გრძნეული ჩანკი. არ ვიცი, რამდენი მეოცნებე პოეტი, ან პოეტური ბუნებით მადლმოსილი წომღერალი დაიკვებინდა მსგავს რაიმეს.

„მეოცნებე ბაირონი“

ილიას ბრძანებისა არ იყოს, ვანო სარაჯიშვილი „ნადირობის ტრფიალი იყო“. ლალი, მზიარული, მოვარჯიშე და მოცეკვავე, ბუნების წიაღში ის ერთიანად ლალი ხდებოდა. „სპორტსმენი მსახიობი, ჯომარდი მონადირე“—ასე უწოდებდა ვანოს მონადირეთა კავშირი, რომელსაც ის თავის საპატიო წევრად ჰყავდა აღიარებული.

ნადირობას ვანო განიცდიდა, როგორც ბავშვი ახალ ტან-

საცმელს. წინა ღამეს უძილოდ ატარებდა, ოცნებობდა ბუნების სიმშვენიერებზე, ნერვიულობდა. ძლიერ უყვარდა ძალი. თავის საამაყო პარტიის სახელი — „ნადირ“ — დაარქვა ერთ ძალს. „ნადირ“ ავად გაუხდა. ვანო ღაჩეებს უთევდა, თავზე ხელს არ ამორებდა. გაეცლებოდა თუ არა და... პიოტუცივი ადაიანით აკენესდებოდა.

ვანოს „ფულკანური ტემპერამენტი“ აშკარა გამოვლინებას ჰპოულობდა ნადირობაშიც. თოფშემართული დადიოდა, დაუმიზნებლად ესროდა. მაინც რიგიანად ახვიდრებდა. და ასეთი ფიცხი მონაჯირე — გრემაცი ვანო, უცებ გააგდებდა ხოლმე თოფს, საღმე ხის ძირას მიჯდებოდა და ხელდაჭდობილი გასცქეროდა უსაზღვრო სივრცეს.

— რა მოუვიდა ამ კაცს ასე უცებ? — უკვირდით მონადირეებს.

— მეოცნებე ბაირონი, ცოცხალი ბაირონი! ეხუმრებოდა ვანოს მისი მეგობარი ლეონ ისეცკი.

— რა სიწყნარეა, რა მშვენიერი სურათია. აი, ეს დიადი წაში არასოდეს არ დაბრუნდება. თქვენ კი... არათფი არა ჰკრძნობთ. ნუ გეშინიათ, სისხლის ღვრას მერეც ბოესწრებით — უპასუხებდა მათ ვანო და კვლავ ოცნებას მიეცემოდა. ისეცკიც თოფს დასდებდა ხოლმე და მეგობართან ჩამოჯდებოდა. მის გულშიაც იღვრებოდა სიმშვიდე და იღუმალება.

„შაშხტი“ შარაიას ტყეში

ერთხელ ვანოსა და ლეონ ისეცკის ტყეში საეჭვო ცხენოსნები წებუნდნენ. მოს. ლოდნელი იყო გაძარცვა და მკვლელობაც კი. მაშინ იმ მიდამოებში თოფებზეც „ნადირობდნენ“.

— მე ვანო სარაჯიწვილი ვარ, ეს კი ჩემი მეგობარია. — უთხრა მათ ვანომ და უფრო ზაგრად ჩასქიდა თოფს ხელი, საბედ-სწერო წებმისათვის მოეზადა. ისეცკიმ გავლენიანი ადამიანი — სამელ შიხლინსკი აღსენა — მისი სტუნრები ვართო. სამედი მეტყვევ იყო, რამდენიმე კილომეტრის დაშორებით ცხოვრობდა. ზოგ მარჯანს გაგონილი ჰქონიყო — ვინ იყო ვანო, სწრაფად ცენები მიაგებეს. ისეცკი და ვანო უნებურად გაგზავრებენ სამელისას. ესენიც გაჰყვნენ. სამედის სიხარულს



მომღერალი ლეონიდ სობინოვი



ნინო პლატონის-ასული ქიქოძე
(გ. სარაჯიშვილის მეუღლე)

საზღვარი არ ჰქონდა. ცხვარი დაჰკლა, ფლავი მოხარშა, შესაფერი სუჟრა გაუშალა.

— გვიმლეროს ჩენმა აშუღმა, — მორიდებით შესთხოვეს სამედს. ვანომ ისეცკის გადაჰიფა. ისეცკი შეიშმუშნა, მაგრამ ვანო ნაბადს სწვდა და მეგობარს ესროლა.

— ჰა, მოსასიამი! მე ფაუსტი ვარ, შენ — მეფისტოფელი. აბა, შენებურად წამოისსი და გამომეცხადე.

ისეცკიმ სიტყვის შებრუნებაც კი ვერ მოასწრო, ვანომ ხელი ჰკრა და მიწურიდან გააგლო:

— მალე, მალე!

ტყის მყუღროება ფაუსტის არიამ დაარღვია. გაათავა ვანომ სიმღერა და აგრიალდა ისეცკის ბანიც:

— მეც აქ ვარ მუდამ თქვენს სამსახურად...

გუნოს ოპერა „ფაუსტის“ პირველი სურათი ჩინებულად ჩატარდა. შემდეგ ვანომ აზერბაიჯანულადაც შემოსძახა და მთლად მოაჯადოვა თავისი აუდიტორია. ვანო და ლეონ ისეცკი ზეით გააცილეს სადგურამდე. მაგრამ სადგურის მოსაცდელ დარბაზშიაც ძალად ამღერებდა ვანო ისეცკის. რა თქმა უნდა არც თითონ რჩებოდა ვალში. მ. ტარებლის მომლოდინე აზერბაიჯანელი გლეხები ცრემლმორეულნი უსმენდნენ ვანოს. ჩენი ჰანგების ასეთი შესრულება, მხოლოდ ალაჰის კაცს შეუძლიაო. ერთხელ მეკობრეებმა განგებ აძაგეს ვანოს სიძღერა. კინალამ ჩხუბი გაიმართა.

ჭრილობა

ხოხბებზე ნადირობდნენ. მალალ ჩალაკალამში მოუთმენლად მიიკვლევდა გზას სულგატრუნული ვანო. ვერც კი მოასწრო ფრინველმა რიგიანად ფრთის გაშლა, რომ ზედიზედ გავარდა ვანოს თოფი.

— თავს დაგვესხნენ, დამჭრეს! — გაისმა შორიახლო, ვანოს მეგობრის, ბელიკოვის ხმა.

ვანოს მიერ გასროლილი თოფი ბელიკოვს სახეში მოხვედროდა. ერთი კბილი სისხლიანად გამოაფურთხა; რამდენიმე

საფანტი იქვე ამოულეს. ერთი ცალი წარბს ზემოდ ჩარჩა. ვანომ თოფი გაავდო.

— არ შინდა ნადირობა, წამიყვანეთ შინ, თავს მოვიკლავ ძლივს დააწყნარეს.

* * *

ლენონ ისეცკიმ კარგად ვერ ამიხსნა სად ცხოვრობდა ვიქტორ ბელიკოვი. ბევრი ხეტიალის შემდეგ მაინც მივაგენი. მოხუცი ღიმილით შემეგება. ვანო ვახსენე. მოიღუშა. თვალი აუწყლიანდა.

— არ მახსოვს... ვანოს ვამშვიდებდი, მეცოდებოდა. დიახ, კრილობა ვიგრძენი მაშინ, როდესაც უკანასკნელად მივართვი თაიგული და მისი კუბო აეწიე. თურმე მართლაც ღრმად დავეუქრივარ ჩემს ძვირფას ვანოს. დავეუქრივარ სამუდამოდ, უკუბრუნებულად...

ვიქტორ ბელიკოვს წარბს ზემოთ პაწია ბურთულა აზის.

— ეს ვანოს საფანტი გახლავთ.

— და მერე, რა უნდა ამის ამოღებას?—უთხარი მე.

— ვერა... თან მიმაქვს.

ფრთხილად მოვეუსვი წარბზე თითი. ტყვიის მარცვალი ასრიალდა. ეკალი ამესხა ტანზე. თითქოს გაძნელდა სუნთქვა, ველარ გაეძელი. მასპინძელს დავემშვიდობებ და ქუჩაში გავჩნდი. მივიჩქაროდი. „თან მიმაქვს“ ძიწიოდა ისევ ყურებში.

აღმოდგებული განთიადი

ერთი ამერიკული ფირმის წარმომადგენელმა ვანოს ვახშამი გაუშართა. რიჟრაჟზე ეტლით ბრუნდებოდნენ. ელბაქიდის დაღმართზე მტრედისფერ აღმოსავლეთს შეავლო თვალი.

ზეცა ყოველ წამს იცვლიდა ფერს. ლურჯად მოშვილდულ მტკვარს მეწამული შემოჰპარვოდა, იისფერ ღრუბელს ოქროდ ნაფერი ჰქონდა გვერდი. მზეს ამოეწვერა.

ვანო ღიმილით გასცქეროდა მშვენიერ აისს. მომღერალ — პოეტის სულსაც ალი მოედო. უცებ თვალი მილულა, ყელი მოიღერა და წინ წასწია მკერდი:

მთაო გადმიშვი, გადმიშვი.

რა ნისლი მოვიხვევია...

მთელი ძალღონით გადასძახა მშობლიურ თბილისს. ხალხი გარედ გამოეფინა, თვალებს იფშენეტდნენ, აივნებზე ტაში გაისმა.

— ზიანს ზოგაყენებს, ვანო.

მორიდებულად ჰკადრეს მეგობრებმა:

— რომ მომკლას, სხვა გზა არა მაქვს! შემდეგ ღიმილით დასძინა:—ნუ გეჭინიათ, მე ბუნებრივი ხმა მაქვს!

მამლერეთ ჩემთვის

ვანო ხშირად ეწვევოდა ხოლმე აგარაკზე თავის ძმისწულს, პროფესორ პეტრე სარაჯიშვილს. ეს მაღალნიჭიერი ნათესავი ძლიერ უყვარდა. მშვენიერი სალამო იყო. ბორჯომის ხეობა გაზაფხულის სურნელით სთვლემდა. ჩქამი არ ისმოდა, ოღონდ იქვე პაწია ნაკადული მოელურტულებდა. ვანომ ფი ხი დაუწყო; ახლა უფრო სასიამოვნოდ ღღერდა აცელქებული წყალვარდნილი. ოთახის ფანჯრები გააღო და კაშვევარო ის „სიჩუმე“ დააკვრევინა. ეზოში გავიდა, საქანელაში მოიკალათა და კრინით შეასრულა ეს განთქმული რომანსი. (თხოვეს, ოთახში იმღერეო. უარი სთქვა:

— ნიადაგ სხვებისთვის ვმღერი, ზოგჯერ მეც მინდა ხოლმე ვუსმინო ჩემს თავს. მამლერეთ ჩემთვის!

ურმული და ნოტები...

„ურმულის“ შესრულებას ვანოს ყოველ კონცერტში სთხოვდნენ. ხშირად უაკომპანემენტოდ ასრულებდა, ისე როგორც თვით ხალხი მღერის ხოლმე. ერთხელ, შემუშავებული „ურმულის“ შესრულება მოუხდა. საზოგადოება მქუ არე ტაშით შეივდა, მაგრამ თითონ უკმაყოფილო დარჩა თავისი ნამღერით.

— ბის, ბის!—ისმოდა დარბაზიდან.

კულისებში ნაკუწ-ნაკუწად აქცია ნოტები და კუთხეში მიჰქარა.

— აქლემი და გალია? — ურმული და ნოტები?

სცენაზე გაიჭრა და ხალხური „ურმული“ შემოსდა. უფრო მეტი ტაში ასტეხა.

ვანო სტუმრად იყო კახეთში ნათესავთან. აივანზე სუფრას უსხდნენ. შორს ალაზნის მშვენიერი ველი მოსჩანდა. „მეოცნეტე ბაირონი“ მოჯადოებულებით ადგა და არემარე მოათვალიერა. ცოტა ხნის შემდეგ შორიდან მისი „ურმული“ მოისმა. დამატკბობელი ჰანგი მშობლიურ მიდამოს მოეფინა.

დამსწრემ მიაშობო:

— როდესაც ვანოს სიმღერა შემომესმა მიწის სუნი ვიგრძენი, მომეჩვენა, რომ ვანო თვით ბუნების ნაწილი იყო — ხის, ბალახისა, წინ გაშლილი მინდორ — ველისა და ვანო კი არა, არამედ მთელი მთა-ბარი მღეროდაო.

რაოდენ გრძნობას აღძრავს ჩვენში ეს შეუთითხნავი და-ხასიათება?

ჯადოსანი მკურნალი

...და ეს „მიწის სუნი“ — მშობლიური ჰანგის მომაჯადოებელი ლალადისი, მკურნავ მალამოდ იღვრებოდა ქართველი ადამიანის სულსა და გულში.

დრამატურგ აქვსენტი ცაგარლის ძმას, ივანეს (გარდ. 1927 წ.) თავდავიწყებით უყვარდა ვანოს „ურმული“. ერთხელ უქეიფოდ გახდა, დიდხანს ვერ აართვა ლოგინს თავი. სწუხდა და შფოთაედა.

— ალბათ არ იცის ჩემმა ვანომ, რომ ავად ვარ. თორემ მნახავდ. აკი მისი „ურმული“ მე ყოველ ექიმზე უკეთ მკურნავს!

ამ ფიქრში იყო, ნაღვლიანი. ამ დროს, შორიდან ვანოს ხმა შემოესმა. ზეზე წამოხტა, მაგრამ მოკვითილებით დაეშვა ისევ. ვანო მეზობლად ეგონა. მაგრამ ხმა თანდათან ახლოვდებოდა. მალე კარები გაიღო და ხელგაშლილი ვანო „ურმულით“ შევიდა მეგობართან.

— მაპატიე, ჩემო ძვირფასო, არ ვიცოდი თუ ავად მყავდი. დღეს გ ვიგე და მოუთმენლად მოგაშურე.

სუფრა გაშალეს. ვანომ იუარა და აქვე ლოგინთან მოატანინა პურ-მარლი.

სულიერად განკურნებულ მეგობრის სასთჳმალთან დიდ-
ხანს იყო მზიარულება.

ამ აზგავს მთელს ევროპას მოვსდებ

იტალიელი ტენორი ემილიო ვაგი თბალისს ეწვია საგას-
ტროლოდ (მემდეგ ის აქვე დარჩა და პედაგოგიურ მოღვა-
წეობას ეწეოდა). ოპერა „ტოსკაში“ გადასწყვიტა პირველი
გამოსკლა. აქაური მომღერლები იკითხა. ვანოს ამბავი უთხრეს.
შეკრთა. სპექტაკლის დღეს ვანო ადრევე წავიდა თეატრში.
სტუმარს გაეცნო და მკაცრი ხელოვანის თვალით შეაზოწმა.

— ბატონო ვაგი, მე არ გაგიშვებთ თქვენ ამ სახით სცე-
ნაზე. ტანისამოსი არ გადგიათ. მბატვარი კავარადოსი და
ასეთი?

— მართალსა ბრძანებთ. ვერ მოვასწარ რკინიგზიდან ბარ-
გის მიღება, სადაც საკუთარი კოსტიუმი მაქვს. ეს თეატრი-
სა გახლავთ, არ გამომადგა...

— არა უშავს რა, ჩეასას მოგართმევთ. თქვენ მშვიდათ
უნდა ბრძანდებოდეთ. მეც გამომიცილია უცხო სცენა თქვენს
სამშობლოში.

ვანომ საკუთარი კოსტიუმით მორთო ვაგი, ახედ დაჰხედა
და უთხრა:

— ახლა კი პარტერში გეახლებით და ყურს დაგიგდებთ.

იტალიელი მომღერალი განაცვიფრა კონკურენტის ასეთმა
საქციელმა. თითქოს უნდა გაჰბარებოდა ჩემი მარცხი. პარი-
ქით ხელი შემეწყუო, გამამხნევა. ჩვენში მომღერლები ერთმა-
ნეთს სკამენ. ამ აზბავს მთელს ევროპას მოვსდებო—ამბობდა
ვანოს კეთილშობილებით მოხიბლული სტუმარი.

ეპილიო ვაგი ვანოს განუყრელი მეგობარი გახდა, ვერ
სცილდებოდა. ვანოს მობაძვით მანაც ქლალი ქულის ტარება
დაიწყო. მაშინ ოსტატებს უბრალოდ ეუბნებოდნენ—სარაჯი-
შვილის ქული შემეკერეო.

უბადრუკი გლიჰჰენილი

ვანომ არ იცოდა შური და მტრობა, არც სცენაზე, არც
ცხოვეებაში. პირიქით, საკუთარ თავს მუდამ ექვის თვალით

უყურებდა, რიგიანად არც უფრთხილდებოდა. შინაურები ეუბნებოდნენ: შენ ისე იქცევი, თითქოს ბუნებას ეუბნები — ჰა, წაილე უკან რაც მოგიცია, არ მკვირდებარ.

ვანო რაინდული სულისკვეთების ადამიანი იყო, სამართლიანი, პირდაპირი. ღირსეულს მუდამ თავისას მიუზღავდა პირშიაც და ზურგს უკანაც. თბილისის ოპერის დასში ვანოსთან ერთად მღეროდა ერთი მდარე ტენორი კ—ი. ის ლეკვივით აეკვიტებოდა ხოლმე ვანოს და გულს უწვრილებდა ქება-დიდებათ. იმ ხანად თბილისს ეწვია განთქმული დრამატული ტენორი ი. ს. კიპორენკო-დომანსკი.

— რა საჭირო იყო მისი ჩამოსვლა, როდესაც ჩვენ აქა ვართ! მედიდურად უთხრა კ—მა ვანოს. ეს „ჩვენ“ ეკალივით დაესო ვანოს გულზე. მის თვალებში ალი ავარდა. ზიზღით გადაჰბედა მლიქვნელს და უხმოდ გაშორდა.

— სად კიპორენკო-დომანსკი, სად ეგ! ძლივს შევიკავეთ თავი. რომ სილა არ ესტკიცე ამ უბადრუკ წრიპინასაო! — ხშირად იგონებდა ვანო ამ ამბავს.

ბოლმა დამახჩობს

იტალიიდან დაბრუნების შემდეგ ვანოს ერთმა მდიდარმა ანტრეპრენიორმა მოუსმინა. მან წინადადება მისცა მას გაჰყოლოდა ამერიკის შეერთებულ შტატებში საგასტროლოდ. ყოველგვარ ხარჯებს კისრულობდა, დიდი სიმდიდრეც აღუთქვა. ვანომ გადაჰკრით უარი უთხრა. მაშინ ანტრეპრენიორმა ვანოს უკუროს ძმას — ანდროს მიმართა: — 50 ათას მანეთს შევიტანე წინდაწინ ვის სახელზედაც გნებავთ, ოღონდ განომყვეს საგასტროლოდო. ვერავითარი გავლენა ვერ მოახდინეს.

— ბოლმა დამახჩობს, სად უნდა ვიხეტიალო? ხომ იცით, რომ დიდ ხანს ვერ ვძლებ სამშობლოს გარედ. არაფერი არ მინდა მისი. ჩამომეხსენით, ვიდრე გარედ არ გავისტუმრებ...

თუ ცოცხალია, იქნებ ახლაც უკვირს ეს ანბავი პატიეცემულ ანტრეპრენიორს.

მაგრამ მსგავსი რამ ბევრ სხვასაც უკვირდა. თავის „მემუარებში“ იაკობ მანსვეტაშვილი იგონებს ერთ ევროპელ

ინტელიგენტთან საუბარს ბაქოში, ვანოს კონცერტის დროს:
— მართლა ქართველია ეს მომღერალი?, — უკითხავს უცხოელს ი. მანსვეტაშვალისათვის, — მთელი ქვეყანა მომივლია და უნდა გამოვტყდე, ასეთი მომაიბელელი ტემბრის ხმა არსად მსმენია. გასაოცარ ხმასთან ერთად სიმღერის ტექნიკაც დიდი აქვს. მიკვირს, რად დამჯდარა შინ და საზღვაოგარედ არ მოგზაურობსო. შემდეგ თურმე ეს უცხო ადამიანი თავის მეგობარს მიუბრუნდა და უთხრა:

— კოლოაალ!

მაგრამ რაღა ეს? აკი დიდი რუსი მომღერალი შალიაპინი პირდაპირ მთელს სცენებს უმართავდა ხოლმე ვანოს იტალიაში — რას ჩასციებინხარ ამ თბილისს ასეთი შესანიშნავი ხმისა და ნიჭის პატრონო.

კოლოსალ მომღერალს — ვანო სარაჯიშვილს სამშობლოსთვის უძგერდა გული. იმათ კი ეს არ ესმოდათ, რადგან... სადაც ოქრო იყო, სამშობლოსაც იქ პოულობდნენ.

კაკლის კანფეროჟი

ვანო სარაჯიშვილს არ უყვარდა უშნოდ მოწყობილი ღრეობა და უსასრულო ღვინის სმა, მაგრამ წესიერ ქართულ სუფრას არ გაეჭეოდა. სიცოცხლეს, ხალისს, პოეზიას შეიტანდა შიგ. საღვთვარძელოსაც კარგს იტყოდა და ღვინოსაც რიგზე მოუღებდა.

ერთხელ თბილისის „ქართულ კლუბში“ დიდი საქველმოქმედო კონცერტი გაიმართა. ბევრი ამღერეს ვანო. კონცერტის შემდეგ სუფრასთან მიიწვია მისმა ყოფილმა მასწავლებელმა პეტრე მირიანაშვილმა. განთიადი ახლოვდებოდა. პეტრე შინ გაემგზავრა, ახალგაზრდები ბაღში დარჩნენ. ვანომ სურვილი გამოსთქვა ლხინი ვერის ბაღებში გაგრძელებულიყო. ცოტა ხნის შემდეგ რესტორან „ფანტაზიას“ ეწვივნენ.

საამო და წარმტაცი იყო ეს ბაღები, მეტადრე გათენების ეამს. ვანოს პოეტური ბუნება აქ ერთიანად მოიხიბლა. სახელდახელოდ გაშალეს სუფრა კაკლის ხის ქვეშ. იქვე გაჩნდა მეზურნე ზუბიაშვალის თავისი დასტით. ლხინი გაჩაღდა. ირიტრაჟა. პეშვით მიმოზნეულ ბრილიანტივით აბჰყვრიალდა

ბალახში ცვარი. ვანომ მომცრო ტანის ზუბიაშვილს ხელი დასტაცა.

— აბა, ბიჭებო. მეზურნეები ხეზე შეესვათ!

ყიჟინით მიესივნენ და ერთი წუთის შემდეგ დაბურვილ კაკლის ტოტებში საარი აეღერდა. ვანო სადღაც წავიდა, ყურადღება არ მიაქციეს...

— არალო, არიალალოო...

შემოესმათ მისი სიმღერა. თითქოს ზეცის ტატნობიდან მოფრინავდნენ ჯადო ბგერები. ერუანტელის მომგვრელი ხმა „ოქროს სოლივით“ მოაპობდა ზეცის კაბადონს.

— ჯერ დედას გადავხვევი,
მერე შეილსა და ცოლსაო...

მზის სხივებში გახვეული ვანო კაკლის კენწეროს მოვლებოდა. ცალი ხელი ტოტისათვის ჩაეელო, მეორე წინ გაეწვდინა და გულმკერდიც გადაეზიდინა — სამშობლოს „ურმულს“ უგალობდა. თავბრუ დაესხათ. სიმღერის დამთავრების შემდეგ ნერწყვი მოიპრუნეს და ვანოს რევოლვერების ზალპით უპასუხეს. მახლობელ გზაზე გლეხებმა ჩამოიარეს. სუფრას ეწვივნენ და თავიანთი პურმარილი შესთავაზეს. ისინი გაცებულნი შესცქეროდნენ კაკლის კენწეროზე „ურმულის“ მთქმელს.

რად მიღუპავ სამშობლოს?

ზამთარი იყო. თოვდა. შუალამე გადასულიყო. მსახიობი ვალერიან გუნია შინ ბრუნდებოდა. მეგობრები მოაცილებდნენ. ელბაქიძის დაღმართთან რესტორან „გემოდან“ ვანო სარაჯიშვილი ამოვიდა. ევახშმა, შეგვიანებიყო. ვალ. გუნია მგზა გადაუღობა, მკეოდში ჩაიკრა და ჩაკოცნა.

— ვანო, სამშობლოს რად მიღუპავ... რა გინდა აქამდე აქ?!

— თავს შემოგველე ჩემს სამშობლოს, განა რას წარმოვადგენ, რომ...

აი, ესოდენ დიდი ეროვნული შეგნება ჰქონდა ვალ. გუნიას და ასე მოკრძალებული იყო ვანო სარაჯიშვილი, რომლის ჯანმრთელობას სამშობლოს ბედნიერებად სთვლიდა ქართველი ერო.



ვანო სარაჯიშვილი — აბესალომი
(ობ. „აბესალომ და ეთერი“)



მომღერალი მიხ. ნანობაშვილი (მიშელ დარიალი)

ჩენი ახალგაზრდობა თვალის ჩინებით უნდა გაუფრთხილდეს სახელოვან ადამიანებს. მათი სიცოცხლე — ეროვნული საგანძურია. ზოგჯერ... ახ სახელოვანთაც კმარაებთ ხოლმე მოკრძალებაც და თავშეკავებაც სამშობლოს პატივისცემისათვის.

განრიღებული მომღერალი

მწერალ ნინო ნაკაშიძის და, 1900-იან წლებში თბილისის ქალთა ინსტიტუტში სწავლობდა. ნინო ხშირად დადიოდა მის სანახავად. სასწავლებელი მამადავითის მთის კალთებთან მდებარეობდა. ბავშვები უამბობდნენ ნინოს—ჩენს წინ, კორდზე, ხშირად გადმოვდება ხოლმე ვილაც კაბუკი და შესანიშნავად მღერისო. და ერთხელ, როცა ნინო თავის დასთან მივიდა, გასაოცარი სიმღერა შეწოესმა. უკანასკნელ ბგერასთან ერთად მომღერალიც ბუღბუღივით გაუჩიხარდა. მაინც შეიტყეს ვინაობა.

ვანო სარაჯიშვილს რალაც წარმტაცი, მართლაც მომავადობელი ხმა ჰქონდა. თითქმის ნახევარი საუკუნე გავიდა მას შემდეგ, მაკრამ ასლაც ნამდვილ ერუანტელს მგერის ეს ღვთაებრივი სიმღერაო—გვიამბო მსოფიანმა მწერალმა.

სალამური

ვანო სარაჯიშვილმა მშვენიერი ცეკვა იცოდა. ბავშვობაშივე ასწავლა მას მამამ სალამურის ჰაავზე ლეკური. ეს საკრავი გაუცებით უყვარდა ვანოს. სადაც უნდა ყოფილიყო ლერწამს გააჩენდა და შესანიშნავ სალამურს გაიკეთებდა. მოწაფეობისას ნიადავ უბით ატარებდა, საკუთარი ფანტაზიით ათასგვარ ჰანგებს სთხავდა და უკრავდა.

თბილისის სათავადაზნაურო გიმნაზიის ამბულატორიაში ერთი ხანგადასული გაუთხოვარი ქალი მუშაობდა. იგი მოსწავლე ახალგაზრდობის სასტიკი დაცივნის საგანი ვახდა. სკოლის ამხანაგები: ვანო სარაჯიშვილი, ვ. ვაჩნაძე და ნ. ელიოზიშვილი ათასგვარ ლექსებს სთხავდნენ მის შესახებ და ავრცელებდნენ. ამხანაგების თხოვნით ვანომ აქ თავისი სალამური გამოიყენა. იგი მივიდოდა ამბულატორიის ფანჯარას.

თან და სალამურს მოიმარჯვებდა. ჯერ დაუკრავდა საკუთარი ფანტაზიით შეთხზულ რალაც უვერტიურის მსგავს შესავალს, ხოლო შემდეგ ლექსს მიაყოლებდა:

გასასყიდად მოიტანეს ხავერდი და ფარჩა,
ყველა ქალი გაგვითხოვდა, მარიამი დარჩა...

ნიკ. ელიოზიშვილმა გვიამბო: ამის შემდეგ გაათრებული მარიამი გარედ გამოიქრებოდა და დაგვიდევნებოდა. ჩენი სოლისტი — ვანო მუდამ ახერხებდა თავის დაღწევას, მე კი, რატომღაც მუდამ ხელში უვარდებოდიო¹⁾).

სალამური ქართველი ერის მრავალსაუკუნოვანი თანამგზავრია. მცხეთაში არქეოლოგიური გათხრების დროს უძველეს სამარხში ძელის სალამური იპოვეს. განსვენებული აკადემიკოსი ივანე ჯავახიშვილი დაასკვნა — მწყემსის საფლავი იქნებაო. ძველად, გურია — სამეგრელოში დიდად გავრცელებული იყო 5 — ნ ლულიანი სალამურის საკრავი-ლარქემი. ისეთი გასაოცარი დაკვრა სცოდნიათ ლარქემისა, ბულბულე ბიცი კი შეპყავდათ თურმე შეცდომაში: თუ სადმე იმ არემარეზე ბულბული იყო ლარქემის ჰანგს უსათუოდ გამოეხმაურებოდაო.²⁾ ქართველმა პოეტებმა სალამურს შესანიშნავი ლექსები უძღვნეს. ჩვენს ეპოქაში სალამური უკან ჩამოდგა, იქნებ იგი სავსებით გაჰქრეს. მუსიკის სიყვარული კი გაათქეცდა, იგი უკვდავია.

მოწათფე ვანოს ეს ოინი, რა თქმა უნდა დასაგმობია, სალამურის ტრფიალი კი — მოსაწონი. სალამურმა გაულღივა მას ბავშვობაში ჩენი ხალხური მუსიკის სიყვარული. ეს სიყვარული ისე სპეტაკად ჩაიტანა მან სამარეწი, როგორც ოდესღაც ქართველი მწყემსისათვის ძელის სალამური ჩაუტანებიათ.

პომეჯიის თაიგული

ვანოს ბორჯომში დასვენება უყვარდა. ერთხელ შინ მართო დარჩა. მწვენიერი სალამო იყო. ნაძვის დაბურულ ტო-

¹⁾ ნიკ. ელიოზიშვილი — მომღერალი, საქ. სსრ დამსახ. არტისტი.

²⁾ ქართულ მრავალლულიან სალამურს საფუძელიანი ნაშრომი მიუძღვნა პატივც. ვ. კ. სტეჟენკო - კუფტინამ. იხ. მისი „პანის სალამური“. საქ. სახელმწ. მუზეუმის გამოცემა. 1936 წ. შ. კ.

ტებიდან მთვარის სხივები ციაგობდნენ მის აივანზე. ნელი ღი-
ლნით შეესიტყვა მშვენიერ სურათს. ფიქრმა გაიტაცა. თითო-
ნაც ვერ შეამჩნია, როგორ გაძლიერდა ეს ღიღინი და მიდამოს
მისი წარმტაცი სიმღერა მოეფინა. გამოერკვა მხოლოდ მაშინ,
სახლის წინ ტაში რომ გაისმა და აივანზე ყვავილები გად-
მოცვივდა.

ი ა ვ ნ ა ნ ა

ერთი კარგი მეგობარი ჰყავდა ვანოს, ივანე თურქია, ხში-
რად ეწვეოდა ხოლმე მას სტუმრად. იმ დღესაც ჩვეულებრივ
მასლაათობდნენ, მაგრამ მასპინძლის პაწია ასული ზომაზე
მეტად გაჭირვებულდა. აკვანიც ბევრი ურწია დედამ, ბევრი
ეაღერსა კიდევაც. მაგრამ, ამოდ—ბავშვი სულმოუთქმელად
ტიროდა.

ვანო აკვანს მიუჯდა, ბავშვს გაეთამაშა და ნანა დაუწყო.
ტირილი თანდათან დაცხრა. ყმაწვილმა თვალი შეაშტერა
მოლულუნე ძიას, გაულიმა და მალე ხმა გაკმინდა. ღვთაებრივ
ჭანგში ჩაიფერფლა მისი ღიმილი, წამწამი ნეტარებით დაე-
ფარა მილულულ თვალს და ჩაეძინა.

— იცოდეს მაინც ამ კუდრაქამ ვინ უგალობა. ეჰ, ჩვენ
მივდივართ, ეს კი მოდის. ვინ მოაგონებს?—გულდაწყვეტით
წარმოსთქვა ვანომ და აკვანს მოშორდა.

ფატმან თურქია ახლა ექიძია. ის სიამაყით იგონებს
მშობლების ნაამბობს, მაგრამ... გული ეთუთქება, რომ თავისი
ბულბული არ ახსოვს.

ვილლი ჩეზი

დიდი პატრიოტი ვანო სარაჯიშვილი, ამავე დროს დიდი
ჰუმანური სულისკვეთების ადამიანი იყო. სამართლიანობისა
და ადამიანური ღირსების დასაცავად მისთვის არ არსებობდა
უცხო ტომობა. აი, თუნდაც ერთი ფაქტი ამის ნათელსაყო-
ფად:

ეს ამჟამად მოხდა 1909 წლის სეზონში, ვანოს პეტერ-
ბურგში ყოფნის დროს. სპორტის მოყვარული ვანო, ვ. ი. უან-
ჩელთან და სხვა ქართველ მეგობრებთან ერთად, თავისუფალ

დროს ესწრებოდა ფრანგულ ჰიდრობას „მანეჟში“, სადაც განთქმული ფალავენები გამოდიოდნენ. მათ შორის იყო შესანიშნავი ადამიანი, ზანგი ვილი ჩეზე. ის ძლიერ უყვარდა ვანოს. ჰიდრობის გარდა ხშირად იმართებოდა სხვადასხვა სპორტული გართობანი, მათ შორის „სკეტინგ რინგიც“. იმ დღეს მკურებელთა შორის ვილი ჩეზეც იყო. ის ვანოსთან იდგა. გულუბრყვლო ზანგი ღიმილით ადევნებდა თვალს ვირტუოზ ოსტატთა ფიგურულ სრიალს გორგოლაქებით. ვილი ჩეზეს ახალგაზრდათა ერთი ჯგუფი მიუახლოვდა. მათში ერთი ზოობა ტანისა ერია. მან აბუჩად აიგდო ზანგი: საჯაროდ დასცნოდა, „წავ მიამუნს“ ეძახდა და უროსავით შეკრული მეშტი მის სახესთან მიჰქონდა.

ვანო სარაჯი შვილს ცეცხლი შემოენთო. ის მიიწვედა ვილი ჩეზეს დასახმარებლად და მზად იყო შეზმოდა მოწინააღმდეგეს, მიუხედავად იმისა, რომ ის გოლიათსა ჰგავდა. მკობრები აპწვიდებდნენ და აკაგებდნენ ვანოს. უცაობმა ზანგს შემოჰკრა. ვილი ჩეზემ არ უბასუაა, მაგრამ როდესაც მგორედ მოუნდომეს ხელის შებრუნება, ისე მოხდენილად შემოჰკრა, რომ გოლიათმა ზღარძანი მოილო მიწაზე.

ალიაქოთი ატყდა. პოლიციამ საქმის გამოუძიებლად მოისურვა ზანგის დაპატიმრება. საქმეში ვანო ჩაერია. მისი გულმოდგინე გამოსარჩლებით საპოლიციო უბანში ნამდვილი დამნაშავენიც წაიყვანეს. იქ ვანომ თავგამოდებით დაიცვა ზანგი. ვილი ჩეზე გაათავისუფლეს. ის „გოლიათი“ და ჰისი ამაღა კი დააპატიმრეს. გამოიკვეა, რომ ისინი გერმანელები იყვნენ და „იუნკერსი და კომპ.“ ბანკში მსახურობდნენ.

„არიული რასის“ წარმომადგენელნი ვერ ითმენდნენ ზანგს თავიანთ გვერდით. ამჯერად არ გაუვიდათ. ამაში, უწინარეს ყოვლისა, ვანო სარაჯი შვილს ედო წილი.

რამ გაწუწა ხალხი?

თბილისის ერთ ბაღში ვანო ჩეგობრულ სუფრასთან იჯდა. სწრაფად დაიკავეს მის ირგვლივ თავისუფალი ადგილები. თითქო მშვენიერი ამინდი იყო. ცოტა ხნის შემდეგ კი, ფოთლებზე ზაფხულის წვიმის წვეთები ახმაურდა. ხალხი შეიშმუ-

შნა; ბევრმა ხის ძირისაკენ მისწია თავისი მაგიდა. მაგრამ ტოტებმა ყველა ვერ შეითარა, წვიმა წამოვიდა. აფორიაქდნენ. ამ დროს ვანოს კრინი გაისმა. გაქვავდნენ. ხალხი გაიწუწა.

ძუჩის მომღვალი

იტალიაში ყოფნის დროს ვანო ვენეციას ეწვია. ჩიკო ყანჩელთან ერთად ამ წარმტაც ქალაქს ათვალეირებდა. უცებ ქუჩაში მშვენიერი სიმღერა გაისმა, ვანომ ყურები სცქვიტა, მომღერალს ძებნა დაუწყო. მოსახვევში ჩამოძონძილი ქაბუჯი იდგა; ის შესანიშნავად ასრულებდა არიებს იტალიური ოპერებიდან. ვანოს ცრემლი მოერია, აღელვებული მიეჭრა მონღერალს და მაგრად ხელი ჩამოართვა. ხალხი შეიკრიბა. უკვირდათ ეს ამბავი. ვანო შეკრთა, შეუმჩნევლად მიაჩეხა მათხოვარს თავისი თანხის ნახევარი, რაც უცხოეთში მყოფ ხელმოკლე კაცის მთელი თვის საზრდოს შეადგენდა.

— გარეგნობით მათხოვარია, სულით კი ხელოვანი, ვაი მას, ვინც გარეგნობით „ხელოვანია“ და სულით მართლა მათხოვარი! — ეუბნებოდა გაფითრებული ვანო ჩიკო ყანჩელს და უკან რჩებოდა თვალი.

მართაში

მილანოს „ლა სკალაში“ ვანო სარაჯიშვილის დებიუტი დაინიშნა. მსოფლიოში განთქმული ოპერის თეატრში ვანოს უმკაცრესი გამოცდა უნდა ჩაებარებინა. შესანიშნავი ხმის, მუსიკალობისა და სიმღერის ოსტატობის გარდა აქ წარმატების ბედს სწყვეტდნენ კლაკერები — პროფესიული რეკლამიორები, რომლებიც სპექტაკლის მსვლელობის დროს სათანადო განწყობილებას ჰქმნიდნენ მაყურებლებში: დადებიტს — თუ მოიქრთამავდა მსახიობი, უარყოფითს — თუ უარყოფდა მათ წინადადებას. ვანოსაც ეწვიენენ, დახმარება აღუთქვეს და ფული სთხოვეს. ვანომ გარედ გაჰყარა ისინი. დაემუქრნენ — ისეთ სტვენას აგიტებთ, მეორე დღესვე აიბარგო იტალიიდანო. ფარდა აიწია. ვეებერთელა დარბაზში აქა-იქ საეკვო ხითხითი და ჩოჩქოლი ატყდა. ვანო ბეწვის ხიდზე იდგა, წონას-
5. შ. კაშმაძე

წორება მაინც არ დაჰქარგა და გაბედულად დაიწყო პარტია. ქვედრული სიჩუმე ჩამოვარდა. სულგანაბულნი უსმენდნენ წარმტაცი ხმით დაჯილდოებულ ქაბუკს. ტაშმა იფეთქა. აღვირახსნილი კლაკერები განიარაღებულნი აღმოჩნდნენ. ისინი წერწყვეტამშრალნი ისხდნენ და სხვებთან ერთად გულწრფელად ჰქრავდნენ ტაშს.

კავკასიელი ბულბული

წიციის ოპერის თეატრში „ქარმენი“ მიდიოდა. დარბაზი გაქვდილი იყო. დონ-ხოზეს პარტიას ვილაც უცნობი მომღერალი ასრულებდა და ამას მოეზიდნა საზოგადოება. სპექტაკლი დაიწყო. სცენაზე ტანწერწეტა, ბრინჯაოსფერი ქაბუკი შემოიჭრა და წამსვე მოჰხიზლა საზოგადოება. შესანიშნავი ხმა, ხალასი ტემპერამენტი და მუსიკალობა უდიდეს ძალას ანიჭებდნენ იმის დონ-ხოზეს.

უწიკვლო მღელვარებით ჩაატარა მეორე აქტი. დარბაზში ტაშმა იგრიალა. ანტრაქტის დროს ვილაც კულისებში შეიჭრა. უცნობ მსახიობს გადაეხვია და გადაჰკოცნა.

— ძაბატიეა... თეატრალური ეთიკა დავარღვიე. მე რუსი აწერალი კუპრინი ვარ. გეთაყვათ, რა ტომისა ბრძანდებით თქვენ?!

— ქართველი გახლავართ, სარაჯიშვილი. ღირსი არა ვარ თქვენს ყურადღების,—მორიდებით მიუგო ვანომ.

— ქართველი, კავკასიელი ბულბული! მე კი მეგონა, რომ თქვენ რომელიმე... თქვენ სწორუბოვარ გავლენას ახდენთ. რა შესანიშნავი ხმა გაქვთ!

ვანო და კუპრინი დამეგობრდნენ.

ორი „ურმული“

სოფ. ტყვიაკში ვანოს ერთი კარგი მეგობარი ჰყავდა. ზაფხულში ვანო მას სტუმრად ეწვია. ცხელოდა. ვანო მახლო-ზელ მდინარეში საბანაოდ გაიქცა. გაგრილდა, გული იჯერა და იქვე ბუჩქნარში შიშველი მიწვა, ბუნებამ მოჰხიზლა, ყელზე პალახი მოესალბუნა და გული აუძგერა. ბაგეს უნებურად აღმოხდა „ურმული“. ნელის ხმით ღიღინებდა—შიშველი იყო,

ერიდებოდა. კრინი მაინც შორს გასწვდა. ბიჭებმა ყურები სცქვიტეს, მომღერალს ძებნა დაუწყეს. იპოვეს და მოშორებით დასხდნენ, სმენად გადაიქცნენ.

ვერც კი მოასწრო ვანომ სიმღერის დამთავრება, რომ საპასუხო „ურმული“ მოესმა. წამსვე წამოხტა, ტანზე ჩაიცვა.

— აი, ძმობილო, ენგრე უნდა, ლაზათიანად. ძიან დაბალი ხმით ამბობდი, ბიჭო! — უთხრა ვაჟაკმა გლეხმა და კოხტა ქუდი გვერდზე მოიგდო.

— მაშ, თუ ენგრეა, ბიჭებო და... ღიმგადაკრულმა ვანომ მთელის გულმკერდით შემოსძახა ისევ „ურმული“.

— ამას დახე... ე, რა ყოფილა, კაცო!

ვანო იქვე გაეცნო თავის სტუმრებს, შინ წაიყვანა და მამაპაპურად გაუმასპინძლდა. გლეხებმა ბევრი დარბაისლური სიმღერა სთქვეს ვანოსთან ერთად.

უცხო სტუმარი

1904 წლის ზამთარი იყო. პეტერბურგს ნისლი ჩამოაწვა. სუსხი ძვალში შეიჭრა. ქართველ სტუდენტებს ტყვიასავით გაუხდათ გული. მშობლიური ცა მოაგონდათ ვარსკვლავებით მოქედილი. დავით აკოფაშვილმა და მისმა მეგობრებმა ერთ დიდ კლუბს მიაშურეს. იქ ლამობდნენ თავის გართობას.

კლუბის გაბრწყინებულ დარბაზებში სიცოცხლე სდულდა: ერთგან ბანქოს თამაში გაეჩაღებინათ და ფულის ზვინი ხან პქრებოდა, ხან იზრდებოდა. ლურჯ მაუდს ნაირფერი ნეშო ათოვდა: შექუჩდებოდა; შემდეგ თითქოს ქარმა დაუბერაო, ყველაფერი აღიგვებოდა და შიშველტოტება ხეებივით გარს ეხვივნენ მოთამაშენი. მეორე ოთახში, ბილიარდის მაგიდებზე სპილოს ძვლის ბურთულები დანავარდობდნენ. სამკითხველოში, თითქოს ამ ქვეყანას განრიდებიანო, ფერმკრთალი ადამიანები გაზეთის ფურცლებს ჩასცქეროდნენ: დროგამოშვებით სათვალეს იხსნიდნენ, მინებსა სწმენდნენ და კვლავ სულგანაბულნი განაგრძობდნენ თავიანთ საქმეს. საკონცერტო დარბაზიდან ყრუდ ისმოდა ფორტეპიანოს აკორდები. ყველაზე მეტი სიცხოველე ბანქოს სათამაშო ოთახში იყო. ქართველი სტუდენტებიც აქ შევიდნენ.

გაისმა უცებ მთელს კლუბში. ვილაც გასაოცარი ლირიკული ტენორის მქონე მომღერალი ნადირის არიას ასრულებდა. ყველამ ყურები სცქვიტა. აფორიაქდნენ. დაავიწყდათ წაგებ-მოგება, დაჰყარეს გაზეთები, ზურგი შეაქციეს ბილიარდსაც. ხალხმა საკონცერტო დარბაზს მიაშურა. არია დამთავრდა. მქუხარე ტაშით დააჯილდოეს შესანიშნავი მომღერალი.

— ბის! ბის! გაისმა ყოველი მხრიდან.

— რა მშვენიერი ჭაბუკია, რა შესანიშნავი ხმა აქვს.

— ქართველია... სარაჯიშვილი, ვანო სარაჯიშვილი! აზრი აღდა ყველას ბაგეზე.

დავით აკოთაშვილს და მის მეგობრებს გაგებულნი ჰქონდათ, რომ პეტერბურგში დიდი ხანია მეცადინეობს მათი თანამემამულე ვანო სარაჯიშვილი, რომელსაც შესანიშნავი ხმა აქვს. გულით უნდოდათ მისი გაცნობა, მაგრამ აქამდე ვერ მოახერხეს. განსაკუთრებით დ. აკოთაშვილს აინტერესებდა ეს ამბავი, რადგან თითონაც ხმას იყენებდა. გაეცნენ, წამსვე დამეგობრდნენ და დიდხანსაც ისაუბრეს. ვანომ თავისი მეგობრები გააცნო ქუთათურებს.

— კლუბში შემოვედით. რალაც ეშმაკად ნადირის არია აღმოჩნდა და ვერ მოვითმინე. არა თუმცა ამათი ბრალიცაა, არ მომასვენეს.

მას შემდეგ ხშირად ხვდებოდნენ ერთმანეთს ვანო და დავით აკოთაშვილი. ნიადაგ იმ დღეზე ოცნებობდნენ, როდესაც ქართველ მომღერალს მშობლიურ ოპერაში გამოსვლა ელირებოდა. ამ ოცნების განხორციელებამდე თხუთმეტიოდე წელმა განვლო.

ლევონილ სოპინოვის წამალი

იტალიურ დასში თავისი გამოსვლების დაწყებამდე ვანო აღრე ჩავიდა პეტერბურგში. გულმოდგინედ ემზადებოდა, ესწრებოდა სპექტაკლებს საიმპერატორო თეატრში. დაინიშნა ვანოს გამოსვლის დღეც. წამდაუწყებ ხმას ისინჯავდა. თითქოს ყელშივე ჩაუქცნაო დიდებული ხავერდის ვარდი... ხმა არა



სანდრო ინაშვილი



პეტრე მირიანაშვილი
(„აბესალომ და ეთერის“ ლიბრეტოს ავტორი)

ვლერდა! ნერვიულობა გაათქეცდა. დაუყოვნებლივ დეპეშა გაუგზავნა თავის მეგობარს ილიკო აბაშიძეს, რომელიც მოსკოვის ფილარმონიის სამუსიკო სასწავლებელში მეცადინეობდა (ჩელოს დაკვრას სწავლობდა). ი. აბაშიძე დებიუტის დღეს ჩავიდა ვანოსთან.

— მი, მიი! აი, ნახე, ილიკო, — შესჩივლა ვანომ, — რაღა ახლა წამერთვია ხმა. ჩემი დებიუტი საძაგლად ჩატარდება. რა მეშველება?

აბაშიძე ჩაფიქრდა. შემდეგ თითქოს რაღაც მოაგონდაო, სწრაფად თავი ასწია და ღიმილით მიუგო ვანოს.

— რატომ აქამდე არ ზაცნობე? ერთ კონცერტში სობინოვსაც შენსავით მოუვიდა, მაგრამ საოცარი წამალი სცოდნია. გადაჰკრა თუ არა, 5 — 10 წუთში ხმა გამოუსწორდა. მე ვიცი ეს წამალი, ახლავ მოგიტან.

— ჩქარა, მიშველე. რადგან სობინოვი ხმარობს უეჭველად მისწრება იქნება, ჩქარა, ჩქარა!

ი. აბაშიძე გაიქცა და ცოტა ხნის შემდეგ შუშით წამალი მოურბენინა. ვანომ გადაჰკრა. თანდათან უფრო უკეთ ატლერდა მისი დიდებული ხმა, მეორე აქტში მართლაც სავსებით გამოსწორდა.

ვანო გახალისდა, მშვენივრად ჩაატარა სპექტაკლი.

ბევრი ეხვეწა ვანო — მასწავლე რა წამალიაო, მაგრამ აბაშიძემ უარი უთხრა, სობინოვს პირობა მივეციო. სამაგიეროდ პროფიზორი გააცნო, რომელსაც ვანო თავისი სპექტაკლების ბილეთებს აძლევდა. მას კი წამალი მოჰქონდა მისთვის.

რა იყო აქ თავსატეხი? სობინოვს არავითარი წამალი არ გააჩნდა. ი. აბაშიძემ შესთხზა ყოველივე ეს ვანოს ჩვეული მღელვარების აღსაკვეთად და ვანომაც იწამა, რადგან იგი განთქმული რუსი მომღერლის დიდი პატივისმცემელი იყო. სწამდა მისი ოსტატობაცა და ავტორიტეტიც. თავის თავში კი მუდამ ეჭვი შეჰქონდა, მუდამ უკმაყოფილო იყო, მუდამ ნერვიულობდა, ბავშვივით ესაქიროებოდა გამოსვლის წინ გამხნეება და შთაგონება. ეს კარგად იცოდა ილიკო აბაშიძემ (რამდენს აწამებდა ამ მხრივ ვანო ჩელოს დამკვრელ კაპელნიცის, რომელიც მასთან ერთად კონცერტებში გამო-

დიოდა). ილიკომ სახელდახელოდ იყიდა აფთიაქში ნარზანი, პროვიზორს ნამუსი გაანდო და რალაც გაარევიანა. რამდენიმე ხნის შემდეგ ეს შემთხვევა მან სობინოვს უამბო. სობინოვმა კი ვანოს უთხრა. ბევრი იცინეს. ამ წამალს მომღერლებმა „სობინოვ—სარაჯიშვილის ნარზან-წვეთები“ დაარქვეს.

არ დაგავიწყდეთ... ქართველი ვარ!

ღირიეორ ივანე ფალიაშვილის დასის ციმბირის ქალაქებში გასტროლების დროს ვანო პირველ პარტიებს ასრულებდა. ქ. პერმის ოპერის დასში მაშინ თავი მოჰქონდა ერთ ლირიკულ ტენორს. ვანოს გამოსვლის შემდეგ ეს მომღერალი მიჩქმალული აღმოჩნდა. ვერ მოინელა ეს ამბავი. მეგობრები აამოძრავეს, ბნელი ელემენტები შემოიკრიბა და ვანოს სახელის გატეხას შეეცადა. ათასგვარი ხრიკები მოუწყო, მაინც მიზანს ვერ მიაღწია. ხალხი ტაშის გრიალით ეგებებოდა ვანოს. ერთხელ ვანო ოპერა „სნეგუროჩკაში“ მონაწილეობდა. როგორც კი დაიწყო განთქმული არია—„შროშანავ, ჩემო ტურფა ყვავილო“, — დარბაზში სიცილი გაისმა. ამაოდ ცდილობდა ივანე ფალიაშვილი ხულიგნების დაწყენარებას. ისინი ხალხმა ჩააჩუმა. ვანომ უდიდესი ოსტატობითა და უებრო განცდით შეასრულა ეს შესანიშნავი არია. ხულიგნების ვინაობა შეიტყო და ღირსეულად გაუსწორდა მათ. ამის შემდეგ უფრო დიდი წრე შეჰკრეს, სამაგიეროს გადახდა მოუნდომეს. ერთხელ, სპექტაკლის დამთავრების შემდეგ, გააფრთხილეს — გარეთ შეიარაღებულნი გელოდებიან და ნუ გახვალთო. ბევრი ემუდარა მეუღლეც. არასგზით არ დაიშალა. თეატრთანვე შემოეგებნენ. პალტო გაიძრო და ომახიანად მიაძახა:

— არ დაგავიწყდეთ, რომ ქართველი ვარ! მე ერთი — თქვენ ყველანი. აბა, მობრძანდით!
ველარ შეჰბედეს.

მარადისობის ბრილიანტი

ვანო სარაჯიშვილი, ცხოვრების მხარდამხარ მიმდევნი, სისხლქარბი ადამიანი იყო. ის არასდროს არ ყოფილა ჩაკეტილი მომღერლის ვიწრო, პროფესიულ ჩარჩოში. თანაბრად

ანტერესებდა ტექნიკის, მეცნიერებისა და ხელოვნების მიღწევები. ციმბირის ქალაქებში გასტროლების დროს გაეცნო ვანო პოეტ ვასილ კამენსკის, რომელიც ერთ-ერთი პირველი რუსი მფრინავი იყო მაშინ იმ არემარებზე. კამენსკი ავიაციიდან მოვიდა პოეზიაში, ევროპის საერთაშორისო ტრასზე დაფრინავდა. კატასტროფაც განიცადა და მიღწევებიც ზევრი ჰქონდა. ვანოს მალე დაუმეგობრდა. შემდეგ ხშირად მონაწილეობდნენ ერთად კონცერტებში. ვასილი კამენსკი ცირკშიც გამოდიოდა. ის ცხენზე შემჯდარი კითხულობდა ნაწყვეტებს თავის პოემა „სტეპან რაზინიდან“ მომღერალთა გუნდის თანხლებით. მაშინ ბევრი „გააჯავრა“ ამ ამბავმა. ვანო სარაჯიშვილი აღფრთოვანებული იყო კამენსკის ორიგინალობით. განთქმული მოქიდავეები ზაიკინი, ვახტუროვი, პოდლუბნი და სხვებმა ვანოს კარგი შეგობრები იყვნენ. ცირკში წარმოდგენის დამთავრების შემდეგ ისინი ხშირად უმართავდნენ ვანოს მეგობრულ სუფრას.

კამენსკის საშუალებით გაიცნო ვანომ პოეტი ვლად. მაიაკოვსკი. ფუტურისტთა კორპორაციაში, რომელსაც ეს პოეტები ეკუთვნოდნენ, მაშინ ბევრი ლაპარაკი გამოიწვია და ბევრი ინტელიგენტიც დააფრთხო. ვანო სარაჯიშვილი, პირიქით. ძალიან დაუახლოვდა მაიაკოვსკის; დიდ მომავალს უწინასწარ მეტყველებდა მას და „მოქმედ ვულკანს“ ეძახდა.

რა გასაკვირია, რომ „ვულკანურ ბემპერამენტის“ მქონე ვანო სარაჯიშვილმა მაიაკოვსკის „მოქმედი ვულკანი“ უწოდა. განა ბევრი მოიძებნებოდა მაშინ, თუნდ ხელოვანთა შორისაც, დიდი პოეტის ასეთი შემთქმებელი?

პოეტმა ვასილი კამენსკიმ დიდის სიამოვნებით მოგვაწოდა მოგონება „მზიურ ვანო სარაჯიშვილზე“. ვ. კამენსკი სწერს:

„... განა შეიძლება გენიალური სარაჯიშვილის დავიწყება? არა, არასდროს!

იგი მარადისობის ბრილიანტია“.

ქალბ. ვერ მოვიხარი!

ვანო სარაჯიშვილს ეკალივით ესო გულზე ჩვენს სამშობლოში „არამკითხე მოამბეების“ თარეში. მენშევიკების დროს

თბილისის „ქართულ კლუბში“ უცხოელ „სტუმრებს“ დიდი ბანკეტი გაუმართეს. კონცერტში გამოსასვლელად მიიწვიეს ვანო და სანდრო ინაშვილი. ისინი ჩოხებით გამოცხადდნენ. ქეიფი კრძელდებოდა, ვანო კი ნერვიულად. სცემდა ბოლთას კულისებში და ბრაზით ივსებოდა, რომ აქ უდიერად ალოდინებდნენ. მოთმინების ფიალა აევსო.

— წამო სანდრო შინ. მაგათი ლაქია ვარ აქ ველოდო? აოც მომიხრია ქედი, ვერც მოვიხრი!

წავიდნენ. საღამოს მესვეური გამოედევნა. რევოლვერით დაემუქრა. ვანომ სატევეარი იშიშვლა, სანდროც არ დარჩა ხელდაქდობილი. მოსალოდნელი სისხლის ღვრა მანდილოსნების ჩარევამ და წივილ-კივილმა აღკვეთა.

უცნაური გამოცდელი

1923 წელს თბილისის კონსერვატორიაში მოსწავლეთა წარმატების შემოწმება ჩატარდა. ბევრი უღირსი — სახელმწიფო სტიპენდიას იღებდა. დაინიშნა შემმოწმებელი კომისია ვანო სარაჯიშვილის, პროფ. ჯაყელის, ვაგის, ბარეროსი და სხვათა მონაწილეობით. გაფითრებული მოსწავლენი ზედიზედ გადიოდნენ გამოცდაზე. მარიამ მწკარის ასული კვიციანიძე გულის ფანჯკალით მიუახლოვდა ფორტეპიანოს. ვოკალური კულტურის ასეთ ოსტატთა წინაშე მოსწავლე კი არა, კარგად დახელოვნებული მომღერალიც კი შედრკებოდა. კვიციანიძემ მორიდებით დაიწყო ტოსკას არია.

იქ ჩვენი პაწია სახლი გველოდება,
რადღუნ შეება—სიხარულს გვაირდება
ტურფა სავანე...

წყრიალა ხმა პაერს მიაპობდა. გაბედულად წარმოქმნილმა პირველმა ფრაზამ სითამამე შეკმატა ქაბუკ მომღერალს, გულწრფელმა მღელვარებამ გაიტაცა და გადალახული აღმოჩნდა ყოველგვარი უხერხულება. ვანოს ბაგეს ღიმილი შეეპარა, ერთი შეიშმუშნა, თვალეში ელვამ გაჰკრა და სტიქიურად აღმოსკდა მკერდიდან:

— მეც თან მოგდევ, მეც შენთან ვარ, ჩემო ღვთაება!

მკაცრი შსაჯი კი არა, თითქოს კავარადოსნის როლშია

ობერის სცენაზე და თავის სატრფოს სიყვარულის ჰიპნოს უგა-
ლობსო.¹⁾ დარბაზში ერთხანტელი დატრიალდა. მარო კვიეი-
ნაძეს რეტი დაესხა, სიხარულის ცრემლი მოერია. თითქოს
ნიადაგი შეერყა ფეხქვეშ და ბობოქარ ზღვაში მყოფ გემივით
აყირავდა მთელი შენობა. მეორე დღეს მარო კვიეინაძემ თა-
ვისი გამოცდის შედეგი იკითხა.

— ნუთუ გულში გაივლე, პაწიჭუ, რომ ჯეროვნად არ
შეგათასებდნენ? — მიუგო ვანომ.

მაპატიეთ, დაგაგვიანდა...

1922 წლის ზაფხული იდგა. პოეტმა სიკო ფაშალიშვილმა
თბილისის „ქართულ კლუბში“ დიდი საღამო გამართა. საუ-
კეთესო ძალები მოიწვია. ვანო სარაჯიშვილმა სიამოვნებით
აღუთქვა მონაწილეობა. ხალხი მოზღვედა. ყველა მონაწილე
გამოცხადდა, არ სჩანდა მხოლოდ ვანო. უმისოდ კონცერტს
არ იწყებდნენ. დარბაზში ტაში გაისმოდა, ხალხს ნერვიულო-
ბა დაეტყო. მაგრამ ყველაზე მეტად სიკო ფაშალიშვილი ნერ-
ვიულობდა:

— თუ ვანო არ გამოჩნდა, საღამო უნდა გადავდო. მთელი
ხალხი მისთვის მოვიდა, რას იტყვიან... ხომ თავი მომეჭრა?!

ამ დავიდარაბის დროს, დამტვერილი ვანო ქოშინით შეიქ-
რა კულისებში. დაჯდა, ოფლი მოიწმინდა და სული მოითქვა.

— მაპატიეთ, დაჰაგვიანდა. კოჯორში გახლდით, მანქა-
ნამ გამომასწრო და... ფეხით მოვედი.

საღამო შესანიშნავად ჩატარდა. ვანო ბევრი ამღერეს.

არ ვიცი, რამდენი მსგავსი ფაქტი ახსოვს მსოფლიო
მუსიკალური კულტურის ისტორიას. ის კი ვიცი, რომ ბევრი
მომღერალი კონცერტის ან სპექტაკლის დღეს შიშით გარედ
ვერ გამოსულა. ამ ამბის შემდეგ ორი წელი გავიდა და ვანო
სარაჯიშვილი გულის დაავადებით გარდაიცვალა. დასკვნა
თვით მკითხველმა გამოიტანოს.

¹⁾ კავარადოსი ამ არიაში მარტო საოპერო შესრულების დროს მონა-
წილეობს. შ. 4.

1924 წლის ზაფხულში ანაგის სახალხო სახლი გაიხსნა. დიდი კონკრეტი გაიმართა. თბილისიდან მიწვეულ მსახიობთა შორის ვანოც იყო. „თავო ჩემო“, „ურმული“ და სხვა სიმღერები უმღერა ძვირფას სამშობლოს. ოჯახებში მიიწვიეს ამხანაგებით. აქ მომღერალ გლეხთა შორის ძველი სუფრული და დარბაისლური სიმღერები სთქვა. უკან ღია ვაგონით ბრუნდებოდნენ. ნავთლულამდე არ შეწყვეტილა ვანოს სიმღერა, ცეკვა და მხიარულება. ხალხი სულში იძვრენდა, გარს ეხვეოდნენ, დღეგრძელობას უსურვებდნენ. ისედაც „მხიარული მატარებელი“ ერთიათად გამხიარულდა.

ეს ვანოს უკანასკნელი მგზავრობა იყო მშობლიურ კახეთში. იქნებ გრძნობდა კიდევაც, რომ საყვარელ აკვანს სამუდამოდ ეთხოვებოდა...

იუბილე

საქართველოში საბჭოთა ხელისუფლების დამყარების პირველ დღეებშივე ვანო სარაჯიშვილი გაცხოველებულ საქმიანობაში ჩაება. ერთ დროს ოპერის კომისრას მოადგილედაც მუშაობდა. 1921, 22, 23 წლებში მას თბილისის ოპერაში ყველა მომღერალზე მეტი ჯათა აწვა. საბედნიეროდ, ხმაც ხელს უწყობდა. რამდენჯერ უმღერნია ზედიზედ, მაგალ. დღეს „ფაუსტი“, ხვალ კი „აიდა“ ან „ჰუგენოტები“ ავადმყაფი ამანაგის მაგივრად.

„ფაუსტი“ და „ჰუგენოტები!“ განა ბევრ მომღერალს მიუღწევია ამ პოლუსებისათვის?

* * *

1922 წელს თბილისის კარიბჭესთან უზარმაზარი ვეფხვი მოჰკლეს. დიღმელმა მონადირეებმა დიდის ამბით ჩამოიტანეს იგი თბილისში.¹⁾ ურემს ხალხი მოსდევდა. „ჯომარდი მონადირე“—ვანო სარაჯიშვილიც გააოცა ამ ამბავმა. გლე-

¹ ვეფხვის ფიტული დაკულია საქართველოს სახელმწიფო მუზეუმში.

ხებს თვალი და მარჯვენა უქო. ყველაფერი ვანოს „დაბრალდა“. რუსთაველი ამბობს:

„რა ესმოდის მღერა ყმისა, სმენად მხეცი მოვიდიან,
მისვე ხმისა სიტკბოსაგან წყლით ქვანიცა გამოსხდიან...“

შენ ქართული ჰანგის ავთანდილი ხარ და ე'ა ქირვეული მაყარი გვაწვიეო. ლექსებიც კი დაიწერა მაშინ ამ თემაზე.

1923 წელს, ტრადიციულ შვიდ მაისობას, ხელოვანთა სასახლეში ვანოს მონაწილეობით კონცერტი გაიმართა. აქაც ბევრი „საყვედური“ უთხრეს მას ჩვენმა პოეტებმა ვეფხვის თაობაზე. ძალად მამღერებთ, რა ჩემი ბრალიაო—ხუმრობდა ვანო.

იმავე წლის 16 მაისს თბილისის ოპერის თეატრში ვანო სარაჯიშვილის არტისტული მოღვაწეობის 20 წლისთავის აღსანიშნავი იუბილე დაინიშნა. ხალხი მოუთმენლად მოელოდა დიდი მომღერლის შესანიშნავ დღეობას. მთელი პრესა აღაპარაკდა. შესდგა საიუბილეო კომისია. გაზეთმა „ლომისმა“ საგანგებო ნომერი მიუძღვნა ამ შესანიშნავ თარიღს. მოწინავე სტატიაში გაზეთი სწერდა:

„... ჩვენ ვამაყობთ ვანო სარაჯიშვილით იმიტომ კი არა, რომ ის ხმის ჯადოსანია. იმიტომ კიდევ, რომ ის ჩვენია, ჩვენი სისხლი და ხორცი, რომ მასში ქართველი ერის ნიჭი სჩქეფს... თილისმიანი ხმა, რომელსაც შეუძლია დასევდიანებული გულის გადახალისება და გულის კმუნვათა შეცვლა უკვდავებით, თილასმიანი ხმა, რომელსაც შეუძლია მოღერებული მახვილის ჩაბრუნება და გაბოროტებული გულის დარბილება—დამშვიდება და მოთვინიერება, — აი, ვანო სარაჯიშვილი...“ ვანოს ლექსები მიუძღვნეს ი. გრიშაშვილმა, ვ. წულუკიძემ, ვ. რუხაძემ და სხვებმა.

„სალამი ჩვენი მუსიკის ნათელ სვეტს—ვანოს!“

„დიდება ჩვენს უკვდავ შოთას, აბესალომს,¹⁾ ქართული ოპერის გუმბათს და ჩუქურთმოვან თალს“.

1) მალხაზი არაა ნახსენები, რადგან მაშინ „დაისი“ დადგმული არ იყო შ. კ.

„პრავალემიერ საქართველოს ბულბულს!“
ვინ მოსთელის, რა დაიწერა მაშინ ვანოზე.

ვანო სარაჯიშვილი მოკრძალებით შეხვდა ამ ზეიმსა და
ზარს.

— რა დროს ჩემი იუბილეა, ვის გაუგია არტისტული მოღვა-
წეობის 20 წლისთავის იუბილე, 25 წლისა მაინც უნდა იყოს.
ძალიან ახალგაზრდა იუბილარი ვიქნები, სირცხვილია!

16 მაისს თბილისის ოპერის თეატრში ტევა არ იყო. საბ-
ჭოთა ხელისუფლება, მთელი სამშობლო, თავის საამაყო მომ-
ღერალს იუბილეს უხდიდა. ვანო საგანგებოდ შერჩეული
პროგრამით წარუდგა საზოგადოებას. დაიდგა: „აბესალომის“
პირველი აქტი, „ტოსკას“ მესამე აქტი და „კარმენის“ მეოთ-
ხე აქტი. „აბესალომს“ ზაქ. ფალიაშვილი დირიჟორობდა.
ვანოს მხარს უმშვენიებდა თავის ძვირფასი მეგობარი სანდრო
ინაშვილი.

ვანო განსაკუთრებული ხალისითა და ქაბუკური გატაცე-
ბით მღეროდა ამ ღღეს. მისი დიდებული ხმა კვლავ ბგერათა
წარმტაც თაიგულად გადაიშალა. იუბილარის მოსალოცად
ჩანოვიდნენ მოძმე რესპუბლიკებისა და მთელი საქართველოს
კულტურულ—საზოგადოებრივი ორგანიზაციების წარმომად-
გენლები. აუარებელი მოსალოცი დეპეშა მოვიდა. „საქართვე-
ლოს ბულბულს“ გულითად სალამს უთვლიდნენ: ლეონიდ
სობინოვი, სუმბათაშვილი — იუჟინი და საბჭოთა კავშირის
სხვა დიდებული მოღვაწენი. ბევრი ძვირფასი საჩუქარი მიიღო
ძღვნად. ქართველ მომღერალთა შორის, ვანო სარაჯიშვილს
პირველს მიენიჭა რესპუბლიკის სახალხო არტისტის მაღალი
წოდება.

ევროპისა და საბჭოთა კავშირის დედაქალაქების სცე-
ნებზე გამობრძმედილ ვანოს ცრემლი მოადგა, სიზმარში
ეგონა თავი. გული აუჩუყდა, სიტყვა ვერ მოახერხა.

— რა ვქნა, სიტყვის ოსტატი არა ვარ. ჩემი სიტყვა სიმ-
ღერაა, ამიტომ ნება მიბოძეთ...

— მადლობელი ვარ...

სიმღერით უპასუხებდა ფეხზე ამდგარი ხალხის მქუხარე
ტაშს.



ნიკო კემსიაშვილი — მალბაზი



ვანო სარაჯიშვილი — გერმანი
(ოპერა „პიკის კალი“)

— რა ვიცოდით თუ ასე ვუყვარდი მართლა. მთელ ხალხს. თავს უფრო გაუფრთხილდებოდი,— ეუბნებოდა გაფითრებული ვანო იუბილეს შემდეგ თავისიანებს.

იმავე წლის 19 დეკემბერს პირველად დაიდგა ზაქ. ფალიაშვილის „დაისი“. მალხაზის როლში ვანო სარაჯიშვილი „გრაალის კოშკიდან ჩამოსულ ბრწყინვალე რაინდსა ჰგავდა“. მან ერთხელ კიდევ მოაჯადოვა დამსწრე საზოგადოება. „დაისს“ წილად ხედა ბრწყინვალე წარმატება. ამის მთავარი მიზეზი, მომღერალთა შორის, ვანო სარაჯიშვილი იყო, რომელმაც სწორუბოვარი მღელვარებით გადაუშალა აუდიტორიას განწირული ქაბუკის—მალხაზის ტრალედია. „თავო ჩემო“ ვანომ შეატანინა ზაქ. ფალიაშვილს ამ ოპერაში. ეს სიმღერა ვანო სარაჯიშვილის „ხელთუქმნელი ძეგლია“, რაც ლეგენდასავით გადაეცემა შემდგომ თაობებს. სპექტაკლის შემდეგ ზაქ. ფალიაშვილი თითქოს თავის თავს ეკითხებოდა: ნუთუ ასე დიდებულად დავსწერე „თავო ჩემო?“. ვანოს ჩინებული პარტნიორები ჰყავდა „დაისში“. მაროს პარტიას პოპოვა ასრულებდა, კიაზოსას—კრიეანოვსკი. მაინც გული სტკიოდა, — სანდრო ინაშვილი იტალიაში იყო...

უკანასკნელი „თავო ჩემო“

საგასტროლოდ ჩამოსულ სობინოვს თბილისის ოპერის დასში დარჩენა შესთავაზეს. უარი ვანაცხადა. პირიქით, მან ვანო მიიწვია მოსკოვის დიდ თეატრში, სადაც დიდი გავლენა ჰქონდა. შესანიშნავი პირობები აღუთქვა—ბინა, კურორტი, ხელშეწყობა, ოღონდ კვლავ აჩვენე მოსკოვის საზოგადოებას შენი შესანიშნავი ხმა და ვოკალური ოსტატობაო.

— აქ, სამშობლოში, ყველა კურორტზე უკეთ ვისვენებ. ზაპტორის სეზონში გეწვევითო—აღუთქვა ვანომ.

1923—24 წლების სეზონი „აბესალომ და ეთერიტ“ დაიხურა. თეატრს აუარებელი ხალხი მიაწყდა. ვანო განსაკუთრებული მგზნებარებით მღეროდა ამ დღეს. მის გამოწვევას ბოლო არ ჰქონდა. სპექტაკლის შემდეგ თეატრის გამოსასვლელთან ელოდებოდნენ, რომ ერთხელ კიდევ ახლო დაენახათ საყვარელი ადამიანი და სეზონის დაწყებამდე დამშვიდე-

ბულნი ყოფილიყვნენ. გუნდ-გუნდად მიაცილებდნენ. ვანო ლიმილით ესაუბრებოდა თავის მეგობრებს. ვინ იფიქრებდა ზაშინ, რომ ეს მისი უკანასკნელი „აბესალომი“ იყო...

თბილისს მაისში რუსეთის სფსრ განათლების სახალხო კომისარი ანატოლ ლუნაჩარსკი ეწვია. ხელოვნების სასახლეში ბანკეტი გაუმართეს. წვეულთა შორის ვანოც იყო, უგუნებობა ეტყობოდა, ძლივს დალია ორიოდე სასმისი ღვინო. მაინც ამღერეს. ა. ლუნაჩარსკიმ ქართული ხელოვნების სადღეგრძელო დალია. ხაზგასმით აღნიშნა ვანო სარაჯიშვილის დიდი მუსიკალური კულტურა, არაჩვეულებრივი ხმა და ვოკალური ოსტატობა. ზაქარია ფალიაშვილმა და ვანო სარაჯიშვილმა მკვიდრი საფუძველი ჩაუყარეს ქართულ ოპერას, რასაც უდავო წარმატება მოეღის მსოფლიო მუსიკალური კულტურის ასპარეზზე.

ვანო მაინც წარბშეკრული იყო, არაფერი არ ახარებდა.

* * *

ვანო თავის თავს ნაკლებ ყურადღებას აქცევდა. როგორც გამოირკვა კარგა ხანი ავად ყოფილა. 1917 წელს ესპანური სენის მოხდის შემდეგ კუდად გაუხდა გული. სიცოცხლის სიყვარულს და „გულკანურ ტემპერამენტს“ მაინც თავისი გაჰქონდა. ვანო ქაბუკურად გიჟმაეობდა, ქედს არ იხრიდა; თუმცა ზოგჯერ თავის ბედზე ჩაფიქრდებოდა და ნადრევი კატასტროფა სულს უშხამავდა. ხშირად ეტყოდა ხოლმე საუბარში თავის მეუღლეს:

— მინდა მოგკვდე ახალგაზრდა, რომ მოულოდნელად მოვსწყდე სცენას და ხალხს ჩემზე გული დაეწვას, ალალი ცრემლი დამეფრქვიოს. მინდა—ჩემს კუბოს თეთრ ყვავილებს უფენდნენ გზაზე. შორიდან კი ისმოდეს როიალის ქვითინი და ჩვენი ძველი ხალხური გუნდის გუგუნე, შორიდან... შორიდან!

ამგვარი მსჯელობა „ბაირონის სევდის“ გამომქლავნება ეგონათ და საუბარი ხუმრობით თავდებოდა.

ვანო სარაჯიშვილის სიცოცხლე თითქოს მართლაც ციცაბო კლდიდან მოსწყდა. 1924 წლის ივნისის 23-ს ოპერის თეატრის ბალში ვანო უქეიფოდ ვახდა. მხარში შეუდგნენ

და ძლივს მიიყვანეს შინ. ჩაწვა. ნაშუადღევის 3 საათიდან ლამის 3 საათამდე სიცხე არ ეშვებოდა. ყოველ მეორე—მესამე დღეს კონსილიუმი იმართებოდა. ექიმები მის სასთუმალს არ შორდებოდნენ. ხან გულის ანგინას დააბრალებს, ხან ტროპიკულ მალარიას, შემდეგ ნაწლავების ჭლეტი ეგონათ.

მთელი ზაფხულის განმავლობაში ველარ წამოდგა ლოგინიდან. ნერვიულობდა, ხმის დაზიანებისა ეშინოდა. ხშირად ღლინებდა ლოგინში ნაწყვეტებს „კარმენიდან“, „ჰუგენოტებიდან“. ხმას არავითარი მანკი არ ჰქონდა — ისევე თავისუფლად და დიდებულად ჟღერდა ყველა ფარდებში. ეს ახარებდა.

— მოვრჩები, ერთხანს კიდევ ვიმღერებ და შემდეგ ჩემს საყვარელ ჩელოს დაეუბრუნდები. სცენას თავს დავანებებ, კონცერტებში გამოვალ და დავუყრავ. სიმღერას ვასწავლი ახალგაზრდებს...

* * *

ზაფხული მიიწურა. შემოდგომამ ოქროსფრად შეღება არემარე. სასიამო დარები დადგა. რა სჯობდა ახლა ფოთლის შრიალში ნადირობას. ვანო კვლავ ლოგინში ჰბორგავს. ვერ სთმობს სიცოცხლეს და მშვენიერებას, ვერ სთმობს სამშობლოს.

მომღერალმა ლეონ ისეცკიმ მორიდებით შეალო კარი.

— ლეონ, ძვირფასო! ჩემს თოფს მგონი ჩახმახი გაუფუჭდა. წაიღე გეთაყვა, ოსტა ჯ შპაგინს მიაბარე, გამოგვადგება...

— და მერე, როგორ!

სიხარულით მიაგება ისეცკიმ, მაგრამ ეს „სიხარული“ მის არტიტულ ნიღაბს იქით არ მიდიოდა: ბაგე იცინოდა, გული კი მწარედ ქვითინებდა. ნათლად ხედავდა, რომ ხელიდან ეცლებოდა თავისი საამაყო მეგობარი. უკედებოდა „არაამქვეყნიური ადამიანი, რომლის პიროვნებაში თავმოყრილი იყო მთელი ქართველი ერის მუსიკალური გენია, ნიჭი და კეთილშობილება“¹⁾

ისეცკიმ ხალისიანად წაავლო თოფს ხელი: გასინჯა, მოხდენილად შეატრიალა. დაემშვიდობა, თოფი წაიღო, მაგრამ იქვე დერეფანში დასტოვა და გაბრუნებული გავიდა ქუჩაში.

¹⁾ ასეთი დახასიათება მოგვაწოდა ლ. ისეცკიმ ვანოს შესახებ. შ. კ.

ვანოს ძარღვებში მშობლიურმა სიომ გაინავარდა, ლოგინშივე შეიშმუნა.

— თოფი წაიღო... მაშ მოვრჩები!

კვლავ ექვმა შეიპყრო, მოკვეთილივით დაეშვა ლოგინზე და კედლისაკენ იბრუნა პირი. მაინც მომავლისკენ იცქირებოდა.

— თმა გადამპარსეთ!

— რადა? ამდენი მნახველი მოდის, ძალიან გშეენის, სირცხვილია...

— გადამპარსეთ მეტქი! ავადმყოფობა დამიზიანებს და სცენაზე უშნო ვიქნები.

— კიდევ რაღაც მოიმინებებს და უარი უთხრეს.

ვანომ თვალები მიანათა. პირი აარიდეს. მწარედ გაიღიმა, ბაგეს კბილი დაადგა და წარბი შეჭკრა:

— რად მოხვდათ ასე ლახვარივით ჩემი სურვილი? პირი-ქით, მათ უნდა ეთხოვნათ, რომ შეველეოდი ამ ჩემს თმას. ნუთუ მართლა... ეძნელებათ... კუბოში... უთმოდ!

სასოწარკვეთილი დონ-ხოზეს მუქარა უნებურად აღმოხდა ბაგეს:

„თუნდაც სიცოცხლე რომ გავსწირო, ვფიცავ აქედან არ წავალ, აარ, წავალ!“

ბედისწერას არ დაემორჩილა. როდესაც მარტო დარჩა, ოსტატი დაიბარა და ამა გადიპარსა. ამით თითქოს სიკვდილს ხელთათმანი გადაუგდო და ორთაბრძოლაში გამოიწვია ულმობელი წუთისოფელი.

უფროსი ძმის, ანდროს მეუღლეს დაავალა: სიღნაღში რომ თავგატეხილას წყაროა, ის მასვით, უექველად მომიხდებო.

ლოქით მოაწოდეს. სასთუმალთან ედგა და სულს იბრუნებდა.

უკვდავების ცხრა წყაროს წყალი თუ ეგონა სასიკვდილოდ განწირულ აბესალომს.

ნოემბერი დადგა, მდგომარეობა გაუარესდა. შეუპოვარი სინამდვილე სცელავს სინხარულს. სეზონი უკვე დაიწყო. სწუხს, შფოთავს ვანო, შემოაკლდა სცენის ჰაერი.

ზაქარია ფალიაშვილის ყოველი მოსვლა მისთვის აუწერე-



სანდრო ინაშვილი — მურმანი



ნატო ვაჩნაძე და ვანო სარაჯიშვილი
(კინო-ფილმ „მამის მკვლელებიდან“)

ლი წამებაა, რადგან „თავო ჩემოს“ უნებურად ღიღინებს ვანო. გულდათუთქული საქარია ცრემლს ძლივს იკავებს, ეშინია სიტყვა არ დასცდეს. სულში თაკარა ედება და სტანჯავს ფიქრი—რად დაუწერა თავის მაღაზს ეს ბედკრული გედის სიმღერა, რად დაუწერა! არა, თვით ვანომ რად დააწერინა, საკუთარ თავის სულთათანად? როგორი ჯოჯოხეთური საყვედურიო მოესმის ახლა მას ვანოს ნამღერი:

„ბედი აო გიწერია“...

და რა მძიმეა ყოველივე ამის ატანა.

— სად არის სანდრო ინაშვილი, ჩემი სანდრო. რა უნდა ამდენ ხანს იტალიაში. აცნობეთ, მალე ჩამოვიდეს. აკი ვუთხარი—შენ მიდიხარ, მე კი აქ უშენოდ მოვევლები-მეოქი.

საქარია ბინდებუნდად ჰხედავს ქვეყანას. მიღის ქუჩაში და ხალხს ძლივსა სცნობს.

— როგორაა?—დაზაფრულნი ეკითხებიან.

პაუხას ძლივს ახერხებს, ბარბაცით მიღის.

ვანოს ნათესავი ექიმი მოვიდა. ყველაფერი გათავებულიაო, ჩურჩულით უთხრა შინაურებს და კარდ გაიხურა. ვანო სწრაფად წამოჯდა ლოგინზე.

— აბა ერთი, ნეტავ აქ იყვნენ ახლა ჩვენი ოპერის ხელმძღვანელები. გაივონ—მაქვს თუ არა ისევ ჩემი ხმა. მთელის გულმკერდით შემოსძახა ალფრედის არია „ტრავიატადან“:

„მაშ, დაესტოვოთ ჩვენ ეს მხარე“...

ქუჩაში ხალხი მოგროვდა, ზოგი კანკალებდა, ზოგი ცრემლს იწმენდა.

— მორჩება ჩვენი ვანო, აჰა, ნახე... ხმას ხმას, დახე, აბა!

* * *

გახშირდა ექიპთა სჯა-ბაასი, თათბირები, კონსილიუმები. მწუხრის ბინდი დაბლა ჩამოწვა. ვანო თითქოს დანებდა ბედსო, რაინდულად გაუსწორა აღსასრულს თვალი.

— თუ არაფერი მეშველება, მოკლედ მოსკერით... ანდრო დამიბარეთ, უკანასკნელი ჩემი სიტყვა გამოკუცხადო.

დაიბარეს, საჩქაროდ ჩამოვიდა. დაინაზა თუ არა ვანომ, ერთი შეჰყვირა—ვაი! შუბლში ხელი დაირტყა და ჩაიკეცა.

— თავს ნუ იწუხებთ, ამაოა ყველაფერი. შესანიშნავი

ნიჭი აქვთ, ანდრო, შენს ბავშვებს. უსათუოდ უნდა ისწავლონ. დამილოცნია კოტესათვის ჩემი გრიმის კოლოფი. ვგრძნობ არ შემარცხვენს...

* * *

მოულოდნელად წასკდა სისხლი. შველივით ყელი მოიღერა, საწოლს არიდა. წამოეშველნენ, სასწრაფოდ მიაართვეს თასი.

წვეთ-წვეთად მოკონავეს სისხლი და თან მოჰყვება:

თავო ჩემო, ბედი არ გიწერია.

აღმოდებული გულის ნაფლეთია ყოველი ბგერა. უკანასკნელად მღერის ვანო, რათა ძვირფას სამშობლოს დაუტოვოს რაც აბადია და არარა ჩაჰყვეს სამარეში. თითქოს წვეთწვეთად ჩამოიწრიტა გულიც და მკერდში არარა დარჩა. სადღაც, შორს, მიუწვდომელ სულის ქვითინში მიწყდა უკანასკნელი ბგერა და ჩამოიღვენთა ოქროპირი. ეს იყო სამშობლოზე და სიკოცხლეზე გულდაწყვეტის ღალადისი, მარადიული მდუმარების გადალახვის ცდა და საშინელ ნაპრალთან ბრძოლა „თავო ჩემოთი“.

ეს იყო ცრემლი სასოებისა, პაწია მზესავით რომ სწყდება ხოლმე თვალს და გუგუნით იწვის სადღაც... გულის სიღრმეში. ვალმოხდილმა თავისუფლად ამოისუნთქა.

— შ ლვა, ზმა ისევა მაქვს. რად უნდა მოვკვდე, ცოდო არა ვარ — უთხრა ანდროს ცოლისძმას, შალვა ტატიშვილს.

* * *

ამის შემდეგ მხოლოდ სამი დღე გავიდა. იმ ღამეს საშინელი ქარი გრიალებდა, გაათრეებული ასკდებოდა მთა-ბარს, ჰგლეჯდა ყველაფერს.

ლიბრი გაეკრა ცისკროვან თვალს.

შეწუსდა ქართული ჰანგის უფლისწული — აბესალომი. ენა წაერთო. გრძნობა მაინც არ დაუქარგავეს: წამწამიდან ცრემლი სწყდებოდა და ეშხიან სახის კუნთებზე ზედიზედ მოგორავდა, მოსრიალეებდა.

11 ნოემბერს, დილის 5 საათსა და 30 წუთზე ჩადგა ქარი, მაგრამ... შხაპუნა წვიმისავით წასკდა ბალხს ცრემლი.

ღიღი ქართველი მოძღერალი გარდაიცვალა.

1924 წლის შემოდგომაზე გურჯაანს გახლდით სტუმრად ჩემს უფროს მეგობარ დიმიტრი ჯანსუყის-ძე ასათიანთან. იქ მუშაობდა. დიმიტრი დიდებული ვაჟაკი იყო—კაცთმოყვარე, სუფრით ქებული. სიმშლით რომ მომკვდარიყო მარტო ლუქ-მასაც არ გასტეხდა.

სასიამო მზე ნაზად ათბობდა ფარდაგივით გადაშლილ ქედებს. კახურ ღვინოს უკვე ჩინჩხალი დაუფარდა და მღვებური ძალა შეუდგა. იმ დღესაც ერთად ვისხედით. რალაც ულაზათოდ, უშნოდ დაიწყეს:

„ზამთარი ვარდა დააქვანობს
ფურცელი ჩამოსცივაოო...“

— აბა, ჰა და ჰა! ვანომ თუ მოკრა ამას ყური, რაეა ამეი-
ლებს აწი ხმას. არ დაამშოთ ყმაწვილებო! ჩააშხამა დიმიტ-
რიმ. ბიჭებმა ჯიბრით შეუკიდეს:

„ნეტავი მომკლა ხის ძირაას“,
ფოთოლი დამაცენაოო...“

ბანიც მოზღვავედა, სიმღერა დიდაღ საქები არ იყო, მაგ-
რამ ჩვენს პირობაზე მაინც არა, უშავდა. დიმიტრი ცალი
ყბით ილიმებოდა, ყავისფერ ბოხოას ისწორებდა და ჭიქას
აესებდა.

თბილისის მატარებელი მოვიდა, ერთიც შემოგვემატა.

— ნიირთვი, ყმაწვილო!—მიაგება დიმიტრიმ ჭიქა. უგუ-
ნებოდ ჩამოართვა, პურის ნატები აიღო და ღვინოში ჩააწო.

— ღმერთმა გაანათლოს ვანოს სული...

— ვინ ვანოა, ბოჰო!

— სარაჯიშვილი...

— მოკვდა?



განგმირულივით მიაყვია დიმიტრიმ და ცრემლი წასკდა.
ძვლის პორტსიგარი ამოიღო, ხარბად დაჰმედა. სხეებისთვის
გაუგებარი იყო ეს, მე კი ბევრჯერ მსმენოდა მისგან, რომ
ბაჰკოწი ვანომ უსახსოვრა. კიდევ ბევრი რამ ჰქონდა ნაამბო-
ბი ჩემთვის ვანოზე. მინდოდა რალაც მეტქვა, მაგრამ თითქოს

ვილაც უელში მწვდა... გაეიგუდე. ბიკები ფეხზე წამოიჭრნენ, ჭული ზოიხადეს და თავი დაჰხარეს. უხმოდ შეისვა შესანდობარი. მე და დინიტრის იმ ღამეს თბილისს მოვაშურეთ.

* * *

ვანო სარაჯიშვილის გარდაცვალება მეხივით დაატყდა თავს მაელს საქართველოს. თუნცა გაზეთებში ვერ მოასწრეს იმ დღეს ცნობის გამოქვეყნება, ზაგრან თავზარდამცემი მწუხარება ელვის სისწრაფით მოედო ხალსს.

12 ნოემბრის გაზეთებში ყველგან წოთავსდა ვანოს სურათი, მოკლე ბიოგრაფია, მოგონებებ. რამდენი გულწრფელობა, ვება, სინანული იყო იმ სტრიქონებში.



საქართველოს სახალხო კომისარათა საბჭომ და განათლების სახალხო კომისარიატმა გაზ. „კომუნისტი“ პირველ გვერდზე, მოწინავე სტატიის ზემოთ მოათავეს სამკლოვიარო განცხადებები.

„მსახიობ სარაჯიშვილს აქვს „ენდოკორდიტის ლენტა“— გულის შიგნითა გარსის ანთება ინფექციური ხასიათისა (გამომწვევი მიზეზი დიპლოკოკები), გართულებით თირკმელების მხრივ—ჰერმორაგიულ ნევროზო ნეფრიტის სახით, ღვიძლის მხრივ—ლიფუზური ციროზის სახით, პლევრის მხრივ—მშრალი პლევრიტის სახით მარჯვენა მხარეზე. ამასთანავე, ავადმყოფს აქვს ტროპიკული მალარიის ნიშნები.

ამჟამად ავადმყოფს ეწყება გულის მოკმედების დეკომპენსაცია, რის გამოც მისი ადგილიდან დაძვრა შეუძლებელია. ავადმყოფის მდგომარეობა ფრიად სერიოზულია, გამომრთელება საეჭვოა“¹⁾

ამან იმაზეერპლა ვანო სარაჯიშვილი.

გაზ. „კომუნისტი“ სწერდა:

„საქართველოს ტოროლამ შესწყვიტა რაკრაკი...

ვანო სარაჯიშვილი!

იგი იყო ჩვენი ქვეყნის სილამაზე და სიამაყე... ჩვენი ხალხის უზენაესი და ულამაზესი ჰანგები სადღესასწაულოდ ახმაურდნენ სარაჯიშვილის არსებაში... იგი ავიდა ქართველი ხალხის შემოკმედების იალბუზზე და იქედან ათრობდა თავის მომხიბლავი ჰანგებით ყველას, ვისაც წილად ხედო მისი სმენა.

სარაჯიშვილი იყო ნამდვილი ჯადოქარი სულისა.

იგი აუდიტორიას ხან უცნაურად გააშლევინებდა სულს, თითქოს ხალხი მოწინებით იძენდეს რალაც უმაღლეს საიდუმლოებას, ხან აღტაცების მოვარდნილ ზღვას დაამსგავსებდა და ამ დამთვრალ ხალხთან ერთად თითონაც ითრობოდა და განიცდიდა ზეკაცურ ძალას. იგი ხან ნაზი მიბნედილი იყო შემოდგომის მზესავით, ხან კი ატეხილი მოვარდნილ მთის ნაკადივით.

¹⁾ ექიმთა კონსილიუმის 9 ნოემბრის დადგენილება. შ. კ.

ვანო სარაჯიშვილი იყო სულიდან სული და ხორციდან ხორცი თავის ხალხისა..

ჩვენს ისტორიას არ ახსოვს ქართველი მომღერლის დიდება. ამიერიდან ვანო სარაჯიშვილის სახელიც ჩაიწერება ქართველი ერის ისტორიაში, როგორც დიდება და სილამაზე ჯერ არ ხილული. ვანოს შემოქმედება, მისი სიმდიდრე და სამსახური ქვეყნისადმი განისაზღვრებოდა მისი სიცოცხლით. სიკვდილის შემდეგ კი რჩება მხოლოდ ზღაპრული მოგონება მისი ანდამატური ხმისა“ („კომუნისტი“ 12 ნომბერი).

„სობინოვმა შესძლო იტალიური ბელ-კანტოს საწყისების ნაციონალიზირება და ამ გულწრფელ ტექნიკურ ოსტატობას შთაბერა რუსული სული. ისე, როგორც ალბინოვი არის პირველი რუსი ბელკანტიზტი, ვანო სარაჯიშვილი დარჩება ქართული მუსიკის ისტორიაში, როგორც საუკეთესო ქართველი ბელკანტიზტი, რომლის ტექნიკა გამთბარი იყო ტკბილ-მართობელა ვაზით დაფარულ საქართველოს მდელს სითბოთი.

დაბოლოს, სცენა აღანთებდა მას, როგორც კემშარიტ, შთაგონებულ მებრძოლს. სცენაზე ის ცოცხლობდა და ყველა მისი სცენიური სახეები აღსავსენი იყვნენ ნერვიული, წარმტაცი თრთოლვითა და ტემპერამენტით, რომლის გულახდილობას ვერ უძლებდა მაყურებელი.

ნაზი და ვნებით აღსავსე ლირიკაში, გმირი და ვაჟკაცური დრამატიულ სულისკვეთებაში, ის რჩება ქართული ოპერის ყველაზე უტყუარ, ყველაზე შუქმოსილ სიმბოლოდ ამ ოპერის ბრწყინვალე აღმავლობის დროს. მისი საოცარი სიმღერის ცხოველი სხივები მთელს სამშობლოს ეფინებოდა. მას იცნობდნენ საქართველოს ყველაზე მიყრუებულ კუთხეებშიაც კი, და ამ სავალალო დღეებში ყოველ მხრიდან დაიძვრის სევდა, უზომო მწუხარება...“ („ზარია ვოსტოკა“ 12 ნომბ.).

„... გარდაიცვალა ვანო სარაჯიშვილი!

რამდენი ტრადედია და ცრემლია ამ სიტყვებში... იშვიათია არტიტი ისეთი ღვთიური ტემპერამენტით და პოეტური ექსტაზით, როგორიც იყო ვანო სარაჯიშვილი... ის შემოქმედებაში დამწვარი ადამიანის სული იყო. ქართული ოპერის ისტორია არ დაიწერება ვანო სარაჯიშვილის სახელის გარე-

შე. უფრო მეტი: ვინც ნახა ვანო ქართული ოპერის სცენაზე, მან შეჰქმა თავის თავში სარაჯიშვილის აპოლოგია. ნდაფრი და უჩვეულო, როგორც პსიხოზი. შე არ მგონია ვინმემ დასძლიოს აზრი, თუ როგორაა შესაძლო ქართული ოპერა სარაჯიშვილის გარეშე.

მინდა ვიწამო, რომ ქართული პოეზია და ხელოვნება შეჰქმნის ლეგენდას ვანო სარაჯიშვილზე. ეს იქნება ყველაზე ძვირფასი სახელი ჩვენი ხელოვნების პანთეონში...“

„... ქართულ ოპერას და ქართველ საოპერო მომღერალს მსოფლიო მოქალაქეობა დაუმკვიდრა, მშობლიური ხელოვნების დროშა მალლა ააფრიალა...“ (ე. „თეატრი და ცხოვრება“ № 16—24 წ.)

„... ვანო სარაჯიშვილი პირველია ჩვენში, რომელიც ეზიარა ვოკალური ხელოვნების მაღალ კულტურას, რომელმაც ქართული ჰანგი აიყვანა უმაღლეს კეთილშობილებამდე და გაუტოლდა ევროპის გამოჩენილ ვოკალისტებს... მარტო ერთი „აბესალოში“ საკმაოა, რომ ჩვენმა ხალხმა იგი გააზღაპროს როგორც რამ დაუფიწყარი ლეგენდა. (ე. „ხელოვნ. დროშა“ № 6. 24 წ.)

კომპოზიტორი დიმ. არაყიშვილი წერდა:

„...რით იყო მიმზიდველი ვანო სარაჯიშვილი? მ სში იყო დაუშრეტელი წყარო შინაგანი ძალისა, მუსიკალური ნიჭი განჭვრეტისა და ყველაფრის გაკეთილშობილებისა, რახაც კი მისი ხმა შეეხებოდა... და მართლაც, ვანო იყო არა მარტო მომღერალი, არა მარტო არტისტი, ის იყო თავისი ხალხის მგოსანი, ხალხის გენია, ის იყო ხალხის ლამაზი სული...“ (ხელოვნ. დროშა № 6. 1924 წ.)

გულმოკლული ზაქ. ფალიაშვილი თავის საანაყო აბესალომს ჰგლოვობდა:

„ალარა გყავს ვანო სარაჯიშვილი! მოკვდა დიდი ხელოვანი, დიდი მომღერალი და იშვიათი, კეთილი გულის ადამიანი. დაობლდა და ბურჯი შეეჭყა ახლად ფეხადგმულ ქართულ ეროვნულ ოპერასაც. დავკარგეთ ის ადამიანი, რომელმაც თავისი არაჩვეულებრივი ბუნებრივი ბრწყინვალე ნიჭით მთელი ეპოსი შეჰქმნა ქართულ ეროვნულ სიმღერის დარგში.“

ის იყო ერთი იმ იდეალთაგანი, რომელიც თავის მომხიბლავი სიმღერით ქართველ მუსიკოს—კომპოზიტორებს სულს გვიდგამდა და გვაქეზებდა ჩვენს შემოქმედებითს მუშაობაში. ის იყო ერთი იმ ბედნიერ მიზეზთაგანი, რომელმაც ჩვენში ისე მოულოდნელად, ერთბაშად თავი წამოაყოფინა იმისთანა უმაღლეს და რთულ მუსიკალურ ფორმას ვოკალურ ხელოვნებისას, როგორც არის ოპერა...“¹) (კომუნისტი № 260 1924 წ.).

გამოქვეყნებულ წერილებში ყოველმხრივ ახასიათებდნენ ვანოს უდიდეს დამსახურებას ქართული მუსიკალური კულტურის წინაშე.

„... რაოდენ ბედნიერები ვართ ჩვენ — ვანოს შემსწრენი მომავალ თაობაზე. ჩვენ ვიხილეთ ვანო, ჩვენ განვიცადეთ იგი და ჩვენ დაგვატკბო...“

ვახეთებში მთელი გვერდები დაეთმო სამგლოვიარო განცხადებებს: „განუმეორებელი ნიჭი“, „ხელოვნების იშვიათი ოსტატი“, „ოპერის მშვენიება და სიამაყე“ „სპორტსმენი-მონადირე“... და რა მხრივ გნებავთ რომ არ იყოს დახასიათებული ვანო ამ განცხადებებში.

დამკრძალავი კომისიის სახელზე ორასამდე სამძიმრის დეპეშა მოვიდა, მაგრამ ბოლო არ სჩანდა. დეპეშები მიღებულ იქნა საქართველოსა და საბჭოთა კავშირის ყოველი კუთხიდან, უცხოეთიდან, სანდრო ინაშვილი იტალიიდან გამოეთხოვა ძვირფას მეგობარს. ლ. სობინოვმა დეპეშით სთხოვა ოპერის დირექციას—მიერთმიათ გვირგვინი ვანოსათვის მისი სახელით. ვანოს გამოეთხოვეს სუმბათაშვილი—იუენი, ა. ლუნაჩარსკი და სხვა განთქმული მოღვაწენი. ცნობილი რეჟისორი ბოგოლიუბოვი სწერდა:

„ცეცხლმა, რომელიც ვანოს გენიალურ სულში ენთო, დაე, გაუნათოს გზა ქართული ოპერის განვითარებას. ალალ ცრემლსა ვლდერი დიადი საფლავის წინაშე“.

საერთო—სახალხო გლოვას ქართველმა პოეტებმაც შეუერთეს თავიანთი ხმა.

ხალხში ტერენტი გრანელის ლექსი გაისმა:

¹ ხაზი ყველგან ჩვენია შ. კ

„დაეშვა ფარდა, დაბნელდა სცენა,
თვალეები მაინც შენ გიციქერიან.
ვანო, ასრულდა შენი სიმღერა—
თავო ჩემო, ბედი არ გიწერიო...“

თუ ამ ლექსმა „თავო ჩემოთი“ გაიმარჯვა, გიორგი ქუჩი-
შვილის ილალი გულისთქმა სალანჟურივით აკენესდა ხალხში:

„საქართველოს ხუჭუჭ კალებს
ბულბული ჰყავს მკვდარი.
მის დახუჭულ ღამაზ თვალებს
ამკობს წყვილი ცვარი.“

მგლოვიარობს ტურჟა კალა,
ალარ ესმის სტვენა:
რაც ბულბული გარდევალა,
შესწყდა მისი ლხენაც.

ეს ბულბული ვანო იყო,
ვანო—ხმანარნარი,
ვანო—ლერწმის საღამური,
კენესით გადამტყდარი¹⁾).

ვანოს კუბოსთან უშუალო ტკივილის განცდით აქლერდა
ვარლამ რუხაძის სტრიქონები:

„... შენზე წუხილი სულს ქვეშ დაიტანს
და ერის ფიქრიც წაგყვება თანა...
ეთერი ამ დარდს ველარ აიტანს,
ეთერი გულში დაიცემს დანას!“

რაქტენ გვეტაძის პოეტურ სამიმიარში ხალხის გულისთქმა
აღინასკვა:

„... მაგრამ სამშობლო მთების მწვერვალებს
არ დაუჯარგავთ მხნეობა თალხში,
მისი სახელი კვლავ იელვარებს
და ზღაპარივით დარჩება ხალხში.“

იონა ვაკელმა ძველი ქართული ზარით მიუტირა გლო-
ვად დამჯდარ სამშობლოს: 7

„... განჰეორებით რეკავენ ხმები
და იზნიქება შავების ღილი,

1) კომპ. ვ. შავერხაშვილმა ამ ტექსტზე ახალი რომანსი დასწერა. მ. კ.

სამშობლო მხარეე, გაშალე თმები,
აღარ გყავს ვანო სარაჯიშვილი!“

ერთ მოზრდილ წიგნს გაავსებდა ვანოსადმი მიძღვნილი ლექსები. გამოუქვეყნებელ ლექსებს ვინ მოსთვლის. საქართველოში ასობით ლექსია დაწერილი ვანო სარაჯიშვილზე.

გადატვიხილი ხალაგური

11 ნოემბერს თბილისის თეატრების მსახიობთა კრებამ ვანო სარაჯიშვილის დამკრძალავი კომისია ამოირჩია. საერთო ხელმძღვანელობა კოტე მარჯანიშვილს დაევალა. ხარჯი სახალხო კომისართა საბჭომ იკისრა. ოპერისა და დრამის თეატრებმა გლოვის ნიშნად 11 ნოემბერს თავიანთი კარები ჩაჰკეტეს—მოხსნეს სპექტაკლები.

დაკრძალვა დაინიშნა კვირას, 16 ნოემბერს, დღის 12 საათზე ოპერის თეატრის ბაღში.

* * *

კოტე მარჯანიშვილი იმ დღეებში ყალჯუე შემდგარ ბედაურს ჰგავდა: ებრძოდა აზღვავებულ ხალხს, საკუთარ თავს, მწუხარებას. ათასგვარი გეგმა უარჰყო და ახალი შეიმუშავა. სასტიკი ვარაუდი გასწია ყოველ წვრილმანში. საერთო-სახალხო გლოვამ მაინც გამოსტაცა კოტეს სადავე: ვერც საგანგებო კომისიამ, ვერც მილიციამ, ვერც ქალაქის საკომენდანტომ ვერ შესძლეს წესრიგის დამყარება. ხალხი უწყვეტი დინარებით ასკდებოდა ხელოვნების სასახლეს, სადაც ესვენა ვანო. თუმცა სასახლეში შესვლა ნებადართული იყო დღის 9 საათიდან ღამის 10 საათამდე, ხალხი არც ნაშუალამევს იზღებოდა.

* * *

მუხის კუბოში განაბულა ტკბილ ჰანგთა მეფე. ფრაკითა და ქათქათა პერანგით მორთული ვანო თითქოს სცენაზე გამოსასვლელად ემზადება. დარბაზში ახალგაზრდა ქართველ მუსიკოსთა ორკესტრი უკრავს. სტუდენტები და მოწათყეები ჩამწკრივებულნი მოდიან, ყვავილებით ამკობენ ცხედარს.



ვანო სარაჯიშვილი კუბოში (ნახატი ი. თოიძისა)

~ არასდროს არ ყოფილა ამ ჰერქვეშ ამდენი ყვავილი და ასეთი სევდა. მომღერალი პოპოვა ფარვანასავით დასტრიალებს ვანოს გვირგვინებს, ფრთხილად ალაგებს, რომ ერთი ყლორტიც არსად მოსტყდეს. საბატიო ყარაულში ერთმანეთს სცვლიან მწერლები, მსახიობები, მუსიკოსები, მუშები, მეცნიერები, საზოგადო მოღვაწენი. და განა მარტო ქართველები. არიან აქ?

ძაძით შემოსილ დარბაზში ნოხზე დამბობილა ვანოს მეულღე—ნინო. ის თითქოს უხმოდ ესაუბრება ძვირფას მეგობარს.

გაფითრებული ვასო აბაშიძე ბებერ ორბივით უახლოვდება ვანოს სასთუმალს. თვალს ვერ აშორებს. დამკნარ ლოყებზე ლაპალუპით ჩამოსდის ცრემლი.

დარბაზში ემილ კაპელნიცკის ჩელო აეღერდა.

„თავო ჩემო...“

ხალხი აქვითინდა.

ვანომ უკვდავება მიანიჭა ამ დიდებულ ჰანგს და ამავე ჰანგმა გაისტუმრა ის უკვდავებაში: „დაისში“ პირველად შეასრულა ვანომ „თავო ჩემო“ და პირველად ვანოს გასვენებაზე გაისმა იგი ჩელოს ცალფა შესრულებით.

ზაქარია ფალიაშვილმა მწუხარებით მოკუმა ტუჩი. ლაგ-ლაგა ნიკაპთან ცრემლი გაესკენა. ვეღარ გაუძლო... განერიდა.

იქვე თავჩაქინდრული დგანან ძმები სარაჯიშვილები. ხვალ სამუდამოდ გაეცლება მათ თავიანთი საამაყო ძმა. დარბაზში გამოდიან გუნდები და ორკესტრები.

* * *

ვანოს გამოსვენება დანიშნული იყო კვირას 12 საათისათვის, მაგრამ იმ დღეს მტკვარი ახალ კალაპოტში გადაუშვეს და წთავრობის წევრები ზაპესში გაემგზავრნენ. მათი თხოვნით გამოსვენება 3 საათისათვის დაინიშნა და ოფიციალური ცნობა გამოქვეყნდა. ხალხის ტალღა დიდიდანვე მიაწყდა ხელოვნების სასახლეს.

3 საათისათვის ახლო-მახლო ქუჩებში გავლა გაქირდა, ხოლო მაჩაბლის ქუჩაზე აღვილიდან დაძვრაც კი არ შეიძლებოდა. შენობები წითელ-შავნარევი მატერიით მოურთავთ, შიგადაშიგ ვანოს დიდი პორტრეტებია. ბევრგან ვანოს სურათს ჰყიდიან, მაგრამ ვინ მიუდგება?

გააფთრებული კოტე მარჯანიშვილი დამხმარეთა მთელი რაზმით დაჰქრის წესრიგის აღსადგენად. რა გაარღვევს შექვეითკირებულ ხალხის კედელს! ჯარის ნაწილებიც გამოიწვიეს. სასახლე ვერ იტევს გვირგვინებსა და თაიგულებს, ამიტომ ისინი მაჩაბლის ქუჩაზეა დაზღვავებული.

გამოასვენეს.

კუბო ვარდ-ყვავილთა ტბაში მოცურავს, სწორედ ისევე, როგორც ნატრობდა ვანო. მაგრამ... მსგავსი რამ არასდროს ფიქრად არ მოსულია—ყვავილმა გზა გადულობა და სამარისკენ აღარ უშვებს.

ათი ორკესტრი ერთად უკრავს. დროშები წითელ ტალღებით იხრებიან და გზას უთმობენ დიდ მომღერალს.

ამ ზღვა ხალხში ერთი კაცი ამალღებულა და გრძელი მკვლავები გაუშვდია. ისლივით მიმდგარ ყანაში ტოტებგაშლილ კაკლის ხესა ჰგავს: მაგიდაზე შემდგარი კოტე ფოცხვერაშვილი აკადემიურ გუნდს ლოტბარობს. გუგუნით ისმის „სულთათანა“.

გზადაგზა პროცესია ჩერდება. პროცესია კი არა—კუბო. ხალხი ზღვასავით სდგას—კუბო ზემოდან მილივლივებს. აღა-

მიანი მასას ნიჰყავს, მასა კი თითქოს მიწაწია ჩალურსნული. ხელოვანთა სასახლიდან ოპერის თეატრამდე ნემსი არ ჩავარდება: თითქოს დედამიწიდან უთვალავი ჭიანჭველა ამოხეთქილა და წარღვნასავით მოსდებია ქუჩებს, თანჯრებს, აივნებს. ხეებს შესევია, სახლების სახურავზეც აღოღებულა. და ამ ორომტრიალში თოვლის თანტილივით ეღვარებენ ცვირსახოცები, პეკლებივით ფარფატებენ გაქათქათებული ლეჩაქები. რამდენი ზავწვი ასცდა მშობელს, რანდენს გული შეუღონდა. რამდენი ცოემლი დაიღვარა.

შემთხვევით თბილისში მყოფ რუს პოეტს სტრგევი ესენინს სიზმარში ჰგონია თავი. გარეტებულია გრანდიოზულ სანახაობით.

სალამოს ნ საათზე ძლივს მიაღწია ვანომ თავის საზღვდამო სავანეს. ოპერის თეატრის აივნიდან გამოსათხოვარ სიტყვებს ეუბნებიან. მკვლარულ სიჩუნეში გაისმა ნაწყვეტები „აბესალომ და ეთერიდან“. შემდეგ „დაისი“ აეღერდა. სევდით შეხუთული ჰაერი მსახიობ პოპოვას სიმღერამ შეარხია:

„მწუხრი დაიწყო, ბედმა რა მიყო,
სიცოცხლე ჩემი მან თან წაიღო...“

„მაროს ტირილით“ ეთხოვება ის თავის საამაყო პარტნიორს—დიღებულ მალხაზს. პოპოვას სული ეხუთება და მაინც მღერის. უკანასკნელად გადმოხედა კუბოში მწოლარე ვანოს და გული წაუვიდა.

კუბო საფლავში ჩაუშვეს.

ხალხმა დაიჩოქა.

ზღვა დროშებმაც თავი დაჰხარეს.

ყვაგილის ზვინმა დაჰფარა მიწა.

საფლავზე გადატებილი სალაპური დაადეს.

შამადავითიდან ცისფერი ნისლი დაიძრა, ქუჩებს გამოჰყვა და რუსთველის პროსპექტს შემოეპარა.

დაბინდდა, მწუხრი დაიწყო...

ზარდა კვლავ აიწია

რადგან ვანოს დასაფლავებამ სალამომდე გასტანა, მისი ხსოვნის აღსანიშნავი სპექტაკლი 22 ნოემბრისათვის გადაიღო.

— „აბესალომი“ უნდა დავსდგათ,— განაცხადა მარჯანი-
წვილმა.

— უაბესალომოდ?!

— დიახ, დიახ! აბესალომის პარტიას კაპელნიცკი დაუკ-
რავს სცენაზე. დანარჩენს... დაინახავთ.

ემილ კაპელნიცკის ფერი ეცვალა.

— ბატონო კოტე, ჯერ ისეღაც გონს ვერ მოვსულვარ
„თავო ჩემო“ რომ დამაკვრევენეთ ვანოს კუბოსთან. ჩემი
გული მოშხამულია.

— მით უფრო!

— ბატონო კოტე, ღმერთს გეფიცებით, ვერ გაუძლებ.

— ვერც მე ვუძლებ, ვანო სულ ვერ უძლებდა. გადაწ-
ვეტილია!

კაპელნიცკის ამბანაგები დაესივნენ.

— რად დასთანხმდი, იცი რას ნიშნავს ეს?

— მე... მე არაფერი არ ვიცი. აი, მან იცის.

* * *

22 ნოემბერს კაპელნიცკი წელმოწყვეტილი შევიდა თეატრ-
ში. დარბაზში ტევა არ იყო. ტანჯვის სპექტაკლი დაიწყო.

აი, ეთერმა დაამთავრა „დედინაცვალი“ და ახლა თეთ-
რად მორთული ვანო სცენაზე უნდა შემოიჭრას.

მის ნაცვლად სინათლის შუქი შემოიჭრა ეთერთან. კაპელ-
ნიცკიც სცენაზევეა. მიმოიხედა, გააჟრჟოლა. მწვავე ფიქრი
ეკალივით ესობა ტვინს, სულსა და გულს:

... ფალიაწვილმაც მე მაწამა: „თავო ჩემო“ დასწერა სო-
ლოდ ჩელოსათვის და ვანოსთან დამაკვრევენეს. თითქოს ჩემს
სიჭაბუკეს ვუგალობე უკანასკნელი სულთანა. ახლა... ნეტავ
ჩაინგრეს ეს თეატრი და თან ჩამიტანოს, ოღონდ გადავრ-
ჩე.—ირველივ ქვითინია—სცენაზეც და პარტერშიც. როგორ
დავეუქრა? მაროლა ჯამბაზი ხომ არა ვარ...

მაკრამ, ფიქრის დრო აღარ ჰრის. ძველმა ოსტატმა მთე-
ლი ძალღონე დასჭიმა, მოკუნულ ტუჩს კბილი დაადგა და
აი, ვანოს ნაცვლად ამღერა ჩელო:

მე ბანი ბანად გეძებდი...

ხალხი შეირხა. კაპელნიცკიმ თვალი მოჰკრა ამას და შედრკა. „ბეწვის ხიდზეა“ ახლა მისი წონასწორობა. საკრავის ნაცვლად თითქოს ვანოს გული უჭირავს ხელში.

— ემილ, ნაცადო მეგობარო, არ შემარცხვინო! ჩასჩურჩულა იდუმალება ხმამ. თითქოს ვანომ გამოსტაცა საკრავი და განაგრძო თავის პარტია:

... შენ ბალი ბალად გეძინა,
გაგეხსნა ოქროს საკინძი,
ბროლის გულმკერდი გეჩინა...

კულისებში ბორჯავს მარჯანიშვილი. პაპიროსს ეწევა, ბოლთასა სცემს. მესამე აქტის შემდეგ კაპელნიცკი ცუდად გახდა. ექიმი მოაშველეს. კოტემ კიდევ შესძახა. ძალა შეჰმატა.

კომმარულ სიზმარს და საშინელ სინამდვილეს ჰგავდა ეს სპექტაკლი.

„აბესალომი“ უაბესალომოდ ვანოს გარდაცვალების წლის-თავზედაც განმეორდა. ოპერის თეატრში აჩვენეს ფილმი „მამის მკვლელიც“.

ქართული ოპერის სიამაყემ გზა იცვალა, მაგრამ აკი მტკვარმაც იცვალა მაშინ საუკუნოებით გაკვალული გზა და ორ ეპოქას შორის შუქის ზღვარი გაავლო. თითქოს ვანოს აღმოდებულ გულს დედამიწა ამოეხეთქა და ირგვლივ შუქი დაეფრქვია—საფლავზე ანთებული ელნათურების გვირგვინი იღო.

ვანოს შემდეგ

სიმღერა ვანო სარაჯიშვილისათვის იყო საკუთარ სულის იდუმალი ხილვა პოეზიის უკვდავ სამყაროში. მუსიკალურ ფრაზას ის განიცდიდა ყოველი წვეთი სისხლით, ნერვის ქსოვილით. ამიტომ ასე ძლიერ აღაგზნებდა ამ ოქროპირს სიმღერა, და ქვა უნდა ყოფილიყო ადამიანი, რომ ეს აღგზნება მის სულსა და გულსაც არ მოსდებოდა ფანტასტიკური კოცონივით.

სიმღერა ვანოსათვის იყო არა მარტო მოხიბლულ სულის ღალადისი, არა მარტო ვირტუოზული შესრულება იმისა, რაც კომპოზიტორს დაუწერია. არამედ ამ დაწერილის მიხედ-

ვით საკუთარ თავის სასწაულებრივი გარდაქმნა და შემოკმე-
მკვლევითი ფერისცვალება.

ყოველივე ეს საფლავამდე მიჰყვება ყველას, ვისაც ვანო-
სათვის მოუსწვნია.

„თავო ჩემო“ დიდებულ მყინვარივით აღმართულა ვანოს
საფლავზე. ამიტომ უდიდეს სინანულს ჰგრძნობს დღეს ქართ-
ველი ადაშიანი „თავო ჩემოს“ მოსმენისას. აქ ყოველ აკორ-
დში თითქოს ვანოს იერი მოჩანს და მსმენელის დაძაბულ
ნეკრს ცეცხლის აღმურში ჰხვევს.

ვანოს შესახებ უცხოეთში დიდხანს არ შეწყვეტილა სჯა-
ბაასი. ხმების ჩაწერი საზოგადოების ძველმა თანამშრომელ-
მა ბარბარინიმ, მილანში სანდრო ინაშვილს პირველად „ხუ-
ჭუქუქთმიანი და შავგრემანი ტენორი“ — ვანო სარაჯიშვილი
ჰკითხა. სიკვდილი რომ გაიგო, გული დაეწვა.

ვანოს გარდაცვალების ამბავი შალიაპინმა ჰოლანდიაში
შეიტყო ლეონ ისეცკისაგან. დიდად იმწუხნარა. — იტალიაში
ვანო სარაჯიშვილს მე ერთ-ერთ მშვენიერ ლირიკულ ტენო-
რად ვსთვლიდი, და დიდ მოღვაწის ვუქადადი. აქი არც შევმ-
ცდარავარ... მეტად სამწუხაროა შესანიშნავი ქართველი მომ-
ღერლის დაღუპვაო.

ვანოს შემდეგ ისევ ეწვია თბილისის მსოფლიოში განთქმუ-
ლი რუსი ტენორი ლეონიდ სობინოვი. ემილ კაპელნიკი
შეეკითხა სობინოვს მუსიკოსთა წრეში:

— რა აზრისა ბრძანდებით ვანო სარაჯიშვილის მიერ
ნადირის პარტიის შესრულებაზე?

— ნადირის პარტიის შესრულებაში ვანო სარაჯიშვილს
ტოლი არ ჰყავდა, იგი უნიკუმი იყო. — განაცხადა საჯაროდ
სობინოვმა და ბევრი რამ საინტერესო სთქვა კიდევ ვანოს
შესახებ.

თბილისის რამდენიმეჯერ ეწვია განთქმული ტენორი კოზ-
ლოვსკი. ოპერის დარბაზში შესასვლელთან ვანოს გადიდ-
ებული სურათი ეკიდა. იგი თეატრს სანდრო ინაშვილმა უძღვნა.
კოზლოვსკი მოწიწებით, ქუდმოხდილი ჩაუვლიდა ხოლმე ამ
სურათს. ვანოს ძველის ასაგებ ფონდში ამ ადამიანმა თავისი
წელილი შეიტანა და სხვა მომღერლებიც გამოიწვია. რალაც

თანხა დაგროვდა. ერთ დროს ძეგლის კონკურსიც გამოცხადდა. კოსლოვსკიმ ბევრი ეძება ვანოს მიერ დამღერებული ჩანაწერები, რომლებიც იმპერიალისტური ომის დროს დაიკარგა. ვერსად იპოვა და ამ ამბავმა მეტად დააწუხბრა.

* * *

ტერენტი გრანელის ლექსს დიდხანს მღეროდნენ. ბავშვებში მეტად პოპულარული გახდა მეორე სიმღერა:

ოპერის ბაღში ვარსკვლავი ბრწყინავს,
ცივს სამარეში ვანოსა სძინავს.
ადექი ვანო, გეყოფა ძილი
ნუთუ არ გესმის ერის ქვითინი?

მაგრამ კოტე მარჯანიშვილის ხელით აწეული ფარდა არ დაშვებულა, სცენა არ დაბნელებულა. ვანოს დაკრძალვიდან ათი დღის შემდეგ ზაქ. ფალიაშვილის „დაისში“ პირველად გამოვიდა მშვენიერი ტენორი ნიკო ქუმსიაშვილი. ნიკოს ვანო სარაჯიშვილმა დაულოცა გზა ოპერისაკენ და უწინასწარმეტყველა — შენ იმღერებო. და მართლაც, თხუთმეტობდე წლის განმავლობაში ემსახურა ნიკო ქუმსიაშვილი მშობლიურ სცენას. დიდად დაწინაურდა. საბჭოთა ხელისუფლებამ რესპუბლიკის სახალხო არტისტის წოდება და მაღალი ჯილდოები უბოძა. სამწუხაროდ, ისიც ადრე გამოგვეცალა ხელიდან (გარდ. 1942 წლ. 20 სექტ.)

თითქმის ნ. ქუმსიაშვილთან ერთად სცენაზე გამოვიდნენ მთელს საბჭოთა კავშირში დიდად სახელმწიფოეჭილი მომღერლები, რესპუბლიკის სახალხო არტისტები დავით ანდლულაძე და დავით ბადრიძე. არას ვამბობთ აქ ჩვენს შესანიშნავ სხვა მომღერლებზე, რადგან ამ შენთხვევაში მხოლოდ ვანო სარაჯიშვილის რეპერტუარის პირველი მემკვიდრეები გვანტე-რესებს.

საბჭოთა ხელისუფლების დროს უჩვეულოდ აყვავდა ჩვენი ხელოვნება, მუსიკა, ვოკალური კულტურა და შესანიშნავი მომღერლები დაწინაურდნენ. რაოდენ სიხარულით აღივსებოდა ვანო სარაჯიშვილის ალალი გული ჩვენი ნიჭიერი ახალგაზრდობა ასე გუნდ-გუნდად რომ ენახა მშობლიურ სცენაზე, სადაც ის დიდხანს ობლად ღულუნებდა თვალმინაბული.

მომავალი თაობა ახალ ვანო სარაჯიშვილებს მისცემს სამ-
შობლოს. მოვლენ ისინი—ათასი აბესალომები და მალაიაზები.

მოვლენ უბადლო ქართველი მოძღვრლები და უფრო მალ-
ლა ასწევენ მშობლიური ოპერის დროშას.

ოპერის ბაღს „ეთერი“ ჰქვია. ამ ბაღში ვანოს გვერდზე
დამარხეს ზაქ. ფალიაშვილიც. იქვეა ნიში კოტე მარჯანიშვი-
ლის ფერფლით.

ამ სამ საფლავს საუკუნეთა მანძილზე შეინახავს თავის
გულში მთელი ქართველი ერი.

აბესალომი კვლავ ეთერთანაა. რა გასთიშავს ამიერიდან
მათ? ქართული მიწა არასდროს არ აღმოაცენებს ვანო სარა-
ჯიშვილის გულზე მურმანის ეკალს.

პარსკვლავები

იტყვიან: არ უარყოფთ—ვანო დიდია, მაგრამ... რუბინი,
აზინი, კარუზო და მრავალი სხვა შესანიშნავი ვარსკვლავები
კაფობენ ხელოვნების ცის ტატნობზეო.

არც ჩვენ უარყოფთ ამ ვარსკვლავებს; ყველას თავის
დიდება მოსავს, ყველას თავისი სამშობლო აქვს და ვარსკვ-
ლავებიც ჯერ სამშობლოში კიფობენ, შემდეგ კი — სხვაგან.

რუბინი და კარუზო კი არა, თვით „სიმღერის ღმერთიც“
რომ არსებობდეს ბუნებაში, ისე ვერ გვაგრძნობინებს მშობ-
ლიურ ჰანგს, როგორც ვანო გვაგრძნობინებდა. ამიტომ ის
ჩვენთვის რუბინიცაა და კარუზოც.

სიმღერა ისე სჭირდება ქართველი ადამიანის სულს, რო-
გორც თვით ჰაერი და სიყვარული. სიმღერა ჩვენს სისხლ-
ხორცში გამჯდარი ნიჭია. ვანო ამ ნიჭის გვირგვინია.



ერის სიამაყე	83
სარაჯიშვილთა გენეალოგიისათვის	3
წინაპრები და ნათესაობა	4
მშობლები	5
ვანოს ბავშვობა და მოწაფეობა	7
საჩუქიკო სასწავლებელში	8
სამხედრო სამსახურში	9
სარაჯიშვილთა საოჯახო გუნდი	10
ილია ჭავჭავაძის განაჩენი	12
არც დრო, არც ფული!	13
ქართული საღამოები რუსეთში	15
სარაჯიშვილების „დემონი“	17
აღექსი წერეთელთან. იტალიელთა დასში	19
პირველი გამოსვლა თბილისის ოპერაში	21
„ფორთოხლისა და ტენორების“ ქვეყანაში	22
იტალიიდან დაბრუნება. საქართველოსა და რუსეთის სცენაზე	25
ვანო სარაჯიშვილი და ქართული ოპერა	29
ვანო სარაჯიშვილი და ქართული რომანსი	33
ხელოვანი და ადამიანი	40
სად იყო ხიშტი?	43
ნამდვილი მარგალიტი	49
რომეოს კრინი	50
შეოცნებე ბაირონი	50
„ფაუსტი“ ყარაიას ტყეში	51
ჭრილობა	52
აღმოდებული განთიადი	53
მამლუკეთ ჩემთვის	54
ურმული და ნოტები?	55
მიწის სუნი	55
ჯადოსანი მკურნალი	56
ამ ამბავს მთელს ევროპას მოვსდებ	56
უბაღრუკი მლიქნელი	57
ბოლშა დამახრჩობს	57
კაკლის კენჭროხე	59
რად მიღუპაქ სამშობლოს?	59
განრიდებული მომღერალი	60
სალამური	61
პოეზიის თაიფული	61
ივენანა	62
	63

ვილლი ჩეხე	63
რამ გაწუწა ხალხი	64
ქუჩის მომღერალი	65
ქორამი	65
კავკასიელი ბულბული	66
ორი „ურმული“	66
უცხო სტუმარი	67
ლენინი და სობინოვის წამალი	68
არ დაგავეწყდეთ... ქართველი ვარ!	70
მარადიანობის ბრილიანტი	70
ქედს ვერ მოვიხარი	71
რუსული გარემოცული	72
მაპატიეთ, დამაგვიანდა	73
მშვიდობით... მშვიდობით!	74
იუბილე	74
ჯიანასკნელი „თავი ჩემო“	77
ერის გლოვა	83
გადატეხილი სალამური	90
ფარდა კვლავ აიწია	93
ვანოს შემდეგ	95
ვარსკვლავები	98

Ш. Кашмадае
ПЕРЕЛОМАНАЯ СВИРЕЛЬ
 (На грузинском языке)
 Издательство „Хелопნობა“
 19 Тбилиси 57

რედაქტორი დ. კომახიძე
 მხატვარი ვ. ბაქრაძე
 ტექნორედაქტორი ლ. ლომთათიძე
 კორექტორი მ. ჩიხრაძე

ხელმოწერილია დასაბეჭდად 22/VII-57, ანაწყობის ზომა 5 $\frac{1}{2}$ × 9,
 ქალაქის ზომა 84 × 108 ნაბეჭდი თაბაჩი 6,5.
 უფ 00167. ტირაჟი 10.000. შეკვ. № 205.

1-я типография Главполиграфиздата
 Министерства культуры Грузинской ССР
 Тбилиси, ул. Орджоникидзе № 50.